


This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>







2400
95420

1840

Histoire



HISTOIRE
A MOVREUSE,
DE FLORES ET BLAN-
CHEFLEVR S'AMYE, AVEC LA
COMPLAINTE QUE FAIT
VN AMANT CONTRE
AMOUR, ET SA
DAME.

Le tout mis d'Espagnol en François, Par mai-
tre Jaques Vincent, Aumonier de monsieur
le Conté d'Anguieu.



A ANVERS.

Chez Iean vvaesberghe au Cemitiere no-
stre Dame, à l'Escu de Flandres
au Marché à Toiles.

M. D. LXI.

AVEC PRIVILEGE DV ROI.



LA Maiesté Royale a donné Priuilege a Iean waelberghe, libraire en la ville d'Anuers de pouoir faire imprimer védre & distribuer en ses païs de per de çà *L'histoire amoureuse de Flores & Blanchefleur samye, &c.* Comme plus amplement est déclaré en l'original. Donné a Brusselle le.4.iour de Feburier. 1561.

Boudewijns.

¶ A TRES NOBLE ET VERTVEUX SEIGNEVR,
RENE DE SANZAY, SEIGNEVR DE SAINT MAR-
sault, laques Vincent desire accroissement d'honneur &
felicité perpetuelle.

ZENOCRATES le sage Philosophe, tât fort renommé, assu-
 re qu'en vraie amitié consiste bien & mal : comme aiant en-
 semble affinité. Or aiant connoissance, vertueux Seigneur,
 qu'avez esté participant de choses plaisantes : & desquelles
 l'esprit humain peut recevoir contentement, i'ay bien voulu trauailler
 mô esprit quelque espace de temps, pour traduire l'Histoire amoureu-
 se de Flores, prince d'Espagne, & de l'amy Blanchefleur : Puis l'ayant
 acheuée, pensant au scauoir qui vous fait cōpagnie, assuré de votre fer-
 meté, ay pris desir, mettre en François la Complainte que fait Luzinda-
 ro, prince d'Æthiopie, contre le trompeur Cupidon & vne Dame. La
 perte de laquelle, ne luy fut moins facheuse, que vous ha esté le regret,
 lors qu'eloignates celle en qui gisoit votre felicité. Je vous prie penser
 qu'en semblables affaires, celuy se peut reputer heureux, qui est exempt
 de passion, & langueur. Ce que ie treuue impossible : Car ce cruel dieu
 des amans qui s'est autrefois bandé contre la Déesse Venus, sa mere, est
 en coutume paier en semblable monnoie, ceux qui volontairemēt pren-
 nent plaisir obeer à ses loix. Lesquelles n'ayant en contennement & mé-
 pris, i'ay mis en lumiere ce que vous presente. Et si aucun l'auance, &
 prent la hardiesse me desestimer pour n'estre amusé sur cette histoire
 fabuleuse : Je feray mon rempart de l'Att d'aimer, écrit par Ouide, & des
 confabulations amoureuses, cōposées par Seneque : Et pensant en eux,
 donray allegement à mon esprit : Car encore qu'ilz fussent sages, inge-
 nieux, & subtilz : si n'auoient ilz la iouissance d'un plus grād priuilege que
 moy. Je croy bien que les trop curieux, ne faudront me declarer amy de
 fiction : Mais ie leur répondray, que sous le sens moral d'icelle, on peut
 recueillir quelque fruit. Vous auertissant que le discours de ces deux
 Amants, nous fait connoitre auec quelle obligation, ceux qui aspirent
 donner fin à leur peine, doiuent estre constans, & vser de vertu : laquelle
 rend immortel à la posterité, celuy qui s'estudie la suiure. Cōme iay en-
 tendu qu'avez fait, par Maître Pierre Tredéhan d'Angers mon familier
 amy, l'heureux cōmencemēt duquel, promet qlque chose de bō à ceux
 de la terre ou il s'est nourry, cōme ilz pourrōt voir de brief, par quelque
 oeuvre poetique qu'il veut mettre en lumiere : attédār leql, ie vous prie
 vouloir pouruiure la faueur de votre gloire, sās faire cas du trauail qu'a-
 uiez parcidauāt souffert. Et par mesme moyen, cōtinuer votre amitié en-
 uers celuy, qui à perpetuité vous veut demourer treshumble seruiteur.

A 2 Ode,

ODE, A MAITRE IA-

QUES VINCENT, SVR

l'augmentation de notre
langue François: ParPierre Tredehan
d'Angers.

Ombien q̃ ma plume etriue
Et ne permet que i'ecriue
Ny en prose, ny en vers,
Connoissant biē q̃ ma Muse
Me tient, m'arreste, m'amuse
De voler par l'vniuers:

Bien que le siecle ou nous sommes
Produise tant doctes hommes
Et tant d'excellans esprits:
Dont l'ingenieux ouurage
Abatarist mon courage
De faire voir mes ecrits:

Si n'ay-ie, Vincent, seu faire
Que ie me peusse distraire
De t'ecrire en cet endroit,
Immitans l'aile debile
De loiselet peu abile
Qui son vol trop tost prendroit.

S'il est bon que la nature
Incite sa creature
Aimer sa natiuité,
Pourquoy faut il donc qu'elle erre
Par mainte estrangere terre
Mainte Prouince & Cité?

S'il est bon que l'on s'aplique
(Au los de la republique)
A notre langue augmenter,
Que sert sur la Greque Attique,
Et sur la Romaine antique
Si long temps se tortmenter?
L'homme bien en vain s'afole

De voir l'un, & l'autre Pole,
L'Inde fertile en tous biens,
Si toute sa peine dure,
Tous les trauaux qu'il endure
N'est pour le profit des siens.

Celuy est fol qui se force
D'oter la plus dure écorce
Du Grec, du Latin: aussi
De toute langue estrangere,
S'il n'ha Volunté entiere
D'enrichir la sienne ainsi.

Si le grand Académique,
Si le Peripatetique,
Zenon, & tant d'autres Grecs,
En leur langue naturelle
Comme etans amateurs d'elle
Ont écrit tant de secrez:

Si Ciceron, si Saluste,
Si Iustin, Cesar Auguste,
Tous les Rommains orateurs:
Si Virgile, Ovide, Horace,
Petrarque, Dante, Boccace,
Sont de leur langue amateurs:

Pourquoy disererons ores
(Cherissant la notre encores)
Ces doctes gens immiter?
Serons nous donc si barbares
Que ces richesses tant rares
Nous dedaignons accepter?

Bien vraye fut la parole
Qui par tout ce vague vole
Et croy qu'elle veint des Cieux,
Laquelle nous fait connoistre
Rien nuisible à l'homme n'estre
Que l'homme pernicieux.

Bien est de soy peu courtoise
Notre nation Française,
Que dy-je? la Nation!

Mais vn tas de fourcis granes
Qui pour ce montrer plus braues
Hayent la perfection.

Bien plain est d'ingratitude
C'il qui met tout son étude
A notre langue blâmer,
Et en autre s'étudie
A celle fin qu'on luy die
Qu'il porte l'eau dans la mer.

Bien facheux sont ces satyres,
Mais encor ceux la sont pires
Qui (se voulant tormenter)
Les doctes osent reprendre
Qui pour vertu nous a prendra
Se mettent à translater.

Si la langue Castillane
Eust les beautez d'Oriane
D'Amadis les nobles faitz
Retenez pour estre ornée,
Et que du mont Pyrenée
N'eussent passé le haut faix:

Si cette Veine Angevine
N'eust de sa manne diuine
Fait aux François abandon:
Et si sa lyre enyurée
Ne nous eust point delivré
L'amour d'Enée & Didon.

Mesme, Vincent, si ta Muse
Qui à traduire t'amuse
Dont grand honneur tu reçois:
En cette Gauloise terre
Tes Palmerins d'Angleterre
Ne nous eust renduz François:

Ou seroit cette faconde
Qu'autre langue ne seconde
Soit en doux & hautain styl.
Soit aux plus fieres alarms,
Ou soit (au repos des armes)

Qu'on parle d'honnête-visti
La grauité du langage
Caché par long & long age
A la clarté de noz yeux:
Eust il en l'Europe tousse
Fait l'Etranger (qui l'ecoute)
De notre bien enuieux?

O fole & trop obstinée
Troupe sourcilieuse, née
Des Geans audacieux,
Qui pense é leuer encore
Dessus le riuage more
Vne tour iusques aux cieux!

O ignorance auenglée!
Comme es tu tant deriglée?
Et hors de toy, que d'oser
Dire estre mauuais à l'homme
Cela que vertu on nomme
En noire langue exposer?

Le docteur de l'ecriture
S'il veut à la creature
Enseigner la loy de Dieu:
En quelle langue sera-ce
Qu'il luy fera cette grace,
En Grec, Latin, ou Hebreu?

Le doctre iuriconsulte,
Quand il plaide ou qu'il consulte
Pour rendre vn droit éclarcy,
Met il sa langue en arriere
Pour aller donner carriere
Au Grec, au Latin ausi?

Le coronal d'vn armée
S'il la veut rendre animée
A prendre piques & dars:
Se sert il d'autre langage
Que de son propre ramage
Pour animer ses soldars?

C'est vne chose admirable

De voir si long temps durable
Tant peruerse opinion
D'un tas d'hommes plains d'envie
Qui veulent finir leur vie
En cette confusion.

C'est chose trop ridicule
A celui la qui recule
De rendre un parler parfait:
Et en maint & maint langage
De la plus grand part de l'âge
Perse miserable fait.

L'homme est par trop fol, en somme
Qui vingt ou trente ans consomme
En ces langues, ô quel mal!
Pleust il à Dieu qu'entenduo
Fust une langue épandue
Parmy ce rond Animal.

Alors aurions connoissance
D'une certaine science:
Le bien si long temps cherché
En cette Philosophie
Qui au ciel nous desfie
Ne nous seroit tant caché.

Nos trop soudaines années
Seroient alors adonnées
A la science aquettier,
Non pas à un vain langage:
(Ainsi qu'un oiseau en cage

Qui apprend à craquer)
La donc, Vincent, que soit faite
Notre langue plus parfaite
(le te pry) par ton moyen:
Fais connoître à notre France
Que tu chasses l'ignorance
Comme son bon Citoyen.

Declare luy toute Histoire,
Fais luy accroître sa gloire
Son langage polissant:
Donne luy bien à connoître
Que tu ne le lairras estre
Comme iadis languissant.

Fais que ta plume qu'itonne
De son sucré styl, etonne
Le superbe Castillan:
Comme ta frase allechant
(Qui de Roland l'amour chante)
Etonne l'Italien.

L'amour, dont Blanchefleur use
Se montrant si vertueuse,
Presente nous à nos yeux:
Pendant que ta docte veine
Qui du doux Nectar est pleine,
Nous prepare quelque mign.

Fin de l'Ode.

TOVE A UN POINCT

¶ Comme le prince Perse, nepueu
de l'Empereur de Romme, print son
chemin à Milan, ou il epousa la
princesse Topasse, fille au
Duc de Ferrare.

CHAPITRE. I.



V tēps que Rōme estoit
en auctorité, & que les
gouuerneurs d'icelle (cō
me dominateurs de tout
l'vniuers) par leur sçauoir la ren-
doient policée : Vng riche & puis-
sant Prince, nommé Perse, regnoit
en Italie, ayant, non tant seullemēt
plusieurs chasteaux, villes, & lieux
plaisans: ains auctorité si grāde, que
presque toute Rōme brāloit soubz
le commandement de sa grandeur.
Au moyen dequoy, ses amys com-
mencerent luy persuader se vouloir
marier. Et pour l'inciter d'auāge,
luy firēt recit de plusieurs femmes
fort singulieres : au nōbre desquel-
les fut trouuée l'infante Topasse, fil-
le au Duc de Ferrare, fort recom-
mandée entre les Princesses, tant
pour la grādeur de son lignage, que
pour la vertu qui luy faisoit com-
pagnée. Mais la fortune luy fut tant
peu heureuse, qu'à la fin son pere
abandonna le sciecle, delaissant au
Duc de Milan, son cousin, le gou-
uernemēt de sa fille: la beauté de la-
quelle estoit tant singuliere, qu'en
tout l'empire ne s'en trouuoit au-
cune qui la peult egaler, tant elle

estoit acōpagnée de vertueuse gra-
ce. Le Seigneur Perse, sollicité par
ses amys d'entrer en mariage, print
vouloir d'epouser l'infante Topasse
& l'imprima tellement en son cueur
qu'il conclud s'acheminier en la cité
de Milan, pour voir celle qui par
seul raport auoit rendu captif son
cueur. Pour auquel dōner quelque
alegement, feit promptement arri-
uer deux Nauires, puis feit chercher
par toute sa terre, pour l'accompa-
gner, les personnes plus hōnorables:
ausquelles feit entendre son entre-
prise, dequoy tous ensemble re-
ceuerent indicible contentement.
Acompagné duquel, feirent depart
de Romme, ayans le vent tant fort
propice, qu'en peu de temps leurs
vaisseaux se rendirēt au pres de Ge-
nes, ou il leur falloīt prendre terre
pour aller à Millan. Le gouuerneur
de Genes, estāt aduertty qu'on auoit
decouuert deux nauires, feit son
debuoir d'entēdre qui les conduy-
soit : Ce que le prince Perse luy feit
incontinent sçauoir, l'aduertissant
venir de Romme, en deliberation
de prendre son chemin à Milan: Au
moyen dequoy les Mathelortz (qui
estoient aux gaiges de la Cité) furēt
enuoyez au deuāt pour le conduyre
seurement dans le Port. Et ce pen-
dant le gouuerneur feit appeller les
plus nobles hōmes de Genes: avec
lesquelz ne faillit aller recepuoir le
prince Perse fort honorablement.
Et l'ayant logé selon la grandeur de
son

son estat & auctorité, le festoyerent l'espace de quinze iours : sur la fin desquelz le prince Perse delibera prendre son chemin à Milan, ou il enuoya ses ambassadeurs, pour aduertir le Duc qu'il estoit arriué à Genes, en inténion de luy aller bien tost faire la reuerence. Le Duc de Milan n'eut plustost entendu que le prince Perse estoit entré en ses terres, qu'il se mist en chemin pour l'aller recevoir : pour autant qu'il estoit fort proche parét de l'Empereur. Et s'estre rencôtrez à vne iournée pres de Milan, se misrent en deuoir tous deux de mettre pied à terre, pour faire ce que le point d'honneur commande aux personnes heroïques, & grandes : Mais l'un donna empeschement à l'autre, en sorte que ne pouuans paruenir à leur inténio, prindrét à s'acoler par grand amytié. Et s'estre carassez, suivirét le chemin de Milan, sans que le Duc vousist endurer que le prince Perse fust logé en autre lieu que dans le Palais. Et ses gentils hommes furét conduyz aux maisons bourgeoises de la Cité. Parmy laquelle fut cryé qu'on n'eust à prédre aucun argent du prince Romain ne des siens : ains qu'on leur eust à deliurer draps, soye & autres choses qui leur seroyent agreables. Pour à quoy satisfaire, les marchans estoient enuoyez au tresor du Duc, ou payement leur estoit fait par son tresorier : sans que le Duc vousist endurer que le seigneur

Perse feist aucune dependance, faisant seiour en sa compaignée. Frequenter laquelle, le Prince Romain (qui auoit desia veu la belle Topasse) print la hardiesse, estant à la chasse, d'vser de tel langage enuers le Duc : Le vous aduertiz, monsieur, q l'estime & vertueuse noblesse de vostre niepce, m'a prouqué venir visiter vostre heroïque maison : ou i'ay aperceu beaucoup plus de beauté, en elle, que l'on ne m'auoit fait entédre : Si que ia me suis auancé vous faire requeste de la me donner en mariage, pour la rendre dame de moy : qui me reputeray le plus heureux de toute la terre. Vous assurez, monsieur, d'y estre affectionné par deux raisons : l'une, pour estre receu au nombre de vos aliez : Et l'autre, pour le desir qu'ay d'estre acosté d'une tant vertueuse Princesse. Le Duc de Milan entendant parler le prince Perse si raisonnablement : se print à luy respondre. Tresuertueux Prince, ie m'estime grandement redevable à Dieu, ayant permis que vostre seigneurie m'ayt fait entendre son vouloir : Et vous assure recevoir plaisir indicible aperceuant Topasse ma niepce, estre par vous désirée, à qui ie ne me veux tât oublier q de la refuser : ains vous accepte pour mon propre filz : Et acorde que la Princesse de Ferrare, ma niepce, soit vostre femme. Apres q ces deux Princes eurent mys fin à leur propos, tendirent la main l'un à l'autre, faisant promesse

promesse que le iour ensuyuant le mariage du prince Perse seroit acor-
 dé avec la Princesse de Ferrare : la-
 quelle le Duc de Milan ne tarda
 d'aller trouuer. Et pour luy decla-
 rer son vouloit, commença à luy di-
 re: Ma treschere niepce, ie vous ap-
 porte nouuelles qui vous serôt mer-
 ueilleusemēt agreables, vous asseu-
 rant que ie vous ay donnée en maria-
 ge au Prince Perse, cousin de l'Em-
 pereur de Romme, qui est seigneur
 de la plusgrāde partie de l'Empire:
 tellemēt qu'a bon droit vous pour-
 rez estre estimée, la mieux fortunée
 qui soit en tout vostre lignage. L'in-
 fante Topasse n'eut plustost laissé a-
 cheuer l'oraison de son oncle, qu'elle
 luy respondit fort humblement:
 Monsieur, j'ay telle estime du sça-
 uoir qui ha tousiours acompagné
 vostre seigneurie, que ie n'iray ia-
 mais au contraire de vostre ordon-
 nance: vous suppliāt humblement
 me vouloir dōner voz mains à bai-
 ser, & croire q'ie n'ay moins agreā-
 ble que vous, ce qu'a pleu à vostre
 grandeur d'accorder avec le Prince
 Perse. Le Duc de Milan apperceuāt
 tant grand' obeissance, en sa niepce
 Topasse, receut au cuer ioye indi-
 cible: Et cōmāda qu'elle fust acor-
 trée fort richement: puis enuoya
 querir les plus grans seigneurs de
 Ferrare, pour leur faire cognoistre le
 prince Perse: En l'absence duquel
 f'estre reduyt apart avec eux: com-
 mença à leur dire: Nobles cheua-

liers, ie vous ay mandé querir pour
 vous faire entendre comme i'ay dō-
 né ma nyepce Topasse, vostre dame,
 en mariage au prince Perse, cousin
 de l'Empereur. Pour raison dequoy
 ie vous prie me vouloir dire ce qu'il
 vous en semble. Les cheualiers de
 Ferrare firēt reponce à sa grandeur,
 que la fortune les fauorisoit gran-
 demēt: leur ayāt donné vng si puis-
 sant prince pour seigneur. Et pour
 montrer au Duc le plaisir qu'ilz en
 recepuoyent, s'acheminèrent vers
 le prince Rommain, pour luy faire
 foy & hommage, comme à leur sei-
 gneur.

*Comme le prince Perse espousa la prin-
 cesse Topasse, fille au Duc de Ferrare:
 Et du grand triomphe qui fut fait de-
 dans la cité de Milan.*

CHAPITRE. II.



LE Duc de Milan, cōgnois-
 sant par la bonne reponce
 des Ferraroys, que le ma-
 riage du Prince Rōmain
 & de sa niepce leur estoit agreable:
 enuoya querir vn notaire, pour luy
 faire mettre en-ēcript leur mariage.
 Et à cause que le pere de sa niepce
 estoit mort, luy donna licence de se
 partager, en sorte qu'elle presenta
 (pour ayder à soutenir les charges
 en telz cas requises) cent mille du-
 catz: sans les viles & citez, que son
 pere luy auoit laissées. Et apres que
 le Notaire eut faict ce que le Duc
 luy auoit commandé, vn Euesque se

B pre.

présenta, entre les mains de qui ces deux loyaux amans furent accordez: au grant contentement de maints grans seigneurs, & nobles cheualiers, suyuant la court au Duc de Milan: Lequel feit plusieurs riches presens, à la niepce: à qui semblablement fut présenté par le Prince son accordé, vne riche chaine, garnie de plusieurs pierres precieuses, & perles. Et pour plus captiuier son cueur, luy donna vn aneau, la vertueuse pierre duquel excendoit en valeur, deux mille ducatz. Auec lequel elle n'eut plustost esté epousée, par le prince Rommain, que le Duc de Milan son oncle, commanda qu'on fist appeller les ioueurs d'instrumens, pour sonner tandys que la noblesse de sa cour se delesteroit au bal. Apres lequel furent dressées ioustes & tournaies, ou le Duc de Milan feit present à maintz cheualiers, de cheuaux, & armes, pour les affectionner à rendre decorée la feste de sa niepce, laquelle n'estoit moins aymée du Duc, que sa propre fille: ioinct aussi qu'elle auoit esté nourrie en sa maison, sans auoir oncques eu l'heur d'auoir veu autre pere que luy, qui feist continuer le triomphe des nopces, iusques à ce que le prince Perse (estât en vn iardin) print desir luy faire entendre, que son vouloir estoit d'aller à Romme, pour sçauoir en quel estat l'Empereur se maintenoit. Le Duc qui ne souhaittoit qu'à luy fai-

re plaisir, luy dist, que non tant seulement il estoit prest de satisfaire à son vouloir, ains prenoit plaisir à l'accompagner iusques à Romme.

Comme le seigneur Perse, la Duchesse Topasse, & le Duc de Milan, prindrēt le chemin pour aller à Romme trouuer l'Empereur.

CHAPITRE. III.

LE Duc de Milan, n'ayant mys en oubly, ce qu'il auoit promis au Prince Perse, son nepueu, commanda à ses gens faire armer ses nauires, & les equipper, en sorte que par faulte de soldatz, d'artillerie, viures, & mariniers leur voyage ne fust retardé. Et apres que ceulx qui en auoient la charge, eurent satisfait à son commandement, le Prince Perse, acompagné de la Duchesse sa femme, & le Duc de Milan, feirēt de part pour s'aller embarquer à Genes, ou le Duc de Milan enuoya ses cheuaucheurs d'escuyrie, pour faire entendre au gouuerneur, que son vouloir estoit acompagner le prince Perse, la princesse Topasse sa niepce, iusques à Rome, de quoy le gouuerneur & citoyens de Genes eurent grand plaisir, & les receurent avec si grande humanité, qu'il leur fut impossible sortir hors de Genes, de huit ou neuf iours. Sur la fin de quelz, le Duc de Milan feit retirer ses gens aux nauires. Et auoir prins congé


congé de la seigneurie , le Prince Perle, Topasse, & luy, ne tarderent se retirer aux lieux ou estoient ancrés leurs vaisseaux: dans lesquels n'eurent plustost entré, que les Mathe-loz & Nochers, commencerent à faire voyle, ayans le vent tant favorable, qu'en peu de iours, eulx, & leur compagnee, ariuerēt à Hostie, ou le prince Perle depeeschava courrier, pour aller aduertir l'Empereur son oncle, cōme il estoit ariué avec sa femme, & le Duc son oncle, qui auoit abandonné la riche Cité de Milan, pour l'acōpaigner: Dequoy l'Empereur fut ioyeux au possible. Et pour mōstrer la faueur quil portoit à son nepueu, commanda aux Citoyens & à la noblesse de Rōme se mettre en braue equipage, pour aller receuoir le prince Perle, le Duc de Milan, & sa niepce Topasse, la vertu de laquelle luy auoit esté tant fort recommandée, qu'il print desir sortir hors la Cité: A deux lieues de laquelle le Duc de Milan, & les deux nouueaux mariez, furent decouuers par l'Empereur, qui receut avec grand honneur le Duc de Milan. Et apres l'auoir acolē, le faist par la main sans le vouloir abandonner, iusques a ce qu'ilz eurent fait entrée en la cité de Romme: Ou il fut auerty, comme le Duc de Milan n'auoit voulu souffrir aux gens de son nepueu, faire aucune depence, tandys que la Cité de Milan, auoit eu l'heur de les entretenir. Au-

moyen dequoy, sa maiesté commanda aux Rommains; sur peine de la vie, ne prēdre aucun argēt des gentils hommes Milannois: lesquelz sa grandeur feit loger aux plus magnifiques maisons de Rōme. Et par mesme moyen dresser banque pour satisfaire a ce qu'il plairoit au Duc de Milan ou à ses gens, prendre et acheter. Apres qu'il les eut laissés repōser, quinze ou dix iours: sa maiesté, feit mettre en ordre & aprester, ce qui estoit nécessaire, pour célébrer la feste du prince Perle, son nepueu. Pour l'hōneur duquel nostre saint pere le Pape, feit l'office ceste iournée, & chanta la messe. Apres laquelle, l'Empereur finuit, & semblablement furent appellez les Cardinaux & Euesques, qui se trouuerent ceste iournée en sa compaignie: Vous aduertissant qu'ilz furent traittez avec si grande magnificence, qu'il n'est possible à langue humaine le pouuoir declarer. Car le triomphe se cōtinua trente iours: Et croy qu'ilz eussent passé outre sans le Duc de Milan, qui requist au Pape & à l'Empereur, luy vouloir faire montrer les reliques de Romme: a quoy ilz l'accorderent. Et sans differer, nostre saint Pere accompaigné de tout le Clergé, luy mōtra en bien grande solennité, les choses plus dignes & samētes, qui fussent à Romme. Et apres que le Duc eut entierement contenté son desir, il supplia treshumblement au Pape &

à l'Empeteur, luy dōner cōgé pour se retirer en ses terres. Nostre saint Pere, & l'Empereur, ne voulurent aller au cōtraire de ce qu'il auoit en pensée: Mais premierement, certaines reliques luy furēt données par le Pape: aux piedz duquel, il se ietta, & les luy baïsa, en signe d'obeïssance. Puis print congé de luy, de l'Empereur, du prince Perse, & de sa niepee Topasse. Pour l'amitié de laquelle, l'Empereur, son nepueu Perse, plusieurs Cardinaux, & gentils hommes, luy feirēt compagnie six mille, hors la Cité de Romme, ou il print congé, & s'en alla par terre iusques à Ciuita uechia: Ou le Duc seiourna deux iours, traicté fort magnifiquement, par le commandemēt du Pape, & de l'Empereur. Puis luy & les gens, se retirerent dans leurs vaisseaux, ou ilz cōmencerent à singler, tenant la coste de Milan.

Comme le prince Perse, & Topasse sa femme, feirent residence dans Romme, & de ce qu'il leur aduint.

CHAPITRE. IIII.

 Pres que le prince Perse eut abandonné la compagnie du Duc, son oncle, il ne differa retourner à Romme, cerchant tous les moyens qui luy estoit possible d'inuenter, pour donner plaisir à la vertueuse Topasse sa femme: laquelle ne desiroit chose qui ne

fust promptement acordée par son mary, qui n'aspiroit fors qu'à luy donner contentement & plaisir. Et pour la rendre plus asseurée de son bon vouloir, commença luy parler vn iour en ceste façon: Ma mieux aymée dame, le plus grād desir que i'ay a present, est d'auoir vn filz ou vne fille de vous, pour succeder à noz royaumes & seigneuries: Mais i'apperceoy bien que la grandeur de noz pechez, empeschent que noz oraisons ne peuuent paruenir iusques aux oreilles de nostre Seigneur. Le Prince Perse rendit tellement affligée la princesse Topasse, que sa face commença perdre la couleur purpurine, qui au parauant s'estoit delectée de l'accompagner: Car elle ne pouuoit estre en lyesse, voyant son amy accompagné de tristesse: De laquelle le voulāt eslongner, vsa d'un tel langage. Monsieur, il me semble que n'auiez occasion receuoir enuiuy, de ce qu'il plaist à Dieu ordonner: vous aduertissant estre beaucoup meilleur, aucunes fois n'auoir aucuns enfans, que de s'en trouuer accompagné: veu que maintes fois les pere, et mere, sont reduyz en necessité, pour les maintenir. Parquoy monsieur, vous & moy nous deuōs conformer au vouloir diuin, & luy demander ce qui est plus necessaire pour nostre saluation, sans mettre en oubly d'inuoker le secours de la sacrée vierge Marie, & l'ayde du bienheureux apostre saint iacques

afin

afin d'estre intercesseurs pour nous, enuers la diuine bonté. Le Prince Perse, entendât parler sa femme tât discrettement, cōmença à se resoudre, & à faire plusieurs aumosnes, priant l'apostre saint Iacques, d'entendre son oraison: & prier Dieu, leur vouloir enuoyer fruit de benedictio: A fin que leurs terres & seigneuries, ne fussent heritées par seigneurs estrangers. Et pour le rendre enclin à leur prester faueur, luy feroit promesse, aller visiter son saint temple en Calice, tous deux à pied sans autre compagnee: pour luy presenter leurs riches offrandes, aussi tost que la princesse Topasse seroit enceinte. Et en attendant l'heur, qui leur deuoit succeder: ne cessoient faire celebrer messes, ordōner processions, marier pauures filles, & autres plusieurs biens.

Comme l'Ange s'apparut en dormant à Topasse, & de ce qu'il luy dist.

CHAPITRE. V.

Nostre seigneur Iesuchrist & la glorieuse vierge Marie, sa mere, entendirent leur oraison, par l'intercession de saint Iacques: tellement que l'ange, par nuyt, s'apparut a la duchesse Topasse, ainsi qu'elle estoit endormye, luy disant: Les prieres de toy & de ton mary, ont monté iusques au ciel: si qu'elles ont esté accordées du souuerain createur, par l'in-

tercession du glorieux apōtre saint Iacques, encores qu'il ne soit agreable à Dieu vous dōner lignée, pour le grand dōmage qui vous en peult aduenir. Topasse entendât la vision, seueillant en sursault, dist, non sans estre grandement perturbée: ie te pryé me laisser quelque enseigne, pour plus facilement faire croyre le seigneur Perse à ce que tu m'as dit. L'ange la voyant ainsi etonnée, feit reponce n'estre necessaire, l'assurant que son mary n'iroit au cōtraire de sa volonté. Le clair Phœbus n'ut plustost fait estendre au matin ses rayons sur la terre, que la Duchesse s'en alla en la chābre du Prince Perse, & luy fait recit de ce que l'Ange luy auoit dit: dequoy il fut reduyt en grande admiration, & encores qu'il eust opinion, songes estre communement variables, si ne delassa il (comme craignant Dieu) à penser longuement en ce que l'Ange auoit dit à sa femme: Laquelle voulant cōsoler, se print à luy dire: Madame, vostre seigneurie ne doit croyre en songes: lesquels ne procedent que de la foiblesse, laquelle fait cōpagnie à vostre grandeur, à qui ie prie vouloir remettre le tout entre les mains du souuerain, luy en laissant faire ce qui sera plus agreable, pour la decoration de son seruice. Dieu voyât l'honneste affection & grande humilité du Prince Rōmain, ne tarda d'enuoyer son Ange, encores vnē fois à Topasse: luy disant,

B 3

que

que Dieu prenoit plaisir qu'elle cō-
ceust, la priant vouloir cōtinuer en
à fermeté, & se reiouyr, car elle n'a-
resteroit beaucoup d'estre encein-
te : Dequoy elle rendir graces à
Dieu, & à l'Ange tāt elle auoit grād
desir, pouuoir viuere en ferme ami-
tié auec son mari, lequel se print à
louer dieu & sur le mesme instant,
cōgnoissant Topasse estre enceinte,
delibera satisfaire au veu qu'il auoit
fait à Dieu et à saint Iacques. Pen-
sant auquel, dit à Topasse: Madame
puis que Dieu, par l'intercession de
sa glorieuse mere, & de saint Iac-
ques, ha étendu sa grace sur nous,
il est nécessaire de satisfaire au veu
que nous auōs promis. La duchesse
Topasse luy répondit, que la raison
commandoit y proceder en la sorte
qu'il auoit dit, le priant vouloir ex-
ecuter l'entreprinse auant que le
fruit de son ventre la rédüst plus mal
aisée, & pesante. Au moyen dequoy,
le prince voulant obuier au travail,
qu'elle pourroit endurer, feit com-
mander aux trois meilleurs sculp-
teurs de Rome, qu'ilz eussent à
faire vne ymage d'or, pesant trois
marcs, à la figure de saint Iacques.
Et semblablement achapta vn tapyz
de fil d'or, le plus beau qu'il estoit
possible faire voir à l'œil, vous assu-
rant que la figure de saint Iacques,
& le tapyz, furent faitz par les plus
excellans ouuriers de la cité de Ro-
me: Ou le Prince Perse, commanda
faire venir les principaux gouuer-

neurs de ses terres : Et les auoir fait
appeller en cōseil, commença à leur
parler en ceste façon : Mes amy &
loyaux seruiteurs, vous n'anez à
ignorer la grace, que moy & ma fem-
me auons receue de Dieu, par l'in-
tercession de l'Apostre Sainct Iac-
ques: enuers lequel, voulant obuier
d'estre notez d'ingratitude, nous
auons deliberé l'aller visiter en son
sainct temple de Calice, pour luy
offrir le peu de bien, qu'il a pleu au
createur nous departir, sans estre
accompagnez: car nostre vouloir est,
nous mettre en chemin, cōme pau-
ures pelerins. Et ce pendāt ie vous
prie, vouloir auoir en recomman-
dation noz terres, & administrer ius-
tice à noz vassaux, ainsi eōme vous
auez fait par cy deuant. Vous assu-
rant receuoir contentement indici-
ble, aperceuant que ie laisse la char-
ge de tous mes affaires, à ceux en
qui i'ay ferme assurance de fideli-
té: Ce dit, leur donna congé, com-
mandant à vn sien seruiteur, de fai-
re tailler deux esclauines, & de re-
couurer deux bourdōs, telz que les
pelerins ont en coustume de porter.

*Comme le seigneur Perse, & Topasse,
feirent depart de Rome, pour aller à
saint Iacques, ou ilz furent prins par
les Mores.* CHAPITRE. VI.



Le Prince Perse, & Topas-
se, n'eurent plustost don-
né ordre à leurs affaires,
qu'ilz feirent depart de la

Cité

Cité de Romme, sur la saison que la chaleur est en sa plus grande force: qui ne fut sans grād trauail au prince Perse, & à sa cōpagnie, veu qu'ilz n'estoient acoustuméz d'aller à pié. Toutesfois prououez de feruente deuotion, s'affectionnerent, en sorte qu'ilz se rendirēt en Espagne: la plus grand' partie de laquelle, estoit pour lors possédée des Mores. Ayāt crainte delquelz, le prince Rōmain & sa femme, se jetterent dans vne isle, assez prochaine de sainct Iacques. Et y auoir fait seiour quelque temps, leur print vouloir de se mettre en chemin, ou, sur le mydi, la delicate princesse Topasse, se trouua grandement trauaillée, à cause de la vehemēte chaleur: ce qu'aperceuāt le prince Perse, il ne faillit la saisir par le bras, & feit tel deuoir qu'il la rendit dans vn pré. Au milieu duquel, aperceurent vne fontaine, sortant au pié d'un roc: dequoy ilz resterent grandemēt satisfaitz, & cōclurent de s'y arretter, iusques à ce que la chaleur eust perdu sa force.

¶ L'histoire fait mention que les Roys de Calice & Portugal chrestiens, estoient tributaires au Roy d'Espagne, appellé Felix: qui estoit More. Et lequel, en ce mesme téps, auoit mādē sommer ces deux Roys, qu'ilz eussent à luy enuoyer le tribut acoutumé: Ce qu'ilz refuserēt. Au moyen dequoy les ambassadeurs Espaignolz, leur denoncèrent la guerre, au premier iour d'Aoust. Af-

seurant que le Roy Felix, auoit cōclud leur donner bataille, & leur oster leurs terres, & seigneuries. Les Roys de Calice & Portugal, furent tellement épris de colere, qu'ilz cōmanderent aux ambassadeurs à deloger, & leur donnerent charge, faire entendre au Roy d'Espagne, n'estre deliberez, enuoyer ce qu'il demandoit. Les ambassadeurs Espaignolz, ne tarderent beaucoup à se rendre en la court du Roy Felix, ou ilz feirent entendre à sa grandeur, cōme le Roy de Calice n'estoit delibéré obeir à sa volonté: ains de prendre les armes, al'encontre de luy. Chose certainement, qui troubla grandemēt le Roy d'Espagne, & en demeura tellemēt passionne, qu'or n'osoit se presenter à luy, tant fort estoit reduit en fureur. Mais auant que proceder plus outre, il feit alsembler ses forces: puis feit crier la guerre, à feu, & à sang, contre les Roys de Calice, & Portugal: faisant serment, faire passer soubz le fil de l'espée, tous les chrestiens qui se presenteroient au deuant de sa maiesté: Laquelle feit cōmandemēt aux capitaines de son armée, prester obeissance à sa volonté. Apres que l'armée Espaignolle fut esté assemblée: Le Roy Felix, commença à marcher contre les Roys de Calice & Portugal. S'approchant desquelz, l'inconstante fortune, fut tant peu favorable au prince Perse, que l'auant garde de l'armée Espaignolle, entra au pré

près ou la femme & luy s'estoient arrestez: ou ilz furent prins, & interrogez, par vn capitaine: lequel ne voulant aller au contraire du commandement ordonné, feit mourir le prince Perse: mais ayant pitié de Topasse qui luy sembloit hōneste, & femme bien née: conclud l'enuoyer au Roy Felix, qui luy en sceut merueilleusement bon gré. Puis ayant aperceu l'honnesteté de ceste princesse, commanda à vn sien capitaine, la conduire au chef du Grec, la Cité ou la Royne d'Espaigne residoit: à laquelle il l'écriuit en ceste façon.

Lettre du Roy Felix à la Royne d'Espaigne sa femme.

MA mieux aymée & vertueuse dame, estant bien aiséuré, que vostre seigneurie receuera plaisir, ayant quelque present de moy: l'ay prins la hardiesse, vous enuoyer cete damoyelle chrestienne, prise par ceux qui ont charge de conduire l'auant garde de mon armée: lesquelz ont priué de vie son mary, pour n'aller au contraire de mon intention, que n'ay voulu estre exēcutée, en la personne de l'esclau que ie vous enuoye: la congnoissant tant bien nourrie, que son seruice vous sera agreable.

Le Capitaine prenāt plaisir obeir au vouloir du Roy: feit telle diligence, qu'il se rendit dans vn iour & demy, en la Cité du chef au Grec. Et

apres que l'esclau Topasse, eut par luy esté conduite au Palais, il commença parler à la Royne, en ceste maniere. Treshaute & vertueuse princesse, le Roy mō seigneur, s'erudiant vous donner plaisir, m'a commandé conduire en vostre court ceste chrestienne: & vous assure que c'est vne autant sage femme qu'on scauroit choisir en toute terre. La Royne d'Espaigne, n'est pluſtost acheué de lire la lettre du Roy son mary, qu'elle commanda au capitaine, d'oter le voyle qui estoit posé sur le chef de Topasse. Et apres que sa maiesté, eut contemplé la beauté singuliere de ceste princesse: ioyeuse au possible, merceda le capitaine, qui auoit conduit Topasse. Laquelle apperceuāt la Royne, tant fort affectionnée enuers elle, et ramenteuant de sa grandeur, ne se peut tenir d'aroser de larmes sa face, & elle trouuoit son infortune malaisée à porter: cōme elle feit entendre à la Royne: Disant, ha fortune incōstante, & à laquelle on ne peut obuiuer qui t'a incité te bander alencontre de moy? ay-ie offensé tellement l'eternel, qu'il ayt permis, me priuer de celuy que ie n'ay iamais espoir de recouurer! & si m'assure plus heureuse mourir que d'aspirer à la iouyssance de mes biens, sans mō seigneur. O fortune peu heureuse pour moy! qui t'a prouoqué me reduyre en telle extremité. La Royne d'Espaigne receut au cuer affligiō

tant

tant grande, voyant Topasse en perplexité, qu'elle commença luy dire: Ma fille ie te prie ne passer plus outre, & faire tant pour toy, de mettre fin au dueil que tu as continué iusques a present: Te priât ne me vouloir nyer ce que i'ay à te demander. Chose certainemēt qui te sera grandement profitable, pourautant que ie suis en volonte, d'auoir en aussi grande recommandation ta personne, comme celle du Roy mon mary, & bien fort te priât me vouloir faire entendre ton estat. Madame repōdit Topasse (faisant couler le lōg de sa face, larmes à foyson) Ie vous assure d'estre chrestienne, fille du Marquis de Ferrare, niepce du Duc de Milan, & femme au nepueu de l'Empereur de Rōme, nommē Perse: le quel ha esté mis à mort en ma compagnie. La Roïne cognoissant que Topasse disoit verité, commanda que l'on feist apporter draps d'or, & de soye, pour la faire acoutrer, ce que Topasse ne voulut acorder: ains pria la Roïne luy faire donner vn acoutrement noir, pour douloir celer que la fortune luy auoit fait perdre. La Roïne ne demeura beaucoup de satisfaire à la requeste: Et apres que Topasse fut vestue, de la façon qu'elle auoit souhaitté: la beauté qui l'auoit tousiours suyuie, la rendit tant fort agreable: que la roïne d'Espagne, n'entreprenoit chose quelconque, sans la communiquer à Topasse: qui se voyant auctorité,

print la hardiesse vn iour, se trouuāt seulee avec la Roïne, de luy parler & declarer sa fantasie, luy disant: Madame, congnoissant que vous estes enceinte, ie n'ay voulu faillir, faire entendre à vostre grandeur, que ie sçay ouurer en or, & soye, pour vo^r faire vn lit, lors qu'il plaira à Dieu, que le fruit qui est dans vostre ventre, soit esté batizé. La Roïne, congnoissant que Topasse souhaitoit à luy faire seruiçe, commanda luy estre deliuré, or, soye, & holande: remettant le surplus à sa volonte: car Topasse auoit tant bien gagné le cuer de la Roïne, qu'elle n'eust sceu recevoir ennuy, procedant de son costé: Topasse dōc, voulant eiter oisiveté, commença le ciel du lit, & le cōtinua avec telle industrie, que les Espaignolz le iugerent vn des plus beaux, & riches, que l'on sceust trouuer en Espagne: Au moyen de quoy, la Roïne print Topasse en plus grāde amitié, & luy faisant part de ce qu'elle vouloit tenir plus secret: luy dit, vn iour (qu'elles estoient ensemble) Ma sœur, i'aperçoy bien que tu es enceinte: car ton ventre qui n'est rien moins gros & enflé, que le mien, m'en rend assez clair temoignage. Topasse congnoissant qu'a deguysé la verité, elle pouroit acquerir l'inimitié de la dame, luy feit telle response. Ie ne vous puis nier, tresnortueuse princessē, ce que par subtilité de bon entendement, est assez cōgnū par vostre grandeur.

C Mais

Mais ie m'estimerois fortunée d'auantage, ayant l'heur pouuoir declarer mon infortune, laquelle m'a esté si contraire, que ie suis demeurée, non tant seulement sans mary, ains priuée de tous mes biens. Quand la Royne d'Espaigne eut eu cōgnoissance, que Topasse estoit enceinte, elle luy commanda de ne faire chose quelconque, & ordonna qu'elle fust seruite, en mesme façon, que sa grandeur estoit. Vous aduertissant, qu'amytié les rendit tant fort affectionnées, qu'il estoit impossible à l'une perdre la presence de l'autre: Et continuant en ce bon vouloir, Dieu eut agreable, que toutes deux acoucherent le iour de Pasques fleuries. Si que la Royne éfanta vn filz, qui pour la solénité du iour fut nommé flores Et Topasse vne fille appelée, Blanchefleur: Ces deux royaux enfans, furent promptement baillez aux nourrissees. Mais Topasse ne fut plutôst deliurée de Blâchefleur, qu'elle se print à pleurer, tant fort elle estoit pleine d'énuy: pour lequel luy faire oublier, la royne commença à la consoler, disant: Ma seur, ie vous prie vouloir elōgner toute tristesse de vōtre cœur, & croire que vōstre fille Blâchefleur, ne receuera moindre traitemēt, q̄ le prince Flores mō filz à cause de la grande amytié, que ie vous porte. Topasse mercia treshumblemēt la Royne, qui pour luy faire mettre en oubli sa tristesse, ne la voulut oncques perdre de veue.

Vn iour que la Royne tenoit propos, à la triste Topasse, elle supplia sa grâdeur, vouloir mader querir sa fille Blanchefleur. Aquoy la Royne s'accorda tant grād desir elle auoit, chasser hors de son cœur, la tristesse, laquelle y estoit logée, qui d'vn costé la rédoit affligée: & de l'autre estoit rompue, pour le trauail, qu'elle auoit souffert, en enfantant l'infante Blanchefleur: laquelle la Royne, feit enuoyer querir, en la maison de la nourrice: affin que la veue de ce ieune enfant, peüst dōner quelque contentement & plaisir à la mère, qui ne l'eut plustost aperceue, quelle commença à pleurer, disant: Ma fille, vōstre amytié, est cause de ma perte, & de la mort de vōstre pere. Vlant d'vn tel langage, & cōgnoissant que l'esprit vouloit abandonner le corps: la baïsa par grande amitié: & luy donnant sa benediction, se print à dire: Ma fille, n'ayant eu commodité vous faire receuoir l'eau de batême, comme chrestienne: Je vous batise avec ces larmes, qui sortent de mes yeux: implorāt le saint nom de Iesus, à qui ie supplie vous auoir en garde, au nom du pere, du filz, & du saint esprit. Ce dit, tourna la face vers la Royne & iettant souspirs en abondance, luy dist: Ma treshaute, & puissante dame: Je supplie vōstre grandeur, vouloir auoir souuenance, de ceste infortunée creature: & croire qu'elle viét d'vn si bon lieu, que l'honneur que vous

luy ferez, sera recongneu quelque iour. Et meismement par ceux qui ne sont a present en la compagnie, de la peu fortunée mere, & de la fille. Vous priât de rechef, ma dame, vouloir faire enterrer mon corps, au lieu ou l'on donne sepulture aux Chrestiens. A peine eut elle acheué son propos, qu'elle perdit la veue, & sentât approcher la fin, cōmença à dire. Seigneur entre tes mains, ie recommande mon esprit. Et professant son oraison, rendit l'ame à son Createur.

Comme la Royne d'Espagne, feit grand dueil à cause de la mort de Topasse, à la femme de qui, elle commanda à la nourrisse d'estre curieuse, à bien nourrir l'infante Blanchefleur.

CHAPITRE. VII.

L Histoire fait mention, que la Royne feit aussi grand dueil de la mort de Topasse, comme si elle eust esté sa seur, & commanda à la nourrisse de Blanchefleur, qu'elle eust autāt de soucy de la pauvre fille, cōme si elle estoit sienne. A quoy obeit la nourrisse, nō toutesfois sans afflictio, pour l'amitié grāde qu'elle auoit portée à Topasse sa mere. Et apres que la Royne eut mis en oubly l'ennuy grand, qu'elle auoit receu, elle print volonté enuoyer querir Flores & Blanchefleur, au cōmandement de laquelle, la nourrisse ne tarda beaucoup de satisfaire:

car en la plus grande diligence qui luy fut possible, Flores & Blanchefleur, furent conduitz en la chambre de la Royne, ou ses deux enfans s'approcherēt l'un de l'autre: Et s'estant saiziz par les mains, commencerent à se baiser. Dequoy la royne fut reduitte en admiration, & en receut au cœur ioye fort excessiue: & meismement voyāt deux si ieunes enfans, mōtrer semblāt de si grāde amitié: laquelle veint tousiours à croistre iusques sur la troisieme année, que le Roy Felix cōmanda trouuer vn sage maistre & hōme biē né, pour instruire & enseigner son filz Flores. Vn de ses gentilz hommes, qui aspirait à luy faire seruice, feit entēdre à sa maiesté, sçauoit vn sage maistre pour son filz (appelle Mahommath audaly, qui estoit more) & l'assura d'estre vn des plus sages & expérimentez en cōseil, qu'on sceust trouuer en tout son royaume. Au moyen dequoy le Roy d'Espagne ne tarda à luy écrire, puis commanda à vn de ses gentilz hommes, d'aller trouuer Mahommath audaly à Tolette, ou il faisoit sa residence. Et quant Mahommath audaly, eut receu les lettres du Roy-il se mit en deuoir, pour l'aller trouuer, & faire ce qu'il plaitoit à sa maiesté luy cōmander. Vous auertissant, qu'il ne fût plus tost descendu, qu'il print son chemin au Palais pour parler au Roy: Lequel receut plaisir indicible, en le voyant tel qu'on luy auoit fait

C 2 enten-

entendre. Et pour l'honorer d'augmentation, luy fait ordonner vn logis, ioinquant le Palais. Puis enuoya querir Flores son filz, en la presence duquel, se print à dire à Mahommath: La renommée du sçauoir qui vous fait compagnie, m'a tellement affectionné, que ie suis content vous retenir en mô seruiue, & vous dône le gouuernemēt de mô filz: lequel ie vous prie vouloir instruire & enseigner, ainsi qu'on doit enfans de Roy. Mahommath ne voulant estre jugé ingrat enuers le Roy, ne tarda se iecter à ses piedz, pour luy baïser la main: Ce qu'aperceuant Flores, & craignant perdre Blanchefleur, pria le Roy son pere, commander à son gouuerneur, vouloir prēdre charge de l'enseigner, afin qu'il peust ioyr de sa presence, au vouloir duquel, le Roy s'accorda, en sorte que Flores eut cōmodité, d'estre incessamment acompagné de Blāchefleur: l'amitié de laquelle, luy estoit beaucoup plus recommandée, que n'estoit l'estude, auquel son maistre ne le peut oncques affectionner: Au moyen dequoy, craignant acquerir peu d'honneur, se retira au Roy, luy faisant entendre que Flores ne luy vouloit prester obeïssance, tant fort l'amitié de Blanchefleur l'auoit réduit captif. Le Roy entendant parler Mahommath audali, de ceste façon (acomagné d'ennuy) ne tarda d'aller trouuer la Royne sa femme: A laquelle il se print à dire, Madame, la nourri-

ture qu'auōs faicte de ceste damoiselle, sera cause que nostre loy tombera quelque iour en ruine: car nostre filz Flores ne reconnoist autre Dieu, que ceste chrestienne: De laquelle ie voudrois trouuer moyen le pouuoir separer, pour obuier au malheur qui nous peut succeder. La Royne voulant chasser toute tristesse, & souhaitant donner consolation à son mary, luy fait telle reponce: Je suis d'avis, monsieur, que Flores vostre filz, soit enuoyé à vostre cousin le Duc de Montorio, & le prier se vouloir estudier à luy donner tout le plaisir qu'il pourra inuenter, pour le separer de Blanchefleur: Laquelle sera par luy, soudainement mise en oubli: Car l'amitié ne peut estre rendue plus afoiblie, que par l'eslongnement, que fait l'amy de l'amy. Le Roy Felix trouua merueilleusement bon le conseil de la Royne, & promptement enuoya querir Flores & son gouuerneur, leur declairant, que sa deliberation estoit, les enuoyer au Duc de Montorio, afin que son filz eust meilleure commodité de vacquer aux lettres, & s'adextre aux armes en la cōpaignie du Duc son cousin. Flores entendāt le vouloir du Roy, fait reponce estre content s'acheminer au lieu qui seroit plus agreable à sa grandeur: Mais il luy supplioit que Blanchefleur vint quant & luy: ce que le Roy ne voulut acorder, luy remontrant le peu d'estime qu'on feroit

feroit de luy, estans acosté d'une damoiselle : Et mesmement au temps & aage qui se doit employer, pour acquerir scauoir. Semblablement luy dist, que la Royne, sa mere, la vouloit retenir pour luy faire seruice, & l'acôpagner, qui estoit la cause qui empeschoit Blanche fleur d'aller avec luy. Flores trouua le depart de tant mauuais goust, qu'il dist au Roy. Puis que par force ie suis esloigné de Blanche fleur, ie cõgnois bien que la mort ne differera à me venir trouuer pour mettre fin à ma langueur. Le Roy congnoissant l'afflictio que son filz portoit, se voyât absenter de Blanche fleur, estonné au possible; & d'un tel langage enuers luy. Mon filz, vous congnoissez assez la grande amytie que i'ay enuers vous, à qui ie veux plustost donner plaisir, que me travailler, & estre cause de vous faire mourir, tât ay-je grãd desir vous veoir succeder à nos Royaumes & Seigneuries. Pour le gouuernemēt desquelles, il vous est necessaire d'estre sçauant, pour auoir quelque auātage dessus vos subiectz & vassaux. Vous faisiez promesse que ie ne fandrai à faire cõduire Blanche fleur en la maison du Duc, mon cousin, aussi tost que la Royne, vostre mere, sera remise en conualescence : car elle ne veut receuoir maintenant seruice que de Blanche fleur. Flores, congnoissant que le Roy son pere ne prenoit plaisir, que Blanche fleur fust

aportée en sa compagnie, fâché au possible, feist reponce. Puis que vostre grãdeur, & la Royne, ma dame, auez cõmandé que Blanche fleur demeurât, le suis cõtēt d'aller à Montorio. Le Roy d'Espaigne voyāt son filz en bonne deliberation, cõmandā à son gouuerneur & à plusieurs autres cheualiers, se mettre en equipage pour l'acôpagner : Car le iour ensuiuāt, son vouloir estoit, que son filz abandonnast sa court aussi tost que la clarté du iour auroit fait quitter la place aux tenebres : lesquelles ne sont plus agreables aux amoureux, qui ont assignatiō d'aller voir leurs dames, que le depart estoit odieux à Flores : ce que le Roy congnoissoit fort bien, & pour le consoler le saisit par la main, luy disant, mō filz ie vous prie me vouloir declarer l'occasion de si grãde tristesse, & ie ne fandrai à vous dōner alegement. Monsieur, repond Flores, ie cõgnois bien que la Royne & vous, auez desir me perdre, & mesmemēt me faisant absenter la presence de Blanche fleur, sans laquelle il m'est impossible de viure, tant grãd plaisir reçoit mō cueur estāt en sa compagnie : me voyant priuē de laquelle, ie ne scaurois receuoir aucun cōtētemēt. Le Roy fut reduit en admiration grande, aiant en cõgnoissance la ferme amitiē de Flores : & voulāt obuier que le regret de Blanche fleur ne le feist tomber en maladie, Luy dit : si la cõpagnie de Blan-

C 3 chē fleur

cheffeur vous estoit honorable, ie vous porte tant bon vouloir qu'elle ne vous seroit refusée aucunement. Mais aperceuant n'estre vostre auantage, & que la Royne ha son service agreable, ie ne veux souffrir qu'elle soit eslongnée de mon Palais. Quand Flores eut eu cōgnoissance du vouloir de son pere, il demeura outre mesure passionné. Alors le Roy le voāyt reduit en si grāde perplexité, s'en alla trouuer la Royne dans sa chābre, luy faisant entēdre que Blāchesneur auoit tellement enchanté leur filz, qu'il auoit plus de reuerēce enuers elle qu'enuers leurs dieux: lesquelz il n'auoit tant seulement mis en oubly, ains perdu toute souuenance, sans auoir en memoire l'honneur, qu'un filz doit à ceux qui l'ont engendré: pour favoriser vne esclauē, qui pourroit estre cause de leur destruction: si on n'y prenoit garde. La Royne qui estoit princesse fort sage, entendāt parler le Roy son mary, demeura merueilleusement ébahie, & pensant à part soy, comme Flores pourroit oublier Blanchefleur, fait compagnie au Roy iusques dās sa chambre: faisant entendre à sa maiesté, qu'elle estoit d'auis, que don Flores, fust promptemēt enuoyé à Mōtorio. Ayāt opinion que la lōgue absence, luy feroit mettre en oubli Blāchesneur: Ce q̄ le Roy creut tout incontīnēt, & se mit en deuoir, d'enuoyer Flores, au lieu ou la royne & luy auoient acordé

Comme Flores & son gouuerneur, & compaignez de plusieurs cheualiers, laisserent la cour du Roy d'Espagne, pour aller trouuer le Duc de Montorio.

CHAPITRE VIII.



Eclair Phœbus, n'eut plustost esté du ses rayōs sur la tēre, le lendemain au matin: que le Roy d'Espagne, commanda aux cheualiers, qui deuoient aller à Montorio, monter à cheual. Et tandis il s'achemina en la chābre ou étoit le prince Flores: luy disant, mon filz, les cheualiers qui vous doiuent acōpagner, sont desia montez: & attendent que vous faciez depart. Flores voulant complaire au vouloir de son pere, sortit de la chābre, le priant ne trouuer mauuais, qu'il print congé de Blanchefleur, ce que le Roy luy octroya: Au moien dequoy, Ce ieune prince feit entrée en la chambre de Blanchefleur, & luy saluée, cōmença a luy dire: Puis que la fortune m'est tāt ennemie, quelle me cōtraint vous eslōgner. Je vous assure, que mon cœur ne cessera de penser en vous, encore que le corps soit reduit en lieu, ou les yeux n'auront la ioyssance de votre beauté. Usant de tel lāgage ces deux loyaux amāts, se prindrēt à faire sortir hors de leurs tendres estommachz, soupirs, & sanglotz fort abondammēt. Et furent par vn temps, sans pouuoir dire mot. Mais craignant que le Roy les trouuast continuant leur duel,

duciel, Blancheseur feit vne telle re-
pöce à son amy: Mōsieur, j'aperçoy
bien aprocher la fin de ma vie, estāt
separée de vous, à qui ie prie vou-
loir accepter de moy cet aneau. La
pierre duquel, ha telle vertu, qu'elle
ne faudra à perdre sa couleur, lors
que ie seray reduite en captiuité: la-
quelle vous sera decouuerte, par le
moyen de cette pierre: ce pendant
que j'auray ce malheur d'estre eslo-
gnée de votre seigneurie. A laquelle
ie supplie ne vouloir mettre en ou-
bli, votre tres humble seruante, qui,
à perpetuité, aura votre grandeur
imprimée en son cœur. Apres que
ces deux amants se furent bailez: Flo-
res print congé de sa favorite Blan-
cheseur. Et tandis que Flores estoit
en chemin, le Roy feit depecher vn
cheuaucheur d'escuier, pour aduer-
tir le Duc de Montorio, de l'arrinée
de son filz: le pria bien fort, ne l'a-
uoir en moindre recommandation,
que son enfant propre. Quand le
Duc eut leu les lettres du Roy, il feit
apretter tout incontinent, logis
pour recevoir Flores, & sa compa-
gnie. Puis eüst aduertit que son cou-
sin le prince d'Espagne, auoit fait
entrée en ses terres, manda à ses vas-
saulx & subiectz, qu'ilz eussent à le
recevoir, aussi honorablemēt, com-
me ilz prendroient plaisir, si par cas
foruit, la personne les alloit visiter.
Et cependant les principaux cheua-
liers de la court, dresserēt leur equi-
page pour recevoir le prince Flores,
lequel ne se fut plustost rédu à vne

journée de Montorio, que le Duc
se mist en campagne, & l'alla rece-
uoit, à vne lieue de la cité, cōman-
dant aux citoyés de Montorio, sor-
tir iusques aux portes, avec vn poil-
le couuert de drap d'or, doublé de
veloux cramoisi, pour luy faire en-
trée, telle que la grandeur d'un filz
de Roy meritoit. Vous aduertissant,
que Flores fut receu, par son oncle,
le plus honorablement qu'il luy fut
pōssible. Et auoir cōtinué la magni-
ficence l'espace de trois iours, feit
ordonner ioustes & tournoiz: s'estu-
diant au possible, d'inuenter toute
chose qui peut donner plaisir. Mais
il se trauailloit en vain: car Flores
mōtroit être plus affligé alors qu'on
se delectoit, à luy dōner plus de res-
iouissance. Ce que voyāt le Duc son
oncle, il s'enhardit vn iour, estant à
la chasse, de luy parler en ceste fa-
çon: Monsieur, ie vous prie me vouloir
dire l'occasion de vostre tristesse, &
croire que ie ne faudray à y reme-
dier, si hōme ha pouuoir vo'y faire
seruice. Monsieur, repondit Flores,
ne receuez ennuy pour me voir ain-
si affligé; car cela ne proeède au-
cunement par mauvais traitemēt. Le
duc craignant l'importuner, print cō-
gé de luy, & s'acōstā des plus fami-
liers domestiques du prince Flores
fut par eux auerty du bon vouloir
que le prince portoit à Blancheseur.
Au moyē dequoy, le duc escriuit au
Roy, luy persuadant (pour obuier à
quelque malheur duquel il se repētiroit)
enuoier Blancheseur en sa maison.

Quand

Quand le Roy eut fait lecture, de ce que le Duc, son cousin, luy auoit escrit : il conclud de faire mourir Blanchefleur, pour du tout la mettre hors de la fantasie du prince Flores. Mais auant que passer plus outre, il communiqua sa pensée, à la Royne sa femme : laquelle luy dist, estre impossible executer ce, qu'il auoit proposé en son entendement, veu qu'estant venu en congnoissance, elle craignoit que sa grandeur, fust notée d'infamie. Le Roy luy déclara auoir entrepris la faire condamner à mort, par son cōseil : Avec telle prudence, que reproche aucun ne leur en seroit fait. Et sur le mesme instant, māda querir son Seneschal : Auquel il se print à dire. Je ne suis ignorant, Seneschal, du seruice qu'avez fait au feu Roy, mon pere, pour raison dequoy ie ne craindray, pour la fiance que i'ay en votre loyauté, vous communiquer ce qu'ay en pensée : vous auertissant, que l'amitié de cette esclauue Blanchefleur, ha tellemēt reduit mon filz en captiuité, qu'il n'ha pouuoir de dormir, boire, ne manger : tant fort il est affectionné enuers elle. Qui pourra estre occasion à l'aduenir, de ruiner mes royaumes, si par cas fortuit, ie ne fais mon deuoir d'y remedier. Ce que i'ay delibéré, aiant intention de la faire mourir. Le Seneschal n'eut plustost, entēdu l'oppinigh du Roy, qu'il luy dist. Sire, il est bien difficile le pouuoir rompre, & mettre fin à

l'amitié, qui ha esté commencée par ceux, lesquelz ont eu la commodité de se nourrir ensemble. Parquoy il me semble, que votre maiesté n'en doibt receuoir aucun ennuy : Toutesfois si votre grādeur, ha desir aucun, d'employer mon seruice, ie ne faudray à luy preter obeissance. Je suis en volonte, dist alors le Roy, que vous faciez empoisonner vne poulaille : laquelle vous donneriez à vn page, pour la m'apporter de la part de Blanchefleur, ainsi que ie seray assis à table : ou ie ne faudray d'en faire ietter à vn de mes chiens, qui faisant demonstrance de la poison, sera occasion, de faire mourir Blanchefleur : à cause qu'elle ne aura cheualier qui vueille descēdre au combat, pour la soustenir. Et en cette façon, prēdra fin Blanchefleur, sans que soyons aucunement chargez de sa mort. Le Seneschal ayant au long entēdu le vouloit du Roy (son seigneur) ne tarda beaucoup, de satisfaire à son commandement, & fait acoutrer la poulaille, laquelle fut par luy baillée, à vn page pour la porter au Roy, luy commandant faire entendre à sa Maiesté, que Blanchefleur prioit sa hauteur, vouloit accepter le present, & en manger en faueur d'elle. Asseurant sa grandeur, que la poulaille seroit trouuée par luy tendre, & de fort bon goust. Le maistre d'hostel, sachant bien que Blanchefleur n'estoit coustumier d'enuoyer telz presens, posa la poulaille deuant l'escuyer,

l'escuyer qui l'auoit tranchée, en ietta vne cuyssse au dessoubz de la table, laquelle n'eut plustost esté auuallée par vn chien, qu'il commença à se renuerfer, & en la presence du Roy, moutut promptement. Au moyen dequoy, la maiesté Royale commença à cryer, qu'on le vouloit trahir. & à vn mesme instant commanda au Seneschal, d'aller prédre Blâch fleur, pour luy faire dire, qui l'auoit prouocqué à trahir le Roy. Et si parcas fortuite, elle confessoit, auoir dresé menée tant fort malheureuse, il commandoit au Seneschal de la faire mettre en quartiers. Mais, pour mieux couurir leur malheureuse entreprinse, le Seneschal la fait mettre dans vne prison fort obscure. Et apres luy auoir dit, que le merite de sa trahison, seroit cause de la faire mettre en quartiers, il ne tarda, d'aller communiquer le tout au Roy. Lequel voulant couurir & déguiser son mauvais vouloir, manda querir les gens de son conseil, leur faisant entendre, comme Blâch fleur luy auoit fait present d'une poulaile empoisonnée, pour le faire mourir.

La sentence que le Roy accorda de son conseil, promouueret contre Blâch fleur.

CHAPITRE IX.

NOus Felix, Roy d'Espaigne, Auoient entendu par les gens de nostre conseil royal, le crime commis

contre nous, & nostre odieuse, par vne chrestienne, nourrie dans nostre maison, appelée Blâch fleur, s'estant mise en deuoir de nous oster la vie, sans craindre Dieu & nostre saint Prophete Mahon: & au mespris de nostre iustice, faire mourir nostre grandeur par de moyen d'une poulaile, tellement empoisonnée, qu'un chien en ha prins fin, aussi tost qu'il en ha eu mégé: Au moyen dequoy, ne voulans laisser malefice, tant fort execrable, estre commis dans nostre royaume sans griefue punition, auos condamnée, & condamnons, Blâch fleur, à estre brulée, pour donner châtiment à sa temerité, & exemple à ceux, qui s'oublieroient d'offenser nostre royale maiesté. Cette malheureuse sentence, n'eut plustost esté prononcée, qu'elle fut intimée à Blâch fleur, trois iours apres. Durant lesquels, Flores parlât avec son oncle, & ignorant la perplexité, en laquelle s'amie étoit reduite, fut saisi d'une grande tristesse, & voulut sçauoir, d'où procedoit tant soudaine emotion, commença à regarder l'arceau, que Blâch fleur luy auoit donné. Et aperceuant que la pierre auoit perdu sa couleur, congnout que Blâch fleur étoit requise en nécessité. Au moyen de quoy, pria le Duc son oncle, luy vouloir donner cheual & harnois, pour l'experimenter & adextre aux armes. Ce que le Duc luy accorda, & sans differer, manda querir le meilleur cheual qu'il eut,

eust, dans son estuyrie. Et un har-
nois, duquel Flores ne se fut plus-
tost armé, qu'il mît à cheval. Puis
se print à donner carrière en la pre-
sence de son oncle. Il le priant bien
fort luy doner cōgé d'aller en cam-
pagne, & ce que le Duc ne luy refusa
ains le feit mettre hors de la cité.
De laquelle Flores, ne tarda beau-
cop s'esslonner, & ne cessa de pic-
quer iour & nuict, sans s'arrestier au-
cunement, iusques au lendemain:
qu'il se rendit au lieu, ou Blanche-
fleur deuoit estre executée, sur le
point du iour. Et trouuant en la
place certains hōmes portans bois,
pour bruller s'amie, Leur demāda,
pour quelle raison lon faisoit amas
de bois: mais ilz luy repondirēt, que
c'estoit pour bruller yne chretienne
laquelle, étoit accusée, d'auoir vou-
lu empoisonner le Roy. Flores voiat
tant grād appareil, pour faire mon-
tir sa mieux aimée, Contclud d'atē-
dre la fortune, & s'estre aleré en co-
lieu quelq̃e tēps, veit sortir quan-
tité de peuple, hors de la cité: & a-
pres eux, le seneschal, & ses archers.
Au milieu desquelz, étoit Blanche-
fleur, par une romme venue, ayant alen-
tour de son col yne grosse chaîne de
fer. Et apres qu'ilz se furent renduz
au lieu de Supplico, descendirēt du
cheual Blanche fleur, qui, voiat tant
fort prochaine la fin de ses iours,
pria au seneschal, de vouloir faire re-
tarder ses ministres, iusques à ce
qu'elle eust présenté son oraison à
Dieu, ce que le seneschal luy acor-

da. Au moyen dequoy, Blanche fleur
mit les genoux en terre, ietta la veue
au ciel, & souspirāt fort ameremēt,
commença à dire. Mon Dieu plein
de miserieorde y qui par ta bonté &
clémentie, as voulu souffrir mort &
passion, pour rachapter nature hu-
maine: le te prie vouloir sauuer cer-
te tiennes seruante, & cōme equita-
ble iuge, faire miraculeusemēt con-
gnoistre, que ces mores m'ont char-
gée à grand tort. Apres que l'infan-
te, eut acheué son oraison: le Sene-
schal cōmanda aux trompettes, de
sonner, ce pendāt que Blanche fleur
seroit conduite dans le feu. Ce que
voiant Flores, ne tarda de picquer:
& rompant la presse, se redit ioignāt
Blanche fleur, puis l'ayant saisie par
la main, & ostée aux archers, com-
mença à luy dire. Je vous prie da-
moyselle, me vouloir declarer, pour
quelle raison, l'on vous ha condan-
née à mourir si cruellement. Je vous
adueruis, monsieur, repōd Blanche-
fleur, que le Seneschal m'a chargée,
d'auoir voulu empoisonner le Roy.
Mais ie prens Dieu à tesmoing, ne
l'auoir onques eu en pensée. Vous
auertissāt, Blanche fleur estre tāt per-
turbée, qu'elle ne cōgneut aucune-
ment Flores, qui pour l'asseurer, se
print à luy dire: Damoiselle esloignez
toute crainte de vo^s, & vo^s assurez,
que ie perdray plus tost ma teste, que
souffrir qu'on vous face aucun en-
nuy. Et si aucun des chevaliers du
Roy, s'auainge maintenant que la ius-
tice qu'on veult faire de vous, soit

equitable. le ne fandrai à le combattre, pour maintenir vostre innocéce. Blâchefleur voyât le bon vouloir du cheualier, feit son deuoir de le remercier, luy distât: Cheualier, ie vo^e prie treshumblemēt auoir souuenâce de moy, & vous assure que ie suis innocéte, de ce que le seneschal m'a mys sus. Les archers qui cōduysoiēt Blâchefleur, voyât que le cheualier empeschoit la iustice. Prindrent leur chemin en la cité, pour en aduertir le Roy, qui fut merueilleusement estonné, qu'un cheualier print la hardiesse d'empêcher son vouloir. Et pour auoir cōgnoissance dudit cheualier, l'enuoya querir: Mais iceluy cheualier supplia la maiesté du Roy, ne se trauailler pour le cōgnoistre: ains prioit sa hauteur, luy vouloir donner assurance pour entrer au combat, cōtre le Seneschal, qui auoit accusé Blâchefleur, pour laquelle defendre il étoit expressement venu. Le Roy voyât q^{ue} ce cheualier incōgnū, étoit affectonné, d'entrer au combat, pour soutenir le droit de Blâchefleur: cōmāda que sa personē fust logée l'assurant que son droit luy seroit gardé. A quoy le cheualier s'accorda, soubz cōdition que Blâchefleur, seroit mis au pouuoir de deux cheualiers, de la maison du Roy: pour obtenir q^{ue} ne fust aucunement molestée. Et ce pendāt le Roy manda, secretēment, querir le seneschal, luy remontrāt cōmē le cheualier estoit étranger, deliberois mestre hors de la priuité Blâchefleur, avec les armes. Le Se-

neschal, souhaitāt à deuenir grād, repōdit au Roy: le ne suis moins affectonné à vous faire seruice, qu'ont esté mes prédécesseurs: Et ay tel espoir en noz Dieux; que la victoire sera de mon costé: vous priant treshumblemēt, nous vouloir assurer le camp. Le Roy, cōgnoissant la hautesse de cœur du Seneschal; luy donna cōgé d'en faire ainsi qu'il entendoit, encore qu'il eust cōgnoissance, que le seneschal y procédoit cōtre le deuoir. Ioinēt aussi que Flores l'en requeroit; pour faire preuue de la fidehté de Blâchefleur. Et d'auātage, les gens de son conseil, luy persuadoiēt ne vouloir refuser le camp au cheualier. Car faisant autrement, il seroit cōgnoistre, que la sentēce, cōtre Blâchefleur, auoit esté prononcée sans remēt. Le Roy appercēuant que son honneur pourroit estre intéréssé: Assigna le cap au cheualier, luy donnāt rāt seulement deux iours pour donner ordre à recouurer cheuaux & harnois. Mais aussi tost que le iour du combat fut artiné, Flores, qui s'estoit leué au matin, print son chemin au Palais du Roy: Et luy auoir baisé les mains, pria sa grādeur, vouloir faire garder le camp, pour l'assurance de sa personē, à cause qu'il étoit étranger. Et le seneschal naturel du pais, & bien apparenté: Ce que le Roy ne luy refusa: ains luy dist cheualier, n'ayez aucune crainte: car toute iustice sera gardée à vo^s & d'ic^{es} les cheualiers errās, qui prendront desir à venir visiter ma court.

Comme Flores occit le Seneschal dans
le camp.



Pres que le camp eut esté
ordonné, le Roy, la Roy-
ne, & toute leur court, ne
tarderent de s'aller rendre
sur les escharfaux: puis yn des he-
raulx commença à crier, qu'on ne
feist signe, faueur, ne ayde, aux deux
combatans, sur peine de la vie: & a-
uoir acheué son mandement, les
deux cheualiers, furent mys dans le
Camp par leurs parains. Lesquelz
ne furent plustost sortiz, que les che-
ualiers laisserent courir, en sorte que
le Seneschal rompit sa lance: mais
Flores le rencontra si rudement, qu'il
luy fauca l'escu, & ennoya cheual &
homme par terre sur laquelle, il ar-
resta longuement le cheualier, que
Flores mist l'espée au poing, pour
luy couper la teste. Mais le Sene-
schal luy requist, pour l'obligation
qu'il auoit à la venue, luy vouloit
souffrir de remonter. Ce que Flores
ne luy voulut refuser: puis retour-
nerent prendre nouvelles lances, avec
lesquelles, vindrēt à chocquer l'un
l'autre, par si grande force, que Flo-
res eut l'escu faucé, la visière hau-
cée, & tellement ébranlé qu'il fut
contraint de vuidier les arçons. De-
quoy le Seneschal receut au com-
ioye indicible, accompagné de laquel-
le mit l'espée en main, pour lous-
trager: Mais Flores le voyant venir,
ne fut pareilleux à se louer, & se voult

approcher, comimēta à se ioindre au
Seneschal, tellement que les coups,
avec lesquels ilz s'entre carassoient,
rendoient en admiration grāde, ceux
quil les regardoient: qui neant-
moins commencerēt à congnoistre
en peu d'espace, que l'auātage estoit
du costé du prince Flores. Car le Se-
neschal craignant perdre la vie, luy
dist, cheualier: Il me semble que le
travail souffert & enduré, nous in-
uite à prendre repos. Flores con-
gnoissant quib les forces de son ad-
uersaire estoient amoindries, & que,
par foiblesse, il n'estoit si prompt &
legier, comme au commencement:
se print à le charger plus furieu-
sment, qu'il n'auoit fait à l'entrée du
combat. Et souhaitant venger l'in-
iure, qui auoit par luy esté faite à
Blanchefleur, haussa l'espée, & luy en
donna sur la teste par si grande for-
ce, qu'il le fenda iusques aux dents
au moyen dequoy, le parain de Flo-
res, feit entrée dans le camp, deman-
dant aux iuges & cheualiers des ar-
rands, si son filleul s'estoit acquitté se-
lon le deuoir. Et apres qu'un charli
eut fait estime de l'aveu, son pa-
rain le mit hors du camp, & le feit
conduire fort magnifiquement, en
grand'atriomphe & solennité, par
le commandement du Roy, encores
que la mort du Seneschal, luy fut
desagréable. Flores ne voulut onc-
ques abandonner le Roy, que Blan-
chefleur n'eust esté declarée innoc-
ente, par les iuges du camp. Despres
- 32 -

qu'elle fut deliurée, la victoire fut publiée par les trompettes, tandis que Flores & Blanchefleur furent conduitz sur le theatre ou le Roy étoit. Qui ayant remis Blanchefleur en son premier estat & auctorité, elle demanda son nom, au cheualier, pour auoir congnoissance de celuy qui l'auoit mise hors d'un si grand peril & dangier: Mais le cheualier luy repōdit, n'estre en liberté, pour satisfaire à son vouloir, l'asseurant toutesfois, d'aller trouuer Flores au lieu ou il étoit, pour luy faire entendre l'infortune, en laquelle la faul se accusation de ses ennemys l'auoiet reduitte: Ce dit, baïsa les mains au Roy. Fœlix, & prenant congé, pria sa majesté, d'auoir en recommandatiō Blanchefleur, ayant respect, en ce qu'elle auoit esté trouuée incouppable. Ioinct aussi qu'en la fauorisant, sa grandeur feroit plaisir à Flores son filz. Ce que le Roy Fœlix promit de faire au cheualier, lequel se retira en la cité. Puis le lendemain au matin, print son chemin à Montorio, ou il auoit laissé son gouuerneur, avec le Duc, lesquelz estoient ignorants de son entreprinse.

Comme Flores se retourne à Montorio,

ou il auoit laissé son gouuerneur.

CHAPITRE XX.

FLORES, comme dessus est dit, se retira en la cité, pour passer la nuit. Et fut si tost que la clarté du

iour se presenta à ses yeux, le lendemain au matin, il vint son harnois, monta sur son destrier, & print le chemin de Montorio, ou il auoit laissé son gouuerneur, & ses gens. Et ne feit seiour en lieu quelconques, iusques à ce qu'il se fut rendu en la court du Duc, ou il feit entrée, le plus secrettement qu'il luy fut possible, pour couurir son entreprinse à ses gens: Lesquelz estoient merueilleusement affligez, pour la perte de leur seigneur: pour lequel faire chercher, le Duc faisoit courir d'un costé & d'autre, faisant grâdes promesses, à ceux qui le pourroient trouuer. Mais ainssi qu'ilz étoient reduitz en cette affliction Flores entra dans le Palais, lors que son oncle, son gouuerneur, & maints autres cheualiers étoient en conseil, pour écrire la perte au Roy son pere, pensant au dueil qu'il en feroit. Le Duc voyant entrer par la porte de son Palais, vn homme armé, commanda à vn page, sçauoir qu'il étoit qui soudainement l'assura, d'être son seigneur Flores. Dequoy le Duc receut au cœur si grande ioye, que Flores fut entre ses bras, auant qu'il eust commodité de mettre pied à terre. Et luy auoir aidé à descendre, commanda qu'on luy feist aprester à manger, sans l'importuner à luy dire d'où il venoit. Flores se trouua merueilleusement travaillé, pria son oncle luy vouloir pardonner, & l'assura n'auoir aucun desir de manger, puis

DU, & print


print congé de luy, pour se retirer en sa chambre : ou le Duc enuoya promptemēt ses medecins : qui l'auoir visité, feirēt raport au Duc, que Flores étoit ataint de passion amoureuse, qui luy causoit vne siebure lassē. Le Duc etāt auerty, par ses Medecins, d'ou procedoit la maladie de son nepueu, s'achemina tout incontinēt en sa chambre: Le priāt luy vouloir declarer ; l'occasion qui le tenoit ainsi affligé : Et qu'il se mettroit en deuoir d'y remedier, encore qu'il deust faire perte de toutes ses terres. Flores mercia treshumblemēt son oncle, & le cōgnoissant affectionné enuers luy, fut contēt luy communiquer le secret de son amitié, luy disant : Monsieur, l'ay esté nourri au Palais du Roy mon pere, en la compagnie d'vne Damoysele chretienne: Laquelle est née le mesme iour, que la Royne ma mere, m'a enfanté. Et suis tellement epris de son amitié, que ie ne puis viure à mō aise, perdāt sa presence. De laquelle le Roy mon pere m'a éloigné, pour la me faire mettre en oubly: Ce qu'il est impossible, veu que ie ne l'aime rien moins que moy. Le Duc ayant secū le subiect de son mal, print opinion, que son nepueu pouroit mettre en oubly Blanchefleur, s'il auoit la frequentation d'autres dames. Et pour faire essay de ce qu'il auoit en pēsée, cōmanda à son maistre d'hôtel, faire venir en la chābre de son nepueu, les dames de la ville, & entre autre, furēt trouuées trois sœurs,

filles d'un pauvre gentilhomme, belles au possible : parfaites en toute musique, & ieu d'instrumens. Lesquelles ne furēt plustost arriuées au Palais, que Flores, qui n'auoit eu aucun auertissemēt, les receut fort gracieusement, commandāt à ses gens, qu'on leur feist dōner la collation. Apres laquelle, les trois sœurs, cōmencerēt à iouer, rendāt armonie, la plus grande qu'il étoit possible. Mais Flores n'en faisoit aucun semblant : si est ce qu'il leur feist donner auāt que de partir, trois cens besans d'or : Dequoy elles demurerēt autant satisfaites, que Flores affligé. Lequel pria celle mesme nuit, son oncle, vouloir écrire au Roy son pere, & luy persuader trouuer bō, que Blanchefleur luy fust enuoyée. Le Duc, souhaittant donner repos au travail que son neueu auoit si long tēps enduré, feit de pescher vn courrier au Roy d'Espagne: le priāt biē fort ; vouloir enuoyer en la court, Blanchefleur : pour donner plaisir à son filz Flores, lequel étoit en danger de perdre le sens: Pour se voir priuē & absent de celle qui tenoit son cœur en prison. Le Roy n'eut si tost leu ce que le Duc, son cousin, luy auoit mandé, qu'il se retira en la chambre de la Royne. Et luy auoir fait discours de la vie de Flores, luy dist estre d'opiniō qu'on feist mourir Blanchefleur. Viuāt laquelle, leur étoit impossible, se pouoir maintenir en ioye. Il me semble, mōsieur (repond la Royne) que faisant mourir

rit Blanchefleur, vous metterez votre renommée en dangier, tellemēt qu'on vous appellera prince cruel, & plein d'iniustice. Pour aquoy obvier: le suis d'avis que Blanchefleur soit cōduite, par votre commandemēt, en terre estrangiere, & vendue cōme esclau. Vous assurent par ce moyen, de la faire perdre à iamais: veu que la beauré d'elle, affectiōnera maints hommes à l'achapter. Le Roy louant le conseil de la Roïne sa femme, commanda à son premier maistre d'hôtel, & à vn autre cheualier de sa maison, de cōduire Blāchefleur hors de son royaume, pour estre vendue: en lieu ou Flores son filz, n'eust aucun pouuoir d'en estre aduerty. Ces deux cheualiers, voulans prester obeïssance au cōmandemēt de leur Roy, ne tarderēt lōgement, auoir fait mōter Blanchefleur à cheual, de ce mettre en chemin.

Conte le premier maistre d'hôtel, eut cōmandement du roy d'aller vendre Blanchefleur.

CHAPITRE XXIIII.

 ES deux cheualiers Espaignolz, qui auoient charge d'emmener Blanchefleur, ne furent plustost hors de la cité, qui conclusēt de prendre leur chemin en Frāce, etāts bien assurez, à cause qu'ilz étoient chrestiens; de vēdre Blāchefleur plustost en cette région qu'en terre de Morres. Mais quand ilz se furēt réduiz à premier port de mer: ilz rencontrēt trois nauires, venāt d'Alexan-

drie, chargées de draps d'or, soye, espicerie, & de plusieurs autres richesses: ce qu'ilz les reioyt, etants bien assurez de vendre Blanchefleur à quelque marchand. Et pour l'affection que les deux Espaignolz auoient de se despecher de la Damoiselle, delibererent d'entrer, le iour ensuiuant, dans les vaisseaux, pour s'enquerir au Patron, si dās ces Nauires auoit quelque marchand qui voulist achapter vne esclau chrestienne. Et quand le Patron eut ouy parler les deux Espaignolz, il feist sçauoir leur volonté aux marchans, vn desquelz luy feist reponce, que l'esclau pourroit estre telle, qu'il l'acheteroit. Les cheualiers assurerent le marchand, qu'en toute l'Espaigne, ne se pourroit trouuer Damoiselle qui la peu egaller en beauré, & vertueuse honnesteté. Et pour l'en rendre plus assuré, le prièrent vouloir venir au logis, ou estoit demeurée Blāchefleur: laquelle fut tāt agreable au marchand, qu'il cōcéut oppinion qu'on eust dressé quelque menée pour se mocquer de luy. Et étant en cette pensée, & la cōmuniquant aux deux Espaignolz: luy fut par eux déclaré, que le roy & la Roïne d'Espaigne, leur auoient cōmandé, à qui elle estoit la vendre, soubs condition que l'achapter, ne luy souffriroit habiter en Espaigne. Le marchand étant aduerty, par eux du pris qui étoit, trois mille pesans d'or: leur en presenta deux mille, & d'vne

& d'une coupe d'or, que les cheualiers ne voulurent refuser. Et apres que le marchant les eut payez, ilz feirēt retour en Espagne: & le marchant cōduisant Blanchefleur, se retira dās les Nauires. Le Patron desquelles, feit des-ancrer, puis les Marthelotz, Nauchers, & Pillotes, com-mencerent à faire voyle, prenant la coste de leuant, ayans le temps tant fort propice, qu'ilz se rendirent en peu de iours au port d'Alexandrie, ou le marchant vendit Blanchefleur (l'ayant acotrée fort richement) à vn Morou, qui se disoit admiral: lequel auoit en son pouuoir cent damoiselles chretiennes, les plus belles qu'il eust peu trouuer: Et les tenoit en la tour de Babillonne, ou il feist conduire Blanchefleur ayāt fait deliurer au marchant deux fois plus quelle n'auoit cousté, Flores qui estoit demeuré en la compagnie de son oncle, iertant l'œil vn iour, sur la pierre de l'aneau, que s'amy luy auoit donné, cogneut que Blanchefleur estoit reduite en necessité: Au moyen dequoy pria son oncle, luy vouloir dōner congé, pour aller visiter le Roy & la Royne d'Espagne, ce que le Duc, son oncle, trouua fort bon. Et pour l'honorer d'auantage, promit luy donner cent cheualiers, pour l'accompagner en la court du Roy son pere. Flores ne tarda beaucoup de faire entendre sa fantasia à son gouuerneur: Le priant, veu qu'il auoit eu licence du Duc, de vouloir

dōner ordre, que son equipage fust ordōné, le plustost qu'il seroit possible. Mahommat audaly, voulant complaire à ce ieune prince, feit tel deuoir, que Flores se mit en chemin, deux iours apres qu'il luy eut fait entendre son vouloir: Et s'estre rédu à deux lieues du lieu, ou le Roy faisoit residence, enuoya à sa maiesté vn des cheualiers de la compagnie, pour faire entēdre la venue de Flores au Roy: lequel māda promptement les cheualiers de sa maison au deuant de luy, qui ne se fut plustost rendu à vne demye lieue de la Cité, que le Roy se mist en campagne, fort bien acompagné pour le receuoir, sans que Flores qui estoit de tout auerty, s'enquist aucunement, que Blanchefleur estoit deuenue. Pensāt en laquelle, il ne tarda beaucoup, d'entrer au Palais royal, ou les dames & damoiselles s'approcherēt, pour luy baiser les mains chose certainemēt qu'il le rēdit merueilleusement affligé. Et mesmement n'aperceuant en cette compagnie Blanchefleur. L'outrage de laquelle, il dissimuloit sagement, iusques à ce que la Royne, sa mere, le feist appeler vn iour dans sa chambre, où après maints propōs tenez, il se print à luy dire: Ma dame, ne voyant Blanchefleur en votre compagnie, ie suis cōtrainct vous prier me vouloir dire quelle est deuenue. Mon filz, repondit la Royne, ayant fort bien cogneu l'amitié de Flores, ie vous

ie vous declare que Blâchefleur est morte, il ya quinze iours ou trois semaines: non sans auoir esté autât bien seruie que eust sceu estre le Roy votre pere. Flores etant assuré du bon vouloir que son pere portoit à Blanchefleur: Et cōgnoissant que sa mere luy déguisoit la verité, Luy pria (encore que son cœur fust réduit en extreme perplexité) le faire conduyre au lieu ou Blanchefleur auoit esté ensepulye, car son opiniō étoit, que le Roy auoit fait ietter Blâchefleur dās quelque fosse pour la faire mourir. La Royne aperceuat luy estre impossible conuiri l'infortune succedée à Blanchefleur, vsa d'un tel langage enuers Flores. Mon filz, ie vous aduertis que Blanchefleur est en vie, & à esté vendue, par le commandemēt du Roy votre pere, qui l'a faitte cōduire en Alexandrie. Flores ayant sceu le mauuais traitement que Blanchefleur auoit receu, blamant au possible la cruauté du Roy son pere, cōclud faire depart du royaume d'Espaigne, sans y faire retour, iusques à ce que Blanchefleur fust par luy rrouuée: ce qu'estant venu à la congnoissance du Roy, il se print à luy dire, regretant merueilleusement son depart: Mon filz, ie treuue fort estrange te voir affliger, ton pere etāt réduit sus l'extremité de ses iours, ayāt regret voir absenter celuy qui doit heriter son royaume, pour aller chercher en pais estrange vne Esclauē, totalement

contraire à notre loy. Pour laquelle maintenir, ie te prie la vouloir oublier, & par mesme moyen, accepter le gouuernement de mes terres & seigneuries. Flores ne pouuāt celer ce qu'il auoit au cœur: luy feit vne telle reponce. Roy Fœlix, tu es cause, que ie suis forcé habandonner la terre ou i'ay esté nourry, pour raison dequoy ie ne t'ay en reputation de pere, ains d'ennemy mortel: r'assurant que ie ne faudrois à te priuer de vie, sans la crainte que i'ay de me rēdre odieux enuers les subiectz de ta grandeur, qui a fait malicieusement & sans occasiō molester celle qui ne te fait oncques offence. Et t'es mis en deuoir la faire bruller, sans moy qui ay fait mourir le traistre seneschal, qui l'auoit faulsemēt accusée: t'assurant n'auoir iamais repos, iusques à ce que la fortune m'aura rendu si heureux, que ie me puisse rendre au lieu ou elle fait a present residence. Et si par cas fortuit, l'heur m'est si malheureux ne pouuoir attaindre à la felicitē ou mō cœur aspire: le ne feray iamais retour en ton royaume, fors pour t'oter la vie, pour venger celle que tu scauois bien que i'auois en fantasie, ne l'aymant rien moins que moy-mesme. Le Roy apperceuat le mauuais vouloir que son filz auoit conceu à l'encontre de luy, l'enuoya à sa mere, laquelle faisant couler le long de sa face, larmes à foison, se print à luy dire: Mon filz, ie te prie auoir

E pitie

pirie de ton infortunée, sans vou-
 loir estre cause de sa penible mort,
 laquelle ie ne puis euitter, te voyant
 absenter, de moy. Madame (repond
 Flores) il me est bien difficile re-
 gretter le dueil de ceux qui m'ont
 procuré tout ennuy. Et mesmemét,
 étant asseuré que vous & mon pere
 auez chassé hors de votre royaume,
 la persone de tout l'vniuers, enuers
 laquelle ie suis le plus affectionné:
 vous declarât d'estre à iamais votre
 ennemy. La Roïne voiant que ses
 prieres n'auoient aucun pouuoir d'
 esmouuoir son filz, luy dict: Puis
 que mes pleurs ne ont puisſance te
 diuertir de ton entreprinſe, ie te
 supplie vouloit vſer de humilité &
 liberalité, étant en terre estrangere
 & prendre de moy cest anneau: La
 pierre duquel, ha telle vertu, qu'elle
 preseruera celuy qui la portera, de
 mourir par feu & par eau, & en ba-
 taille. Puis, luy auoir doné sa bene-
 dictiō, luy feit deliurer quantité d'or
 & d'argent, pour faire son vōiage.
 Et en cette façon s'alla embarquer
 au port plus prochain: ou il trouua
 vn Navire, qui le rendit en peu de
 iours en Alexandrie: dās laquelle il
 ne feist entrée, que premieremét il
 n'eust esté aduertý que Blanche-
 fleur auoit logé au port, ou Flores s'
 estoit embarqué. La ou vne hoteſſe
 luy feit entendre le dueil de Blan-
 cheſſeur, que son mary l'eust acha-
 ptée du marchand qui la conduisoit
 ſans la promeſſe qu'il auoit faicte,
 de ne la vendre aux ſubietz & val-
 ſaux du Royaume d'Eſpaigne. Vous
 asseurât que l'hoteſſe fut assez bien
 recompensée: car Flores luy donna
 vn anneau qu'il portoit en son doigt,
 qui étoit de grande valeur. Et apres
 qu'il fut arriué en Alexandrie, luy
 & son eſcuyer monterent à cheual,
 & prindrent leur chemin en Babil-
 lone: ou le prince Flores état aduer-
 ty, que le marchant qui auoit acha-
 pté ſ'amie y habitoit: ſe logea en la
 maiſon d'un hōme de bien (appelé
 Darius le blōd) qui étoit en couſtu-
 me de loger en ſa maiſon, perſonnes
 honorables et d'auctorité. Flores ne
 volut ſortir a cauſe du trauail qu'il
 auoit ſouffert ſur la mer: & vn iour
 que ſon hoſte & luy ſe promenoiet
 parmy vne ſalle, il print la hardieſſe,
 luy parler en cette façon. Je vous
 prie, mon hoſte, me vouloir donner
 congnoiſſance à vn marchant de
 cette terre, lequel ha fait conduire
 en ce pais, vne Eſclauſe chretienne,
 qu'il ha achaptée, n'ha encore long
 temps en Eſpaigne, appellée Blan-
 cheſſeur. Monſieur, répondit l'hoſte
 ie vous asseure, que le marchant &
 elle vendrent loger ceās au retour
 d'Eſpaigne: & aiant ſceu qu'elle é-
 toit à vēdre, la feit achapter au pre-
 mier maĩtre d'hoſtel de l'admiral
 du Caire, qui luy en feit bailler
 deux fois plus qu'elle n'auoit couté
 puis la feit conduire en la tour de
 Babillone; ou l'Admiral fait ſon-
 gneusement garder cent damoiſel-
 les: & ſi par cas fortuit, vne d'elles
 vient à laiſſer par mort ſes com-
 paignes,

paignes, vne autre est incontinent mise en sa place. Flores croiant que son hôte pourroit moiennner que Blanchefleur et luy, auroint commodité de parler ensemble, luy pria le vouloir secourir : & apres que l'hôte luy eut iuré tenir son party, Flores commanda à son escuyer faire venir sur la nuit vn marchant, pour recouurer vne piece de drap, & vne autre de soye. Puis commanda à vn tailleur d'acouter son hôte, lequel luy en sceut merueilleusement bon gré, & pour l'affectionner d'auantage, luy mit au poing vingt cinq ducatz. Puis l'estre retiré avec luy en sa chambre, se print à luy dire: Monsieur, Le desir que j'ay de te faire seruice, me fait prendre la hardiesse te cōseiller : Mais garde d'estre decouuert par l'admiral, qui ne faudroit à te faire priuer de vie, estant aduertty que ta grandeur entreprend faire entrée dans la tour, qu'il t'est bien difficile te pouuoir rendre: car la hauteur d'icelle est de trois cents brasses: & la largeur de trois cents: loinct aussi que cinq cents cheualiers, sont commis à la garder iour & nuit, sous la charge d'un capitaine, le plus adroict & experimenté aux armes, de toute cette terre, & qui n'a fiance en homme quelconque, comme l'ordonance qu'il fait obseruer & garder, en red assuré tesmoignage: car il ne veut souffrir que estrangers passent les armes & enseignes qu'il ha fait poser à demye lieue de la tour : Dās

laquelle, est planté vn arbre, au milieu d'un verger: les rameaux duquel, sont tousiours florissans, & au pied d'iceluy vne claire fontaine: ayant telle vertu que la femme qui en boit, fait congnoistre sa virginité. Au moyen dequoy l'Admiral cōmande aux damoiselles de se venir rendre tous les matins au pié de la fontaine, faisans cueillir vne fleur à chacune, leur commandé de la ietter en l'eau, laquelle se maintient claire, si la fille est pucelle: Et si par cas fortuit elle s'est oubliée à laisser gagner ce que le point d'honneur luy commande garder, l'eau se trouble & deuient rouge comme sang. Quand Darius eut instruit Flores, il n'oublia à luy declarer, que le capitaine qui auoit la tour en garde, étoit affectionné au possible, au ieu des eschertz & homme grandement auare, & qu'il prenoit plaisir à serrer deniers. Et acheué qu'il eut son propos, & luy déclaré les malheurs, ausquelz il pouuoit succeder, donna la benediction à Flores, lequel commença à luy dire: Mon pere, ie vous scay merueilleusement bon gré: Et vous assure ne m'estre acheminé en cette terre, pour acquerir & gagner argent: ains pour conquerir Blanchefleur, qui est le seul tresor de ma vie.

Comme Flores print la hardiesse d'aller voir la tour. Et de ce qui luy aduint.

CHAPITRE. XIII

E 2 Apres



Pres que Flores eut esté bien instruit par son hoste, il monta à cheual, & sans auoir crainte quelcōque, passa les enseignes qui étoient posées à demye lieu de la tour: aprochât delaquelle, le capitaine & deux cheualiers, s'ebaissans de sa temerité, monterēt à cheual: Et s'estre renduz aupres de luy, & congnoissans qu'il étoit estrangier, le Capitaine vsa d'un tel langage: Cheualier, qui vous à incité d'entrer en cette terre, ou vous serés priué de vie, vous etāt oublié transgresser notre ordonnance & commandement: Quand Flores entēdit parler le Capitaine, tant brauement, il ne delaiissa (encore que son cœur en receust déplaisir) à leur repondre en cette façon: Je ne croy point, mōsieur, auoir meritē de perdre la vie, veu que ie n'ay fait aucune offense, & suis venu d'Espagne en cette Cité: ou, aiant fait scieur quelque espace de temps, ie me suis venu ébatre le long de la riuiera, ou j'ay aperceu la Corneille, sur laquelle j'ay laché vn Faucon, qui lh'a pourchassée ioignant cette tour, ou ie n'ay failly à picquer pour scauoir que mon Faucon est deuenu. Le vous commande, dit alors le capitaine, me vouloir dire qui vous ha cōduit en cette terre. Flores luy feist reponce: Seigneur, l'occasion qui m'a fait acheminer en ce pais, est qu'ay entendu, étant en Espagne, que les principaux de cette terre,

sont grande profession de iouer aux Eschetz: ausquelz ie me suis étudié autrefois, & voudrois auoir l'heur me pouuoir rencontrer avec les hōmes, plus experimenter de cette region & prouince: lesquelz on dit estre plus abondammēt en Alexandrie: qui ha esté cause que ie m'y suis acheminé. Le capitaine luy entendant dire qu'il étoit ioueur des eschetz, & voyāt qu'il portoit semblant d'homme vertueux, luy dit, cheualier, vous estes tombé en peine de mort: car l'admiral mon seigneur ha iugé estre priué de vie, ce luy qui entreprendra passer les enseignes que vous auez rencontrées sur le chemin: toutesfois ayant congnoissance, qu'estes estrāger & ignorant l'ordonnance de mō seigneur, ie suis content vser de pardon enuers vous: Ce dit le pria de venir en la tour, & apres que le capitaine & luy, furent descenduz, il feit porter vn tablier pour iouer aux eschetz, avec don Flores, lequel de premiere arriuée, gaigna au capitaine, deux mille bezans d'or, dequoy le capitaine receuoit au cœur passion demesurée: Mais Flores luy pria ne se vouloir trister aucunement, & qu'il n'étoit venu fors pour passer le tēps: le priant bien fort receuoir le present qu'il luy vouloit faire: ce disant mist au deuāt du capitaine, tout l'argent qu'il auoit mys pour iouer, & celuy qu'il auoit gaigné. Ce que le capitaine ne mist en reffus: ains luy dit,

dir:cheualier,encore que ie n'ay aucune congnoissance de vous : si ne delaisseray-ie pourtant vous asseurer d'auoir acquis l'amitié d'un homme, qui ne faudra toute sa vie à vous obeir. Ce que Flores luy mercia bié fort : le priant de luy donner congé pour s'en retourner en la Cité . A quoy le capitaine ne voulut aucunement faire reffus:& luy auoir fait promettre de faire retour le lendemain pour dîner : Flores se retira à son logis , ou il ne fut plustost aperceu, que Darius son hoste , le veint acoster, luy disant. Mon filz, votre absence m'a rédu merueilleusemēt affligé, craignant que quelque malheur vous fust succédé. Mon pere, repondit Flores,i'ay eu tant bon commencement, que j'espère avec l'aide de Dieu, paruenir heureusemēt à la fin de mon entreprinse . Alors se print à luy decourir ce que auoit esté passé entre luy & le Capitaine: dequoy Darius en receut plaisir indicible,acompaigné duquel,luy feit donner fort bien à soupper: Le lendemain au matin Flores ne meit en oubly le chemin de la tour, hors de laquelle le Capitaine le veint recevoir, puis l'ayant cōduit dans la fortteresse, ou ilz furent assis pour dîner : durant lequel, le Capitaine & luy feirēt maints discours sur le ieu. Et apres s'estre amusez quelque tēps sur l'amour, on les desseruit:Ce que le prince Flores loua grandemēt, & pour ne se mōtrer ingrat, donna au

Capitaine vne couppe d'or pleine de doubles ducatz: & vne bague excedente en valeur , vne Cité . Au moyen dequoy il luy feit auoir opinion , qu'il deuoit estre Roy ou filz de Roy , veu que les presens donnoient indice de la grandeur de ce luy qui les dōnoit: Toutesfois il ne se oublia à l'en mercier , & le supplier vser enuers luy de commādemēt:car tant grande étoit l'obligatiō, en laquelle il l'auoit reduit, qu'il l'asseuroit pouuoir disposer de sa maison, tout ainsi qu'il pouroit faire de la sienne propre: dequoy Flores luy sceut fort bon gré: & l'auoir mercyé, passa le temps avec luy toute la iournée.

Comme Flores se decourrit au Capitaine, & de ce qu'il se presenta à faire pour luy.

CHAPITRE. XIII.



Le iour ensuiuant, Flores conclud en son esprit, de se deconurir au Capitaine de la Tour: se faisant à croire pouuoir donner alegement à sa langueur par son moyen: & desirant sortir d'un si grand trauail, luy dit. Aiant opiniō(seigneur) qu'auex pouuoir remedier à ma douleur, ie ne craindray vous faire part de mon secret, & par mesme moyen entēdre l'ocasion de mon arriuée: vous priāt être asseuré, que l'amitié d'une damoiselle, qui est dans cette tour en votre charge, m'a prouoqué venir

E 3 visiter


visiter cette terre, ou i'aurai la cōmodité de parler à elle, si vous prenez plaisir vser de faueur enuers moy, qui pour n'estre reputé ingrat d'un si grand bien vous feray present de mille bezans d'or. Le Capitaine entendāt parler le prince Flores en cette façon, demeura etonné au possible pensāt au dāger, ou il pourroit tomber : mais se ramenteuāt de l'obligation, en laquelle les presens de Flores l'auoient reduit, se trouuoit ébrāllé, & sans auoir respect à l'Admiral son seigneur, qui luy auoit baillé la Tour en garde: vsa de tel lāgage enuers dom Flores; Seigneur & amy, la chose seroyt bien difficile quand ie m'oublirois (encore qu' elle me deust couster la vie) de la vous refuser. Et pour le desir que i'ay de vous donner allegemēt: Le vous aduertis que dimanche, qui sera le iour de Pasques-Fleuries, comme les cheualiers & dames de cette terre, sortent en fort grāde magnificence, & brave équipage, pour cueillir fleurs, roses, & autres herbes odoriferantes, qui se peuuent trouuer aux iardins qui sont à l'entour de cette Cité, pour en faire vn present à l'Admiral (qui est la seconde personne de cette terre) desleu en telle dignité par le Soldan, qui est en courume de les enuoyer aux damoiselles de La Tour: mais la premiere corbeille, est portée à la damoiselle, qui en beauté excède ses compagnes au iugement de l'Admiral: lequel fait porter en ce lieu les cor-

beilles, que ie suis tenu d'emplir des mesmes roses: au desoubz desquelles, i'auray commodité vous faire entrer en la chambre de Blanche fleur, sans auoir crainte d'exposer ma vie pour vous donner moyen d'auoir la ioyssance de ce que votre cueur desire. Seigneur cheualier, repond Flores, encore que ie vous seisse present de tout mō bié, sin'auray-ie pouuoir m'aquitter enuers vo^r. Puis auoir deliberé de voir s'amy, au iour arresté, print congé pour se retirer en la Cité, ou il communiqua son entreprise à sō hoste Darius: mais il ne fut plustost arriué au iour de Pasques fleuries, qu'il sortit hors de son lit, et print son chemin à la Tour, auant que le iour eust fait paroistre sa clarté, ou il fut gracieusement receu du Capitaine, qui à son arriuée luy dit: Monsieur au iourd'huy nous metterons noz viez en grand danger: vous assurez, que ie n'auray aucun regret à la mienne: Et mesmement l'employāt au seruice d'un tel Cheualier cōme vous. Tandis que ces deux cheualiers étoient en propos, suruint vn cheualier de l'Admiral, portant les roses que on deuoit enuoyer aux damoiselles, lequel s'adressa au Capitaine de la Tour, luy disant: Seigneur capitainne, l'Admiral m'a cōmandé, vous porter ces roses, pour les distribuer aux damoiselles: Par mesme moyen m'a donné charge vous dire, que le droit (qu'on ha acoustumé) leur soit gardé. Le capitaine

pitaine receut les presentz, puis donna congé au Cheualier, l'assurant prêter obeissance au commâdemēt de l'Admiral son seigneur.

Comme le capitaine feit mettre Flores dans la corbeille, affin qu'il eust commandisé de pouuoir parler à Blanchefleur s'amy.

CHAPITER. XV.

 Vād le cheualier de l'Admiral fut sorty hors de la tour, le Capitaine meit Flores dans la corbeille, & l'auoir fait courir de roses, le feit porter en la chambre de Blanchefleur. La Damoiselle de laquelle (appelée Glorisia) mettant la main parmy les fleurs, sentit remuer Flores: au moyen dequoy, elle se print à ietter vn grād cry: au son duquel, toutes les autres Damoiselles se rendirent au lieu ou étoit Glorisia qui (ayāt ouy parler de Flores quelquefois à sa dame) dist aux Damoiselles, que son cry étoit procedé à cause d'un tabon qui estoit failly cōtre son retin, tādīs qu'elle remuoyt les roses: Au moyen dequoy les Damoiselles retournerent en leurs chābres, et Glorisia se retira au lieu ou étoit Blanchefleur: à qui elle se print à dire. Madame, ie vous prie uolois sortir de ce lieu, si vo^s auez desir veoir la chose que plus vous aimez. Blanchefleur aiant opinion que sa damoiselle entreprint se moquer d'elle, luy dit: Prends tu la har-

dieſſe me donner ennuy le iour de Pasques fleuries. auquel mon amy & moy fusmes nēz. L'apercoy bien ta villenie apresent: & mesmement te voiant mettre en deuoir de me ramēteuoir mes malheurs. Le vous prometz, dit la Damoiselle, ce que ie vous ay dit, estre veritable. Et si par cas fortuit vous prenez plaisir me suiure, ie vous feray voir ce que votre cueur ha tant desiré. Blanchefleur aperceuant que sa Damoiselle étoit ferme en son opinion, se retira en sa chambre ou elle n'eut plūstost veu son amy, qu'elle tomba pāsmée en terre aux piēz de Flores, qui la leua tout incontīnēt: & la tenāt entre ses bras, furent bouchē contre bouche, l'espace d'une heure, sans pouuoir parler l'un a l'autre, tāt étoit excessif le plaisir que ces deux amās receuoīēt. Mais ausi tost que Blanchefleur se fut resētue, elle commença à dire à Flores: monsieur, ie suis ébahie qui vous ha conduit en cete forte & dangereuse tour, l'entree de laquelle, est tant difficile, qu'avec bien grād, travail vn Epekuier auroit commodité de s'y pouoir rendre. Dieu vueille que votre yssue puisse succeder à heureuse fin, vous priant ne vous montrer à persone quelconque. car si vous estes decouuert à l'Amiral, il ne faudra à nous faire mourir. Flores qui preferoit le contentement ou il étoit réduit, à la peine qui luy pouoit auenir: se print à donner cōr à Blanchefleur, luy disant:

Madame, mō ame reçoit affliction, & se deult pour vous voir en peine: car quant à ma vie, ie la tiens pour bien employée: Vous auertissant auoir deliberé de la perdre, & exposer pour vous, alors que i'abandonnay le Royaume d'Espagne. Ie croy toutesfois que Dieu (m'ayant conduit en ce lieu) sortira & mettera hors de dāger vo⁹ & moy, par mēme moien. Et attendant son sainct vouloir: ie vous prie, madame, auoir agreable, que votre humble fauorit puisse cueillir la rose & bouton de ioyssance amoureuse, qu'il ha tousiours tant esperée. Quand Blanchefleur eut entendu le gracieux langage de son amy Flores, elle luy dist n'estre rien moins contēte que luy, d'aspirer à ce point, soubz conditiō qu'il se feroit baptiser: luy remontrant n'estre chose hōneste n'agreable à Dieu, qu'une chretienne s'arretast par mariage avec vn More. A quoy Flores s'accorda & promist de l'epouser, aussi tost que Dieu les auroit mis hors de danger. Et pour rēdre plus grande preuue de sa foy & promesse, print pour enseigne & armes, le signe de la croix, auant que faire yssue de la Tour. Faisant residence en laquelle, le lendemain du iour de Pasques Flores & Blanchefleur, etants couchez tous deux dās vn lyt, l'Admiral commāda à vn page, d'aller trouuer Blanchefleur en sa chambre: mais quand il fut arriué à la porte, Glorisia luy dit que sa da-

me étoit encore dans le lyt, à cause qu'elle se trouuoit mal disposée: au moyen dequoy le page feit retour deuers son seigneur, qui ne tarda beaucoup de prendre son chemin au lieu ou étoit Blanchefleur: & trouuant par cas fortuit la porte de sa chambre ouuerte, entra & veid Flores & Blāchefleur endormiz & couchés tous deux dans le lyt: dequoy il demeura merueilleusement affligé, & pensant comme le prince Flores étoit entré dans la Tour, sortit de la chambre, commandāt sçauoir de luy, qu'il étoit. Quand les cheualiers eurent preté obeissance à son commandement, ilz luy rapporterēt que le Cheualier estranger étoit Espagnol: Et que par l'industrie de sa mere, qui étoit magicienne, il auoit esté cōduit en la chambre de Blanchefleur. L'Admiral fut tellement eprins de colere, qu'il feit mettre ces deux amans dans vne obscure prison.

Comme Flores & Blanchefleur furent mys hors de prison pour estre brullez.

CHAPITRE. XVI.



Admiral, commanda au Concierge, que les deux prisonniers fussent gardez seurement, iusques apres la feste de Pasques: laquelle ne fut si tost passée, que l'Admiral les enuoya querir, puis leur demanda comme ilz se congnoissoiet: Flores luy feit entendre que Blanchefleur & luy

& lui étoient néz le propre iour de Pasques fleuries, & auoient esté nourriz ensemble durant leur enfance, ou leur amyties'étoit fôdée: en sorte qu'il auoit esté contrainct d'abandonner le pais d'Espagne, pour la venir chercher (encore qu'elle fust esclau, & fille d'un chretien & chretienne.) Quant l'Admiral ce fut informé de Flores, pour obuier que autre chenalier n'entreprint hardiessé tant fort temeraire, il ordonna que Blanchefleur et luy fussent brullez tous vifz, pour leur faire souffrir tourment plus excessif. Le iour ensuiuant le bois n'eut plus tost esté assemblé, que Flores & Blanchefleur furent conduitz au lieu de suplice: vous auertissant, que Flores craignant perdre l'amy, et que elle mourust, de crainte, luy feit present de l'aneau que sa mere luy auoit donné: la pierre duquel auoit telle vertu, que celuy qui la portoit ne pouuoit estre offensé de ses ennemis en mourir par feu ne par eau. Dequoy Blanchefleur receut assurance fort grande, & demanda à son amy si sa mere luy en auoit donné encore un autre: à laquelle Flores feit reponce, n'auoir en son pouuoir que celuy qu'elle possedoit: Et luy dist, qu'il y en auoit beaucoup plus mourir que souffrir luy voyr prendre fin, veu que par son occasion, elle auoit esté condamnée: Blanchefleur qui n'auoit autre desir, que de souffrir la mesme peine qui seroit préparée pour son amy, luy dist qu'elle étoit

d'auis que luy & elle tinssent l'aneau, alors qu'on les voudroit ietter dans la fournaise, ou la flamme n'auroit pouuoir les outrager, à cause de la vertu & propriété de leur pierre. Quand les ministres de la iustice eurent mis le feu au boys qui étoit préparé: les deux amans supplièrent à l'Admiral, que tous deux ensemble sans aucune conduitté, feissent entrée dans le feu: ce qu'il leur accorda. Au moyen dequoy, Flores & Blanchefleur, tenans tous deux la main sur l'aneau, se lancerent dans le feu, ou ilz se iournèrent l'espace d'une heure, sans recevoir aucun domage. Ce que aperceuant l'Admiral & ses chevaliers, ilz prindrent opinion que leur mort n'étoit aucunement agreable à leurs dieux. Et sur le mesme instât l'Admiral cōmanda qu'on les eust à mettre hors le feu, & les auoir fait conduire deuant luy, pria Flores luy vouloir declarer qu'il étoit, l'asseurât de le faire honorer selon sa grandeur & auctorité. Flores qui n'aspiroit fors mettre en liberté sa myeux aymée, feit entendre à l'Admiral qu'il étoit filz de Fœlix Roy d'Espagne: laquelle il n'auoit craint d'abandonner, pour l'amytié qu'il portoit à Blanchefleur. L'Admiral entendât, que Flores étoit prince d'Espagne, fut grandement fâché de s'estre montré cruel enuers luy. Et pour luy faire oublier l'imure qu'il luy auoit esté faite, se print à l'acoler & baiser. Le priant luy vouloir pardonner, & s'asseurer de n'auoir esté

F offensé

offence si par cas fortuit se fust fait à cognoître. Flores voyât la faueur, de laquelle l'Admiral ysoit enuers luy luy faisit la main, se mettant en deuoir de la baïser. Mais l'Admiral ne le voulut souffrir ains le feit conduire au Palais, ou il le feist honorer comme enfant de Roy. Et cependât il escriuit au Roy d'Espaigne: l'auctorisant ce qui étoit aduenü à Flores son filz en Alexandrie, pour n'auoir congnoissance de sa grandeur.

Comme l'Admiral enuoya au Roy d'Espaigne, vn cheualier d'escuyrie.

CHAPITRE. XVII.

LE Cheualier que l'Admiral auoit enuoyé en Espaigne demeura longuement à se rendre au lieu, ou faisoit residace le Roy & la Royne d'Espaigne: lesquelz étoient affligez au possible, a cause de la si longue absence de leur filz, & croyoient par faittemēt qu'il fust mort, iusques à ce que le cheualier d'Alexandrie leur feit entendre le contraire: dequoy ilz sceurēt merueilleusement bon gré à l'Admiral: à qui Flores feit entendre, vn iour qu'ilz se pourmenoiēt, que s'il vouloit étoit se retirer en la court du Roy son pere: le quel opressé de vieillesse, ne pouoit vacquer au gouuernement de son Royaume, las grand travail. L'Admiral luy dit que non tant seulement, il étoit contēt satisfaire à son vouloir: ains le pria prendre ce qui luy seroit plus agreable en satisfaction: il luy donna cōgé de le transporter

en Espagne. Flores voyât l'honneur que l'Admiral luy presentoit: le pria luy vouloir donner Darius, son hoste, la damoyelle Glotisia, & le Capitaine de la tour. Ce que l'Admiral luy ottroya, & luy feit armer six nauires: Dans lesquelles, Flores & Blanchefleur, s'allerēt embarquer, quinze iours apres, au port d'Alexandrie, ou l'Admiral & les Cheualiers de sa maison leur feirent compaignie.

Comme Flores & Blanchefleur, commanderent aux Matheloz de faire Voylle: Et de la fortune qui courut sur mer.

CHAPITRE. XVIII.

APres que les nauires qui conduisoient Flores, eurent abandonné le port d'Alexandrie, vn vent contraire commença à se leuer, & la mer à s'enfler: en sorte que les Mariniers ne pouuans guider leurs vaisseaux: furent contrains se mettre en la mercy des vagues & furieuses vndes, & coururent fortune deux iours & deux nuictz: Sur la fin desquelles, le Capitaine des nauires commanda aux Mathelotz qu'ilz eussent à decharger le vaisseau ou étoit Flores, & couper l'arbre que la nef ne pouoit souffrir, ce qu'ilz ne voulurent faire, sans en demander licence à Flores, à cause que l'Admiral leur auoit donné charge de luy prêter obeïssance. Et apres qu'ilz eurent eü cōgé de sa grandeur, ilz ne tarderent à rompre l'arbre & à decharger le vaisseau

vaisseau, pour experimenter, si fortune leur voudroit tourner sa belle face. Mais à peine eurent ilz abbatu l'arbre, que notre Seigneur guyda leurs vaisseaux au pié d'une Isle, que les Mariniers persuaderent à Flores d'aller visiter, iusques à ce que le téps se trouuast propice pour nautiger, & que leur Nauire eust esté racoutree. Flores voyant que la necessité luy commadoit d'en user ainsi, eut mectre ce qu'il auoit dans vn esquis & s'estre mis dedás avec ceux qui l'accompagnoient, se feist conduire en l'isle, qui n'estoit habitée que de Cerfs, Cheureux, Sangliers, & autres bestes sauuaiges, vous auertissant que Flores ne se fut plustost rendu dás l'isle, que le nauire fut mis à fons, qu'on n'aperceut autre chose hors de l'eau, fors la cage (qui par les mariniers est nommée Gabie), Pour raison dequoy Flores Blanchefleur, & leur compagnie, seiournerét plus loguement qu'il n'auoient pensé en cette isle, ou ilz ne viuoient, fors des bestes sauuaiges, & beuuoier de l'eau sans autre chose, a cause que leur pain leur étoit failly, de quoy Flores fut redut en grád étonnement, duquel, il feist part à Blanchefleur: luy disát: Madame, vous scauez & cōgnoissez assez, le trauail penible, auquel sōmes reduitz pour noz pechez: pour raison dequoy ie me fais acroire, veu la necessité, de laquelle nous sommes sortiz, que vōtre loy excède en vertu toutes les autres, cōme celle qui ha este dōnée par le Dieu souverain,

l'aide & secours duquel, ie prie uoiloit requérir, afin de pouuoir sortir de ce lieu, pour nous rēdre aux terres du Roy mō pere. Blanchefleur qui auoit regret voir mourir tant de nobles hōmes, cōmença prier Dieu, auoir pitié d'elle & de ceux qui étoient en sa compagnie. Et ainsi que Flores & elle, eurent acheué leur oraison, ilz aperceurent venir vn Nauire qui étoit desancré des Baris, pour nautiger en Alexandrie. Mais la fortune l'auoit fait surgir & attriuer en l'isle mesme, ou don Flores & Blanchefleur, auoient prins terre. Lesquelz furent par eux trouuez dans vne cauerne qui étoit assez prochaine du port, dequoy ilz receurent grand ébaisement. Mais ayans esté auertiz cōme la fortune les auoit contrains de se retirer en ce lieu: donnerét louāges à Dieu pour les auoir cōduitz en cette isle; ou par leur moyen, Flores & ceux de sa compagnie, auoier eue secours. Le prince d'Espagne pria les mariniers le vouloir conduire en leur nef, pour quelque propos qu'il auoit à dire au Patron: Ce qu'ilz luy acorderent. Et l'auoir receu au lieu ou étoit leur patron, luy feist recit de son infortune: priát le vouloir porter luy & ses gés dans son nauire en Alexandrie, ou il ne faudroit le contéter à sa volonté. Mon vaisseau repōd le Patrō, outre qu'il est petit, est grādemēt chargé, si que ie n'oserois entreprendre conduire vōtre troupe, sans descharger la marchādisse. Flores aiāt congnoissance que le Patron

montrait semblant de luy faire plaisir, se print à dire: Seigneur Patron, assurez vous que ie ne faudray à vous faire deliurer, deux fois plus d'argêt, que vo' ne sçauries védre ce que vous laisserez en cette isle pour me fauoriser. Au moyen de quoy le Patron feit descharger la marchandise, & six de ses hômes pour la garder: ausquelz auoir laissé viures abondamment, Flores & ses gés s'embarquerent, & conduitz par la grace de Dieu, eurent si bon vent qu'ilz se rendirent en peu de iours au port d'Alexandrie, ou Flores depescha vn cheuaucheur, pour aller faire entendre son infortune à l'Admiral du Caire. Lequel auoir fait lecture des lettres que Flores luy mandoit, cōmanda à ses gétiz hommes de monter à cheual, & en leur compagnie se meit en chemin pour aller voir Flores qui étant auerty de son armée, sortit d'Alexandrie pour le receuoir & l'auoir decouert, se meit à pié pour luy baiser les mains, ce que l'Admiral ne voulut souffrir ains le feit promptemēt remonter, le priant ne se vouloir trister, veu que cettoit chose naturelle aux hômes de perdre & gagner. Ce dit, il cōmāda faire armer les quatre meilleurs Nauires qu'on pouroit trouuer & ce pendant qu'on se trauailloit de les equipper, Blanchefleur sa femme, & luy, eurent commodité prédre leur plaisir en Alexandrie, ou ilz feirent sojour l'Espace de quinze ou vingt iours, sur la fin desquelz, l'Admiral

congnoissant que Flores ne desiroit autre chose que d'aller en Espagne, ne le voulut abandonner, iusques à ce que luy & ses gens furent embarquez.

Comme Flores print congé de l'Admiral. & feist depart d'Alexandrie pour aller en Espagne, ou il se feist baptiser.

CH APITRE. XIX.



A munition qu'on auoit fait preparer pour le voyage du prince d'Espagne, n'eut plustost été rendue dās ses vaisseaux, que luy & ses gens se rendirēt au port: & aperceuas sur les deux heures du matin, que le gracieux & amoureux zepirus les fauorisoit, cōmencerent à faire voye, en sorte qu'ilz se rendirēt au port de Cartagene la deuxiesme iournée apres leur depart, ou ilz prindrent terre rendans louanges à Dieu, qui les auort conduitz seurement en ce lieu ou la cōpagnie s'arrēta pour passer la nuit. Mais le iour ensuiuant Flores ayant fait mettre en terre, ce que l'Admiral luy auoit donné: feit entendre son arriuee par vn courrier au Roy Fœlix son pere, & à la Roine: les auertissans d'estre chretiens, & que si leur vouloir étoit faire entrée en la Loy chretienne qu'il ne faudroit de leur obeyr cōme filz. Et faisāt le cōtraire, il les auroit en telle reputation qu'on doibt auoir ses mortelz ennemis. Quand le Roy & la Roine d'Espagne furent auertiz que

leur filz étoit arrivé: la tristesse en laquelle ilz s'étoient maintenuz depuis son depart fut totallemēt esloignée de leurs pēses: Mais leur grādeur trouuoit fort étrāge de quitter la Loy & creance: en laquelle, eux & leurs predecesseurs s'étoient nourriz, pour suiure la voye des chretiēs, qui auoit esté prinse par leur filz Flores, voulās complaire auquel, furēt d'accord renōcer Mahō plustost que faire perte du prince leur filz, à la persuation de qui fut conuertye à la Foy de Iesuchrist dans six moys la plus grāde partie d'Espagne. De laquelle fūt accepté prince & vray heritier Flores & en mesme degré Blāchefleur sa femme, qui luy mettant en memoire le Capitaine de la Tour du Caire, il le feit gouverneur d'Espagne: luy faisant épouser Glorisia damoiselle de la princesse Blāchefleur. Et à son hoste Darius, fut donné le gouvernement de Saint Iacques, receuant plaisir indicible, d'auoir fait seruice au prince Flores: le pere & mere duquel, ne tārderent beaucoup à mourir: Au moyē dequoy il fut couronné Roy en Espagne, & eut vn filz de Blāchefleur sa femme (appelé Gordion) qui succeda à la corōne du Royaume, & regna sur les Espaignolz, apres que le Roy Flores son pere fut créé empereur de Romme.

Comme le Prince Flores succeda apres la mort du Roy Fælix son pere, a la couronne du royaume d'Espagne, l'administration duquel fut par luy remise au

prince Gordion son filz, a cause qu'il fut créé Empereur de Romme.

CHAPITRE. XX.



A cruelle Atropos voyant le Roy Fælix & la Royne sa femme en bon état, ne tarda beaucoup de les enuoyer au dernier logis ou ilz auoiēt esleu le repos de leurs corps, iusques au iour que le iuste & souuerain iuge sera assis en iugement pour recompenser vn chacun selon sa vie, en laquelle il sera maintenu & conduit. Ce qui ne fut pas beaucoup agreable au Roy Flores qui receut encores affliction, sur le point qu'on luy presentoit la corōne d'Espagne: Car en vn mesme instant on luy veint apporter nouuelles, que l'Empereur de Romme étoit mort: Auquel par droicteure deuoit heriter la Royne Blāchefleur, comme fille du prince Perse: la mort duquel, étoit occasion que les plus auctorisez de l'Empire se formalisoient les vns contre les autres: Et ne vouloiēt recevoir la Royne Blāchefleur trouuās mauuais que vne femme eust pouoir de commander à tout vn Empire. Et pour cette raison la parcialite étoit entre eux merueilleusemēt grande: Encores qu'apres la mort du Prince Perse, les Rommains se fussent retirez en Espagne, pour rachapter la princesse Topasse, La mort de laquelle leur fut declarée: Au moyen dequoy ilz se mistrent en deuoir ietter hors de captiuité Blāchefleur sa fille. que le Roy Fælix ne

leur voulut bailler, a cause du bon vouloir que Flores son filz auoit enuers elle. Mais quand ces deux loyaux amans eurent eu entieremēt le Royaume d'Espaigne en gouuernemēt six mois apres la mort du Roy Fœlix, ilz prindrent vouloir s'ache-miner à Romme, pour gagner le grād Iubilé: Si esse qu'ilz ne se vou-lurent mettre en chemin, sans être equippez selon leur grandeur, pour en laquelle se maintenir, furēt acō-pagnez de cent cheualiers: avec les-quelz le Roy Flores & Blanchefleur arriuerēt à quatre iournées près de Romme ou le Roy d'Espaigne vou-lut seiourner, pour donner auertis-semēt au Pape, de sa venue: luy sup-pliant treshumblement vouloir cō-māder a ses fourriers, luy faire prepa-rer logis, en lieu ou sa saincteté con-gnoitroit pouuoir tirer plus de plai-sir & de seruice de luy. Le Sainct Pe-re ayāt receu lettres du Roy Flores, cōmāda à ses gens faire deliurer le quartier qui seroit plus agreable aux mareschaux des logis du Roy Flores. Et ce pendār sa saincteté māda que-rir tous les cheualiers & principaux seigneurs de l'Empire, leur faisant entendre & sçauoir, que le Roy Flo-res, d'Espaigne, étoit en chemin pour venir gagner le grand Iubilé: conduisant avec luy la Royne Blan-chefleur sa femme, a qui par droit & raison l'Empire deuoit succeder: & leur persuade qu'ilz eussent à rece-voir le Roy Flores, comme vray sei-gneur de l'Empire. Les Romains

voulans obeir au sainct pere, s'acor-derent d'en vser, ainsi qu'il auoit cō-seillé. Et pour apaiser la diuision & parcialité, qui étoit entre eux, remi-rent leur différent à vn ancien che-uallier, sage au possible s'acordans ne aller au contraire de son ordon-nance, su r peine di la vie. Le cheua-lier, nommé Prosper Colonne, iu-gea pour l'vtilité de l'Empire, la co-ronne appartenir au Roy Flores & à la Royne Blanchefleur sa femme. Au moyen dequoy les habitās de Rom-me les receurent fort magnifique-ment, & en grande triomphe & so-lennité, furent couronnez Flores & Blanchefleur, en la Cité de Romme, ou ilz furent grandement honorez & ayez de tous leurs vassaux. Avec l'ayde desquelz, la Foy de Iesuchrist fut par eux augmētée, & semblable reputation aquisit le Roy Gordion son filz en Espaigne, ou par ses biens faictz il ne rendit moindre gloire de luy à la posterite que feist l'Empe-reur Flores son pere. En la ferme a-mytié, duquel, vo⁹ aperceuāt main-tenir tresuertueux & noble seigneur ie m'etudiray celebrer votre renom-mée, en sorte que la mort & le temps n'aurent aucun pouuoir de la ren-dre etainte & enseue-lye.

F I N.

EGLOGVE FAITTE

A' L'IMITATION DE LA

SECONDE DE VIRGILLE. PAR

PIERRE TREDEHAN,

D'ANGERS.



Vn pastouneau qui Regnault
s'appelloit:

D'ardant amour de Claudine
ne brulloit:

(Laquelle estoit aimée d'un pasteur
Autre que luy) & n'auoit pas ces heur
D'en esperer auoir la iouissance.

Mais pour tascher prendre resiouissance
Faisoit, tout seul, les bois, les mers, les plaines

Chanter en vain ses amoureuses peines,
Disant ainsi: ô cruelle Claudine,
De ton amour suis-je, hélas, tant indigne
Que mes chansons ne vueilles recevoir
Ne veux tu point de moy. pitié auoir?
Tu me feras à la parfin mourir.

Il n'est mouton qui ne voise courir
sous la fresche ombre & qu'il ne s'y re-
craie.

Il n'est Lezard auquel bien fors n'agrée.
D'un buissonnot la fraîche & plaisante ombre
Il n'est berrger, ores qui n'ay grand nombre
De Serpolet, d'Aux fleurans, amasiez
Pour rafraichir les Moissonniers. laissez:
Mais te suiuant au plus brillant Esté
I'en ay iamais en tel repos esté.

Ne seroit il beaucoup meilleur pour
moy,

De m'arrester (chassant d'amour l'amoy).
Et'enforçer quelque haye nouuelle,
Bien que tu sois douce plaisante & belle
Eas! belle las! ne vueil tant t'obliger

De te vouloir en ta beauté fier.

La blanche fleur tombe seiche & fletterie

La Meure noire est, tousiours recueillie

Tu ne me veux, hélas Claudine aimer

Ne quel ie suis, des autres t'informer.

O que bien est, de lait, ma huche pleine

Que de moutons i'ay à la blanche laine?

Quatre cens bœufz, ie lie sous le ioug,

Pour cultiuier mes grandes terres d'

Anion

L'yuer, Esté i'ay tousiours nouveau lait.

Io châte ainsi comme Amphion souloit

Chanter, alors qu'il vouloit s'auencer

Aupres du Mont Aracynthe amasier

Ses grâs Toreaux. Je ne suis trop difforme

N'a pas long temps qu'ay cõtèplé ma forme,

Desus le bord de Loyre, quand le vent

Ne l'aigitoit, ainsi qu'il fait souuent.

Brief ie ne crains, bien que tu en sois inge

Que plus qu'à moy, à Daphnis on adinge

De grand beauté: si iamais ne deçoit

Cela qu'en l'eau, s'y mirant, s'aperçoit.

O plus! à Dieu qu'ores te peust haïtier

Auecques moy sur les chams habiter,

Brenant plaisir en ma loge champêtre,

Et à mener les troupeaux aux chams pai-

rière

Certes à Panon t'acompareroit

Lors que chanter quelc'un t'ecouteroit.

Pan baaté le premier, se me semble

Qui ba cõtjoint plusieurs flustes ensemble

Pan

Pan à garder ne fut onc paresseux
 Petis troupeaux, ne les maistres d'iceux.
 Ne pense pas chose de petit pris
 L'art de fluster: Car pour en estre apris
 Amyntie ba il epergné quelque chose?
 I'ay vne flüte, & affirmer ie t'ose
 Que d'inegaux sept tuyaux de secue
 Composée est: ie l'ay de Damete eue.
 Et dist (mourant) s'ordonne, pour le seur,
 Que tu seras le second possesseur
 De cette flüte, & ainsi ie le veux:
 Se sot Amynte en fut fort enuieux.
 I'ay d'auantage, en vn dangereux val,
 Prins deux Cheureux, en grad peine &
 travail
 Qui ont encor la peau de blanc tachée:
 Par chacun iour est la tette seichée
 De la brebis qui les va alaissant,
 Or Thestylis iceux souhaite, tant
 Qu'a la parfin ilz seront d'elle pris
 Puis que mes dons se sont tant a depris
 Vien - vien à moy, belle ie te supplie,
 Les Nymphes t'ont la corbeille remplie
 De beau lys blanc: Nais la nymphe gète
 Par les iardins est ores diligente
 A recueillir, des fleurs, vn gros paquet
 Pour t'en choisir vn bien fleurant bou-
 quet.
 Et quant à moy, il n'ya nulle sorte
 De nouveau fruit, que moymesme n'a-
 porte
 Il n'y aura Laurier, Mirte, Cypres
 Que ie n'en prenne vn rameau tout ex-
 pres
 Pour t'aporter, car to' trois se me semble,
 Font bonne odeur quant ils sont mis en-
 semble:
 Pauvre Renault, folie te surmonte,
 Car de tes dons Claudine ne tiens route.

Et si tu veux entendre pour donner
 La loia, ne se luyra gaigner.
 Las miserable! or qu'ay-ie prétendu?
 I'ay, tant suis sot, à Auster épandu
 Les belles fleurs: & aux claires fontaines
 Les pourceaux mis, pour les rendre vilai-
 nes.
 Mais que fais-tu ô de sens dèpourueue
 Les Dieux ont bie aussy leur demeure eue
 Dans les forests: Paris Dardain encores.
 Face Palas sa demourance ores
 En tes châteaux: que les forests ramées
 Soiet de par nous sur toutes chose aymées
 La Lyonnesse horrible & furieuse,
 De pourchasser le Loup est curieuse
 Le Loup la Cheure: & la Cheure lascive
 Est de cercher, le Treusle-grand, pensive
 Renault pourchasse, ô Claudine, a gesir
 Auecques toy: Chacun suit son plaisir
 Regarde vn peu: les Bœufs, s'en re-
 tournant,
 Vont leur harnois, pendu au col trainant
 Et le Soleil defaillant, fait paroître
 L'ombre plus grand, qui ia commence à
 croître:
 Amour pourtant me brulle & me con-
 somme,
 Car, en amour, quel remede est en fonte
 Renault, Renault, helas quelle folie
 Je tiens saisy, & si fort ton cueur lie
 Tu bas ta vigne en l'orme tout sueillie
 Faisse à demi: n'eust il pas mieue valo
 Pour notre Usage, vn ouurage entreprè-
 dre
 D'osiers molletz, ou de quelque ionc
 rendre?
 Vne sera de ton amour eprise
 Si ta Claudine encores se meprise.

FIN.

TABLE DES CHAPITRES DV CONTENV

EN CE PRESENT LIVRE.



EN ce premier chapitre, sera conseil, prononcèrent cōtre Blanchefleur
fait mention cōme le prince Chaire. ix.

Perse, nepveu de l'Empereur Comme Flores occit le Senechal dans
de Romme, print son chemin le camp. Chap. x.

à Milan, ou il épousa la princesse Topasse Comme Flores fait retour à Montorio,
fille au Duc de Ferrare. Cha- ou il auoit laissé son gouuerneur. Cha-
pitre premier. pitre. xij.

Cōme le prince Perse, épousa la prin- Comme le premier maistre d'ostel, eut
cesse Topasse, fille au Duc de Ferrare: Et commandement du Roy, d'aller vendre
du grand triomphe qui fust fait dedans la Blanchefleur. Chap. xij.

Citté de Milan. Chap. ij. Comme Flores print la hardiesse d'al-

Cōme le seigneur Perse, la Duchesse ler veoir la sour. Et de ce que luy aduint

Topasse, & le Duc de Millan prindrent Chap. xij.

leur chemin pour aller à Romme trouuer Cōme Flores se decourut au Capitaine

l'Empereur. Chap. iij. & de ce qu'il se presenta faire pour luy

Comme le prince Perse, & Topasse sa Chap. xij.

femme feirent residence dās Romme, & Comme le Capitaine fait mettre Flores

de ce qu'il leur aduint. Cha. iij. dās la corbeille, affin qu'il eust cōmodité

Comme l'Ange s'aparut en dormant à de pouuoir parler à Blanchefleur s'amy

Topasse, & de ce qu'il luy dist. Cha- Chap. xv.

pitre. v.

Comme le Seigneur Perse, & Topasse, sei mis hors de prison pour estre brullez.

rent depart de Romme, pour aller à saint Chap. xv.

Jacques, ou ilz furent prins par les Mores Comme l'Admiral enuoya au Roy d'

Chap. vj. Espagne vn cheualier d'escuyrie. Chapi-

Lettre du Roy Fælix, à la Roïne d'E- tre. xvij.

spaigne sa femme. Cōme Flores & Blāchefleur cōmāde-

Cōme la Roïne d'Espagne, fait grād rēs aux Mathelotz de faire voile: Et de

dueil à cause de la mort de Topasse, à la la fortune qui courut sur mer. Cha. xvij

faueur de qui, elle cōmanda à la nourrisse Cōme Flores print cogé de l'Admiral,

d'estre curieuse, à bien nourrir l'infante & fait depart d'Alexadrie pour aller en

Blanchefleur. Chap. vij. Espagne ou il se fect baptiser. Cha. xix.

Comme Flores & son gouuerneur, a- Cōme le price Flores succeda à la corōne

compaignez de plusieurs cheualiers, lais du Royaume d'Espagne: l'administration

serent la cours du Roy d'Espagne, pour duquel fut par lui remise à son filz a cau-

aller trouuer le Duc de Montorio. Cha- se qu'il fut créé Empereur de Romme.

pitre. viij. Chap. xx.

La sentence que le Roy & ceux de son

FIN.

G

LA COMPLAINTE ET
AVIS, QUE FAIT LVZINDARO
PRINCE D'AETHIOPIE A L'ENCONRE D'A-
MOVR, ET VNE DAME: CONTINVER
IVSQUES A LEVR FIN MISE
DE GREC EN CAS-
TELLIAN

Puis tranſlatee en François, par Iaques Vincent du Creſt
Arnauld en Dauphiné. Aumonier de monſieur
le Conte d'Anguien.

SVR LA TRANSLATION DE LA COM-
PLAINTE, QUE FAIT LVZINDARO, PRINCE
D'AETHIOPIE, CONTRE AMOVR ET
SA DAME.

SONNET
De P. Tredehan d'Angers.

Qui veut au Viſ comprendre la nature
De cil qui eſt de tous humains vainqueur,
De celuy la qui Va perçant le cuer
D'un dard cruel, à toute creature,
Ne cherche point un Tableau, ou peinture,
Ou ſigure, ſoit le char triomphant
De Cupidon, ce trop cruel enfant,
Repreſentant le Viſ de ſa peinture:
Sen Vienne icy qui la voudra ſauoir,
Vincent, à tous la fait connoître & Voir
Sous le ſubiet de cette hiſtoire feinte,
Ou l'Eſpagnol ne ſe plaindra, ainçois
S'ebahira ſe Voir parler François
Si proprement, en faiſant ſa complainte.

TOUT A VN POINT.

PLAINTÉ ET AVIS DVN CHE-
VALIER, NOMME LVZINDARO
A L'ENCONTRE D'AMOVR, ET
S'ADAME, CONTINVEE
IUSQVES A' LEVR FIN.



Nciennemét, la Grece fut
gouuernée par vn Roy
fort ſçauant aux lettres,
lequel auoit vne fille, tât
fort douée de beauté que plusieurs
grans feigneurs, Princes, & Roys,
prindrent volunté, s'acheminer en
la cour de ce Roy: ou, entre les au-
tres, vint le prince Garinaldo filz du
Roy d'Albanie, qui pour la beauté
de la Princeſſe, & deſirât être impri-
mé en ſa bonne grace, feiſt drefſer
ioûtes & tournaiz: & ſ'y maintint
en ſorte que l'infâte eut cōnoiſſâce
de ſa peine. Puis ſ'aſectiōna tellemét
en luy, que la couleur de ſon viſage,
feiſt cōnoître le bon vouloir qu'el-
le portoit au prince d'Albanie. Ce
qui ne peut être celé au Roy, qui
viſitant ſes liures, conneut l'aſectiō
de ces deux amans: & craignât que
ſa fille fuſt deceue par le prince d'
Albanie, temporifia iuſques à ce que
Diane euſt le regne, & gouuernement
du milieu de la Zone qui luy
apartient: Puis ayant fait ſes adiura-
tions, ſignes, & caracteres, entra
en la chambre de l'infante ſa fille: &
l'auoir ſaiſie, & miſe entre ſes bras,
la porta en vn chateau, aſis ſur le
bord de la mer, ioignant le mont
Trafim: Et enchança l'enceinte, en
ſorte qu'on n'y pouuoit entrer

pour voir la princeſſe. Laquelle fut
de laiſſée en certe fortreſſe du Roy
ſon pere, qui ſe rendit auar que le
iour euſt mōtré ſa clarté, en la Cité
principale de ſon Royaume, ſans
que perſonne eut cōnoiſſance de
ſon entrepriſe. Et ſur l'heure que
l'infante étoit coutumiere ſe met-
tre hors du lit: les dames entretē-
ent en ſa chambre pour la voir & a-
couter: Mais quand eltes aperceu-
rent que la princeſſe n'étoit dans ſa
chambre, cōmencerēt à ſe plaindre
fort hautement, ſi que leur cry fut
entendu par ceux du palais, leſquelz
ayāt en cōnoiſſance de leur dueil, fi-
rēt entédre au Roy, la perte de ſa fil-
le. Lequel diſſimulant, & ſaignant
ignorer en quel lieu elle auoit été
conduitte, feiſt depeſcher courriers,
pour auertir les viſes, & chateaux
de frontiere du pais de Grece, & fai-
gnoit qu'un Geant, grand magicien
euſt derobé ſa fille, pour venger la
honte qu'il auoit receue aux ioûtes
leſquelles furent intoninēt rom-
pues, & le palais couuert de drap
noir, en ſigne de triſteſſe: laquelle
aſſailit tellement le Prince d'Alba-
nie, que ſans dire mot à perſonne
viuante, abandonna la cour. Et é-
tre arriué au Royaume d'Albanie
trouua ſon Pere mort: Parquoy cō-

G. 2. mandā

māda faire dueil, à ceux de sa court, à fin de n'être exempts, comme luy, de tristesse. Continuant laquelle, vn gentilhomme qui l'auoit noury fāché de le voir ainsi triste, & croyant que son dueil fust à cause du Roy d'Albanie son pere, se ietta à ses piez, et le pria luy vouloir faire entendre l'ocasion de sa peine, luy faisant promesse d'en porter la moitié. Le Prince Garinaldo, qui portoit amytie au vieil cheualier: lequel l'auoit eleué, se decourut totalēmet à luy : mais pour être experimenté aux ausseux qu'amour fait sentir à ses subietz, ne luy fait aucune remōtrance: ains luy persuada s'en aller au Royaume des Otes, ou il trouueroit la sage Aethelasia, laquelle ne faudroit à luy declarer ce qu'il desiroit. Le prince d'Albanie trouuant bon son conseil, se mit en chemin, acompagné tant seulement d'un seul écuyer, & de son ancien gouverneur : Avec lesquelz il ne tarda beaucoup à se rendre au lieu, ou la sage faisoit residence. Et apres que le prince luy eut fait entendre l'ocasion de son arriuée, elle luy fit vne telle réponce: Prince plein de valeur, l'espoir de voir l'infāte que cerchez, vous est totalement oté: car son esprit ha prins plaisir, abandonner ce monde miserable. L'ameureux passioné, receut au cœur affliction tant grande (entendant parler la sage en cette façō) qu'il demeura presque hors de sentiment. Et sans importuner la magicienne

d'auantage, feit retour en son Royaume d'Albanie: ou il maintint sa vie en dueil & tristesse, à cause de la répōce de la sage Aethelasia: laquelle sceur, par art magique, ou l'infante Meduline (ainsi étoit appelée) Au moyen dequoy se mist en chemin, pour aller au château ou cette princesse auoit été reduitte. Et étant asseurée par signes, oracles, & planettes de la complexion du prince Luzindaro filz du Roy de Aethiopie, qu'elle auoit entre mains: Luy fait voir en dormant, le portrait de la gracieuse infāte Meduline: la beauté de laquelle luy captiua le cœur, en sorte qu'il le feit cueiller en sursaut. Et sans pouuoir prédre aucun repos, attendit la plaisante Aurore pensant receuoir aucun allegement à son arriuée. Mais il se trouua bien fort éloigné de ce qu'il auoit eu en pēsee: Car entendāt le chāt des oyseaux, ébassadeurs du clair Phœbus sa peine & torment commencèrent à l'affliger doublement. Et fut molesté l'espace de aucuns iours, en telle façō que ne pouuant plus endurer, fut contraint cōmuniquer le tout à la sage qu'il auoit en reputation telle, cōme si elle eust été sa mere. Laquelle fit deuoir le consoler, & luy promit de le conduyro au lieu ou cette belle princesse faisoit residence, sous cōdition qu'il ne feroit entrée en sa chambré qu'une fois le iour. Luzindaro entēdāt ce que la sage luy promettoit, se mit à genoux: & luy baisant les mains, pro-

promit & iura n'aller au contraire de son commandement. La sage voyant que se ieune prince auoit delibéré d'aller en lieu tant solitaire, & y demeurer, luy dist qu'elle luy donneroit Agariage son chusin, pour le servir. Dequoy le Prince d'Aethiopie la mercia bien fort, & la pria vouloir donner ordre à son depart: Ce quelle feit. Car leur auoir donné deux anneaux enchâtez, commença ses adurations, en sorte que le Prince & son Ecuyer se trouuerent au chateau de Plaisir, ou étoit l'infante. Puis les auoir acolez par grande amitié, prenant congé d'eux, leur dist que la vertu de leurs deux anneaux les feroit entrer au Chateau, ou la Princesse Medusine étoit, encore qu'il fust enchanté. Le Prince d'Aethiopie & son Ecuyer restèrent merueilleusement affligez, ayant perdu la sage Magicienne: Toutefois le Prince Luzindaro affectionné enuers l'infante Medusine, luy feit mettre en oubly Aethelasia: et quand l'heure qu'il deuoit entrer au chateau fut arriuée. Le prince Aethiopien souhaitant au possible voir sa dame, se lança promptement en la chambre ou elle étoit richement vetue, acorda une harpe, avec laquelle, rendoit vn son tant fort armonieux, que ce bon Cheualier Luzindaro en demeura merueilleusement perturbé. Si est ce qu'il ne delassa à faire ce que le deuoir cōmādoit. Et s'être mis à genoux deuant elle, ietāt soupirs abondamment, se print à dire: Madame, si le

portrait de ta beauté ha eu pouuoir tirer à soy tous mes sentimens: Maintenant l'aveue de ta presence ha meurdri mon cœur, & comme blessé par Cupido, qui n'ha aucune foi, me vié presenter à ta grandeur, afin que mes piteuses plaintes, soient entédues par toy qui n'has aucune seconde en beauté. L'infante Medusine, amoureuse du prince Garinaldo, filz du Roy d'Albanie, feit peu de cas de Luzindaro d'Aethiopie, & sans faire aucune reponce, luy cōmanda de s'oster de sa presence. Si est ce que Cupido ne delassa à la naurer: en sorte qu'elle eut plaisir d'auoir veu la beauté de ce ieune Prince d'Aethiopie. Lequel cōnoissant le terme que la sage magicienne luy auoit ordonné, & s'arétant sur la cruelle reponce que Medusine luy auoit faite (cōme désespéré) sortit, & se plaignant à l'encontre d'amour, se print à dire: Il me fust beaucoup plus profitable, auoir esté souffoqué et étaint, que me voir réduit en peine sans aucune esperance de ioye & plaisir. Helas, Madame, ie ne me plains aucunement de toy: ains de moy, a cause que mon peu de valeur ha incité ta grande beauté à me répondre tant fort rudement. Obien heureux Marcias qui donna le nom d'amour à Cupido, puis t'oublia à l'appeller trompeur. Certainemēt filz de Venus, tu n'has regardé en mon endroit à ce que maints autres promettēt au cōmencement pour faire viure les persones en espoir au lieu

duquel Seigneur, tu m'has acôpag
né de douleur & soucy, sans auoir re
spect que ie suis né pour faire chose
qui te soit agreable. Tu sauois bien,
traître, lors que décochas ta secôde
fleche sur moy, que la premiere étoit
suffisante pour me priuer de vie. Pour
raison de quoy ie treuve mauvais &
suis indigné contre toy qui m'has
fait voir la beauté de ma dame, alors
qu'elle étoit accompagnée de colere
& cruauté. Aucuns fausement te
nomment piteux, mais quant à moy
ie te reputé desloyal, auengle & trô
peur, pere de cruauté, rayons de
douleur, semence de poison, fucille
de cédte, & raniéau d'épine : noms
conformes à ta deloyauté, & qui te
sont beaucoup plus propres que ne
sont ceux, avec lesquels te pensent
faire honneur les personnes, qui
voluntairement s'acostent de toy, te
nommât piteux & debonnaire, Sei
gneur des seigneurs, & Roy des
Rois. Mais voulant aller au cōtraire
de leur volonté, ie t'appelle le plus
desloyal des auengles, portât sur tō
corps vne teste, autāt contagieuse &
pleine de poison, qu'étoit le chef de
Meduse. Certainement ie ne sçay
quel titre te donner : assés tant ne
me te pouuoir assez recompenser
selon ton merite, pour me venger
de toy, ou est enclôsé la boutique de
toute passion : de laquelle sortent
les medecines empoisonnées, qu'es
en coutume donner pour souue
rain remède à ceux qui te demandēt
sepos. O menteur & sans foy, dy
l'esper

moy pour quelle ocaſion tu has au
trefois tāt mal recompensé Philiri
des qui ne cōmit onques de loyauté,
seruat l'espace de neufans sa deesse
Yphedra : laquelle à ta persuasiō s'ar
racha les yeux, puis les enuoya pre
senter à son amāt, qui disoit ne rece
voir autre passon, fors pour le gra
cieux regard de ses yeux. Que me
diras tu de Philes & du malheur
que tu luy procuras à cause de sa
dame? N'has tu pas vsé d'un sem
blable traitement enuers le iouuē
teau Iphis, qui se trouua et adu ioi
gnant la porte de l'amie Anaxarete.
Dy moy encore quel payement tu
has donné à la tāt renommée & mi
serable Didon? O cruel et souuerain
dieu de la cruauté, regarde que feit
à ta faueur le Roy Therēus ton sem
blable en malice? Et si tu n'es con
tent, penses au malheur qu'a ton o
caſion fut perpetré par la femme
Progne, qui preferant l'amitié qu'
elle portoit à Philomena sa sœur (à
toute autre chose) feit menger son
filz Iris à son mary. Voy que The
seus feit pour Frōmena à ta per
suasiō : Et regarde semblablement
la recompense qu'eut Phedra : la
quelle fut transformée en pierre
pour l'amitié qu'elle portoit à son
bien aymé Hypolite. Je ne te veux,
desloyal Amour, conuaincre d'auā
tage par exemples : pour ne vouloir
ahōrir celuy qui ha eu pouuoir sur
les plus renômés de l'vniuers. Cer
tainement t'aperçoy maintenāt que
me suis oublié grandement : Car tāt
plus

plus ie me trauaillé à te faire honte, plus ie te voy ietter bois en mes cruelles fournaïses, embrasées totalement du feu d'Amour, qui par sa vapeur, fait distiller & mettre hors de mes petis yeux la douceur, laquelle (étant mort comme ie suis) me rend la vie: De laquelle doiuent perperuellement ioyr, ceux qui sont dignes con templer la diuine face de madame. Côté la rigueur de laquelle, n'ay aucun pouuoir me douloir & plaindre encore que soye molesté, sans aucune occasion. Le mal qui procedé à cause de mon amitié, est tât fort contraire à l'esperance que ie pretés, que l'industrie par moy cerchée, préd tel auantage sur moy, que ma plume redra témoignage de l'affliction desesperée que ie souffre à présent: desespoir qui s'est logé en mon cœur, pour me faire amender la faute qu'ay commise, prenât la hardiesse me presenter deuant les yeux de ma Dame: laquelle ha voulu user de rigueur, sans me vouloir dōner aucun allegement, qu'elle veut reseruer à quelque autre plus heureux que moy, qui sceleray ma peine avec ma foy: laquelle est la principale arme qui reside le plus en mon cœur, pour me soutenir contre l'assault que m'ha liuré celle que ie merite par sur tous, excepté le sans-perlocates, le prime estimé entre les amans. Ha, ha, ha, peu fortuné de moy, qui ne puis mettre fin à ma complainte, & mesmement me trauaille d'outrager celui, qui peut remedier à ma peine, & acroître ma

gloire! Ha peu fortuné Cheuallier, qui voyant le mal qui te suit, ne has pouuoir de cesser ta plainte, laquelle toutefois est fondée en raison, puis que ce cruel seigneur Amour m'ha recompensé état à sa suite d'un tel paiment qu'il feist autrefois à Myrrha, laquelle éprise de l'amitié de son pere trouua les laqs tenduz, qui donnerent fin à sa vie. O piteuse Venus, nourrice de cette peu heureuse Myrrha, en pensant remedier à sa passion pour luy sauuer la vie, as été occasion-la faire tomber en perperuelle mort: & mesmement la faisant coucher avec son pere, qui ayant eu connoissance du fait, ne cessa prochasser sa fille iusques à ce qu'elle fut conuertie en arbre de telle connoissance qu'il ne cesse plorer sa faute. O infidelle filz de Cytherée, il me semble que la cruauté tiene, montrée sur Pelopea & son pere Thiestes, te deuoit contenter, sans prédre plaisir me molester beaucoup plus grieuement, que n'has encorés fait personne viuante. O Pandion le tourment, qu'has souffert, ne se peut aprocher aucunement du mié: O Diomedes O Agaménon votre passion n'est semblable à la mienne: Car encore qu'on vous ayt oté voz femmes & puis après la vie à leur occasion: Si n'avez vous puissance vous éгалer à moy, qui en viuant meurs deux mille fois le iour. O Egiola & Cliternestra, la cruauté qu'avez usée contre voz marys, ne peut être aucune ment

ment paragonnée à celle de ma Dame: ioint aulli qu'auiez quelque raison, veu que vtz marys demeurèrent long temps sans vous venir voir: mais ma Dame voulant porter nom de cruelle, vſe enuers moy de rigueur: au moyen dequoy ie ne puis viure en repos. Et encore que ie me veille cōſoler avec l'infortuné Appollō, affligé à cauſe de ſa bié aimée Daphné, il n'eſt en ma puissance d'apaier ma langueur, pour ce que ma douleur eſt beaucoup plus mortelle que la ſiente. Car il luy étoit permis voir ſa dame, de loing ſans la pouuoir ataindre, & moy qui en ſuis aprouché, ſuis arriué au lieu ou ie ne faudray à me ruiner & perdre. Si Apollon auoit eſpoir ioy de ſes amours, etant arriué auprès de ſa Dame: l'ay opinion contraire à la ſienne, & par experiēce, preuoy que m'ētre rendu au pres de ma Dame, ſeray chasé plus rigoreuſemēt que ne fut Fereon de ſa ſeur Aſtocasia. L'aperçoy bien que tant plus ie continue ma plainte, plus ſe augmente la gloire de ma peine. & mētement ſouffrant ennuy, par celle qui excède par trop la beaute renommée de la damoiſelle, par qui fut autrefois en peine le ſouuerain Poete Aleman, premier inuentour des chāſons amoureuſes. O Amour puis que tu has eu agreable, de me prendre en tes laqz ie te ſuplie me vouloir rēdre en liberté puis tourne decocher ta fleche enuimēce cōtre moy. Le voy bien q'n'has le cœur

d'oſer ſatis faire à mon vouloir craignant que celuy qui ha cōnoifſance de ta malice, face refus ſe tourner rēdre à ta mercy. Il me ſēble que cette ſoubçon ne te doit retarder. Car m'has logé, & mis en lieu que ie deſire peiner & trauailler, pour auoir meil leur ocaſion me plaindre, de celle contre qui ie me plains. O deloyal tu me veux traitter ainſi qu'has voulu faire autrefois le grand Demostene frequentant Thais, lequel à la fin te recompēça en cette façon, vſant d'un tel langage enuers Iupiter. O ſouuerain Dieu! ie n'achate ſi chèrement vn repētir: Regarde deloyal Cupidon, comme Thais faiſant cas de la beaurté qui l'accompaignoit, ſe mit en pris pour être vendu: certainement pour donner allegement à mon cœur, ie ſuis content acheter ta faueur, afin d'être retenu ſeruiteur de ma dame, & le pris que ie te veux offrir comme parfait amāt, eſt mon cœur, acōpaigné de la vie que veux expoſer pour te faire ſeruiteur: encōre ie te preſente mes yeux, pour arouſer ton deſir: ma bouche pour chanter tes louāges: mon eſtomach, pour loger tes ardātes fournaifſes: ma penſée, afin que plus ſubtilement ta gloire ſente le mal que ſeuſſrēt ceux qui te ſeruent avec loyauté: ma memoire, pour ne mettre en oubly les trauaux qui ſuiuēt tes ſoldatz: & veux laifſer en liberté mon entendement, pour auoir commodité de pouuoir ſentir la cruauté, de laquelle ma dame vſe enuers moy cōtre le deuoir. Ha infidel

inſidelle tu te môtres ingrat enuers moy qui ſuis fait, ſemblable à la Salemandre, me nourriſſant du feu qui procède de mon affection, & y ſuis tellement acoutumé que peu me ſert d'imiter la couſtume du Cameleon : Car tant plus le frais entre & paſſe par mes entrailles, tâ plus ma peine ſe trouue embrasée. Je loue grandement l'apophthegme & dict d'un ſçauant Philoſophe diſant, que mal aiſement l'homme ſe peult retirer & mettre hors d'une coutume, en laquelle il ſe fera exercité, encore qu'il ſe ſoit trouué mainteſois en danger. Certainement cette ſentence ha été écrite pour me donner exemple, & me faire voir que ſuis reduit dans un labyrinthe embrasé & couuert de flammes, ſans penſer & auoir recours au remede, voulant chercher lequel, ſuis reduitte en telle extremité, que prenât plaſir d'aînſi finer ma vie, & penſant en ma Dame, me prens à dire. O claire lumiere de mes yeux, ie vous prie vouloir prêter pitié de moy, & ne trouuer mauuais ſi j'ay prins la hardieſſe d'entrer en votre châtre, ſans penſer ne auoir aucun reſpect à votre grande beauté. Regardez ma Dame que le createur de l'univers ha agreable la repétence de celuy qui l'a offencé. J'ay opinion que la rigueur que j'ay veue en vous, ſoit procedée de Cupido pour exercer ſon ancienne coutume, & en moleſter celuy qui ha été reduit en captiuité prenant con-

tentement auéc laquelle, & voullât donner quelque alegement à mes fâcheux ennuyz. Je veux chanter ce qu'autrefois ha été écrit par un Amoureux, attain des ſaiettes d'Amour, diſant:

*En vous ie contemple & adoe
Tout leſpoir de ma foi,
Tu fuſ mon bien ma Dame encore
Des ce iour que voulu enclorre
Tant mon amour en toy
Si bien que ne ſçay ny ſçauray
Comme eſt ma liberté
Pource que tousiours ie ſeray
Prins de votre beauté.*

HA! captif ſans aucun eſpoir de remede: le ne treuve plus grâde cōſolation, qu'a me plaindre de celui qui eſt cauſe de ma douleur. Quelle excuſe, & cruel Amour, me pouras tu donner pour te purger de ce qu'a ta perſuaſion feit la peruerſe Sylla, fille du Roy Niſus: qui étant aſſiegée du Roi Minos, de Crete: monta un iour ſur le coupeau d'une haute tour: & aperceuant la beauté de ce Roy, fut tellement éguillonée, que n'ayant pouuoir reſiſter contre toy: coupâ la teſte à ſon pere, & la préſenta au Roy Minos: Duquel elle fut mépriſée, faiſant bien connoitre à ceulx qui te connoiſſent, qu'on ne doit fonder aſſeurance ſur tes vaines promeſſes. O renommée Lucreſe tu auois iuſte ocaſion te plaindre lors que ta bouche proferoit: O ſuperbe Tarquin prince treſexcellent

cellent: Ie te prie vouloir regarder qu'amour laïcif (te promettant vne gloire qui ne merite être ainſi appellée) ne te face ſentir deux mille douleurs. Certainement ta parolle fagement proferée, te fait eſtimer la premiere qu'on doit mettre au rāg des Dames chaſtes & pudiques. O Amour: ton malheur eſt ſi grand & pernicieux, que ceux qui te ſuyuent ne ſe peuuent éloigner de toy, à qui ie prie vouloir continuer cōtre moy ta rigueur acoutumée, & maintenir ma Dame en ſa façon de faire, a fin que puiſſe chanter ce qu'ha fait autrefois Macias le trefrenommé Amoureux, diſant:

*D'amour j'ay eu la courōne amoureuse
Afin que fuſt plus mon nom renommé
Plus fort alors mon mal ſeſt animé
Quand me plaiſoit ſa peine doreuſe:*

IE ſuis content pour mieux meriter d'être recōpenſé de mes travaux, prédre cōtètement des meſ ennuiz, la perte deſquelz, n'eſt aucunement par moy eſperée, & n'ay autre remede, fors m'appeler (comme encore maintenant ie me nomme) le Sepulchre ou eſt encloſe la mine de paſſion: & dans lequel eſt enſeuely le parfait ſeruice du plus loyal amant qui ha onques été, ne ſera: voulant bien prendre cette auanta-ge, veu que ceulx, leſquelz ſont en

vie, & les autres qui m'ont précédé n'ont obſervé la moitié des loix, qu'un parfait Amant doit garder. Si eſt ce que ma Déeſſe & Dame, n'en fait eſtime quelconque: ains m'ha en contennement & mépris, à la perſuaſion de toy faux & déloyal Cupidon, à qui ie demande pourquoy vne Dame, receuant ſeruice d'un gentilhomme honnête, ſe reioyſt & prent plaifir de le tourmēter ſur le point qu'elle le doit recompēſer. Pluſieurs Amās bleſſez, par foy diſent, qu'ayans étez fauoriſez de la bouche, le dernier point leur eſt oſtroyé, encore que pluſieurs Dames ſoient contraires à leur opinion. O Roy ſans aucune fidelité puis que tu prens plaifir à me moleſter, ie ne delaifferay à te faire entendre ce que pluſieurs mettent en auant: diſant, que par faute d'entēdre, & connoitre la complexion de leurs Dames, ilz ne les ſcauent ſervir, à leur volonté. Ie ne me veux appeller parfait en amitié ne preſumer d'auoir l'entendement meilleur que ceux qui de tes fleches ont été ataintes: mais ie me veux bien aſſeurer, & nōmer le plus bleſſé de tous les humains & armé de cette raiſon ie dy qu'ay fort bien entendu ma Dame & conneu qu'elle veut dōner fin à ma vie, a fin que mon cueur qui eſt ſien ſoit ſacrifié, & qu'elle ſe puiſſe vanter d'auoir occis celui à qui elle pouroit dōner la vie qu'elle ne m'ha voulu laiſſer pour entre tenue & appelée autant cruelle
comme

comme ha esté Medée, qui embrasa Créon & sa fille Clauca: Et occist ses enfans apres qu'elle eut esté chassée par Iason, que ie veux abâdonner pour vous asseurer: ô ma Royne & princesse! que votre beauré ha meurdri mes sentimés, ha oté la parole à mon desir: Au moyé dequoy ie suis affligé doublement, & tant plus ie m'étudie éloigner l'amitié, tât plus fort ie me trouue en fermé en cruelle prison etonné au possible quand ie pense en toy ô cruel Amour qui donne esperance de repos à ceux qui sont par toy bleffez: Mais ma Dame me paist & nourrist de trauaux, tourmens, & ennuy. Et se met en deuoir de me faire mourir, a fin que ie viue en repos: Au moyé dequoy ma Dame se doit appeller Amour parfaite: tout ainsi que ie la nomme maintenant. Dy moy infidelle trompeur qu'has en pensée faire de moy qui t'ay suivi & acôpagné si lōg temps? Tu me feras reponce qu'has intention éloigner de moy le tourment qui me fait compagnie: Ce que ie ne croiray, à cause qu'has enduré que i'ay esté meprisé de ma Dame, pour recompense de l'ennuy qu'ay enduré portant les armes, soubz ta charge & conduite. O Dame de mon cueur, pourquoi veux tu viure avec moy, ainsi que fait Cadmus avec Bibilis sa seur, méprisât laquelle, abandonna le palais de son pere pour se éloigner d'elle, qui voulât faire preuue de sa fermeté, tout

ainsi que i'ay fait & veux continuer suiuit son frere, iusques a ce que les dieux regretans son dueil la conuertirent en fontaine, ou les parfaits Amans prennent plaisir se baigner et lauer. Il me semble, ma Dame, qu'ayant prins l'auantage de m'égaller à elle, & qu'apres toy vois disant mes passions, que ne faudray à deuenir fontaine, & transformé en cette façon appelleray ma Dame & faisant cōpagnie à Bibilis luy feray entēdre la cruauté grande de laquelle vse enuers moy ma Déesse & Dame, qui ha pouuoir vaincre le dieu des Amoureux. L'heure en laquelle luy étoit permis entrer au château pour voir sa dame n'eut plus tost sonné qu'il ne faillit prendre son chemin en la chambre de Medusine & connoissant aux soupirs amoureux, qu'elle faisoit, que sa presence l'auoit aucunement émeue: Se meit à genoux & luy baisa ses blanches & delicates mains. Puis voiât au visage de la princesse, qu'elle n'auoit agreable sa temerité se leua tout incontinent, & acompagné de regret indicible, sortit, vsant d'un tel langage: O déloyal Amour, qui pour me deceuoir has enduré les mains precieuses de ma Dame être par moy baisées, pour me rendre plus affligé perdât cette faueur. Si ne laisseray-je pour toy à me vanter, que ma peine ha esté suffisante d'allumer le feu qui me rend embrasé & ne sera étaint iusques à ce que tu m' auras conduit en

Plus grande perplexité. Attendant laquelle, pour plus donner lustre à ma peine receüe, le diray.

*Mon sort soit dit à vn chacun,
Declarer mon grand detrimēt
A l'egal de mon dur tourment
Endurant sans espoir aucun.*

PVis m'estimeray par dessus tout autre, pour autant que si aucuns aiment & ont aimé, l'espoir que tu leur has offert & présenté les ha affectionnez: Toutesfois ie ne me puis louer de toy. Car tant plus ie fay mon deuoir de seruir ma Dame tant moins d'esperance tu me presentes pour me donner moyen d'ataindre au point ou l'aspire pour ma felicité non pas pour la suffisace de mes merites, ains pour autant que suis totalement à elle. Au seruice de laquelle, veux consommer ma tendre ieunesse, sans en esperer autre fruit, que de me pouuoir vanter sur la fin de mes iours, que ie meurs pour la plus gracieuse & vertueuse Dame qui soit encore née. Et tandis que cette volūtaire peine m'accompagnera, continueray ma plainte contre Amour vsant d'un tel langage.

*O moy par trop desfortuné!
De dire suis contrainct
Que Cupidon l'aueugle né
De son dard par trop empené
M'a rudement ataint.*

CE pendant que viuray en cette façon, comme conuoiteurs de

louange & gloire, confesseray auoir esté par toy ataint, à cause de la premiere & plus excellente Dame, que peintre, tant ancien soit il, ait sceu portraire pour avec artifice la rendre agreable. Et croy certainement & assure pour verité, que le grand Apelles n'a onques tiré figure, excédant en beauté celle qui est imprimée en mon cœur: lequel ne se peut louer de ta cruauté, veu qu'il treuue vne fin fort contraire aux promesses, qui par toy me furēt faittes au commencement. Je n'ay occasiō, toutefois, me plaindre de celuy qui m'a donné cœur de me nōmer amy de celle, qui par ses vertuz merite être serui de tous les mortelz. Certainemēt Amphio premier inuenteur de Musique, eust eu raison se douloir, & regretter son infortune, s'il eust veu ma dame: Car il eût aperceu vne extremité contraire à la sienne qui estoit bâtir & construire avec la douceur de la Musique, les murs excédans la hauteur de ceux de Thebes: l'amitié desquelz luyfeist proferer, ainsi qu'il sortoit d'auoir forgé la mort. Mais tout ce que ie metz en auant, ne peut aucunement interesser ma Dame, qui avec la douceur de sa face ha fondé en mon triste cœur vn mur de foy, de plus longue durce que ceux de Thebes Et apres qu'elle ha eu donné fin à l'edifice, aucun s'est auancé, disant qu'elle auoit formé ma mort & si gloire: Et fait etandre vn retz avec lequel mon cœur seroit prins

& detenu en prison tant qu'il plairait à celle qui ha eu pouuoir captiuer mon cœur. Je ne me puis tenir de donner louange au grand Tubal excellent Musicien s'étudiant à decorer en toute perfection. Melia sa dame, assurant que elle excédoit en beauté toutes les femmes de la terre. Dequoy, Amour, tu ne dois être réduit en admiration: Car ie croy & assure que Tubal en devoit parler de ma Dame l'insante Medusine: Laquelle surpasse non tant-seulement (en beauté) celles de notre temps, ains excède les femmes qui naitrôt iusques au dernier iour: pour raison dequoy ie reçois contentement indicible, souffrant à cause de sa rare beauté. Et sans être esquiné & n'induisant aucū à l'être veux chanter au son de mes douleurs la plainte de mon cœur douloureux eisant en cete façon.

*Jamais amour ne me doit consoler
Espérance de telle sorte,
Parquoy mon cuer ha peu sentir
Vostre douleur plus vive & forte
Qu'aux autres il n'ha fait sentir.*

PVIS qu'il est ainsi, que ie sceusse volontairement comme vous le voyez, aucun ne se doit émerveiller si mon visage montre être chargé d'une telle couleur qui doit accompagner ceux lesquels sont passionnez à cause de celle à qui par gaieté de cœur veulent faire service: soit ainsi que chose ne se peut égaler à mon

mal & gloire, y étant prouoqué par celle qui par sa hauteur me redindigne de lameriter: & me fais accroire (tant ie suis hors d'espoir) que celui qui la doit avoir en mariage, n'est écores né. Quelle consolation doit donc prendre une personne de tant peu de merite que moy & mesmemet en le droit de ma Dame: Je ne treuve plus grand remède pour moy que me consoler avec plusieurs exemples que j'ay leu & veu que personnes de grand autorité ont voulu abaisser leur état, & eforcez d'Amour ont obey à maintes personnes, lesquelles n'étoient de leur qualité. Toutesfois me voulant armer d'eux on me dira qu'ilz étoient mortelz, ou au contraire ma Dame: qui est accompagnée de beauté, de sçavoir & grace doit estre estimée & venerée en telle façon, que le dieu d'Amour n'est suffisant de se égaler à elle; les rebaissant yeux de laquelle excédas l'aspect & regard du Basileuscausant mortelle maladie aux humains; me redent indigne de châtier la louange, que les blessez par Cupidon, doiuent, pour célébrer le nom de la Dame du pauvre Luzindaro, qui ne s'osant nōmer pour n'être à soy, ains de sa Dame aueuse s'estimer le plus heureux de l'univers receuant gloire mourir pour la seule sans per en beauté. Continuant de louer sa Dame entendit chanter si doucement qu'il le feu qui étoit enclos en son cuer, commença à croître, & l'incita entrer en un verger. Mais ainsi qu'il se promenoit

menoit contentant ses yeux, qui s'étoient arrettez sur la diuersité des fleurs, roses & cypres qui paroissoient dans ce iardin, aperceut sa Dame en vne Galerie, acordant sa douce voix, au son d'une trompe que elle tenoit en sa main, dequoy il demeura rauy, en sorte que sans se mouuoir aucunement pour mieux l'écouter, s'endormit au son d'une si grande melodie. La Dame aperceuant le parfait amant ainsi acourré donna fin à son chant, puis se retira. Et quand Luzindaro se fut eueillé, voyant que sa Dame auoit abandonné la gallerie, demeura tellement affligé qu'il sortit du verger sans vouloir aucunement entrer en sa chambre tât il étoit desespéré. Mais sentât approcher l'heure en laquelle lui étoit permis aller voir sa Dame, comença à reprédré cœur. Et s'estre rendu au lieu ou elle s'étoit retirée, la trouua au mesme état qu'il auoit acourumé Et se mettant en deuoir pour la mettre en propos, entendit fort grand bruit parmi le château, puis aperceut entrer vn grand feu par les fenestres de la chambre, qui l'estre mis au milieu de ses deux amans sortit incontinant par la mesme fenestre dequoy Luzindaro & Medusine furent aucunement perturbéz. Et étât reduiz en cette frayeur aperceurent au lieu ou le feu étoit posé, vn parchemin auquel estoit pendant vn seel de fin or. La gracieuse Dame fut la premiere qui le saisit: & l'auoir ouuert trouua

dedans que son pere étoit mort, de quoy son cueur receut affliction tât grande, que ses reluyfans yeux comencerét à larmyocer. Luzindaro la voyant ainsi lamenter luy dict que la grand sage Actelasia sa mere auoit enuoyé cette lettre. La princeesse Medusine soupriant le pria se vouloir retirer. Et qu'il ne print dorénavant la hardiesse de se montrer à elle s'il auoit desir de garder sa vie. Et apres que elle eut donné fin à son langage, sortit de la chambre, et entra dans vne autre abâdonnât le triste amoureux, qui acompagné de regret & douleur, se print à dire: Madame, ie supply dieu me vouloir conduire, en sorte que ma presence ne vous puisse causer ennuy. Puis en plorant print vne violle, au son de laquelle se print à chanter en cette façon.

*Puis que raison consens
Le mal qui me tormente,
Sensir mon cueur poursant
Puisque mon mal esend
Sus mon ame sa tante:*

*Raison est qu'en luy sois
Le bien de ma douleur,
Bien si grand qu'il cessoit
De mon mal la rigueur
Quand plus fort il croissoit.*

IE me pouuoys tenir & reputer le plus heureux entre les amâs, puis que ma Dame auoit entendu ma com-

complainte: si le cruel amour, duquel ie me plains ne m'eust encore assailli. Et pour me donner le bond permit qu'on feist entendre à ma Dame aucunes nouuelles: par le moyen desquelles mon bien fut obscurcy & ma peine doublée. Car ma Dame me laissant en la captiuité en laquelle sa beauté m'auoit réduit, commença à faire couler le long de ses ioues larmes, representans perles orientales excédans en blancheur la clarté du Soleil. Au moyen dequoy mon entendement aperceuant ma seule Déesse se doubloir fut réduit hors de sentiment. Mais quand ie me fu recongnu ie trouueray qu'elle se plaignoit contre quelc'un; Mais faisant mon deuoir pour écouter si ie pouroy cōnoître d'où luy procedoit si grāde tristesse trouuay qu'elle m'auoit abandonné parquoy voulant sçauoir qui l'auoit incité. Le trouuay qu'amour ialous d'un si grand bien l'auoit prouoquée à ce faire pour ne me laisser iouir de sa presēce. O pervers & de loyal ie souhaiteroy au possible que ce que i'ay dit contre toy me peust profiter. Viença dy moy qui est celui qui t'ha aussi mauuaisement traité que moy? Certainement ie croy que n'en sçauois montrer vn: Car iamais tien subiet par toy blesé cōme vassal n'ha eu l'occasion d'ainsi te iriter comme i'ay fait: pour autant que le subiet de luy ne se pouuoit calibrer au merite du miē. Mais pourquoy me trauaillay-ie d'

entrer en dispute avec toy, puis que suis aduer ty que ta furie ne peut estre asubiettie à ma raison? Ioint aussi que suis asseuré ne estre suffisant pour ce faire: Toutefois ie prenent contentement, te faisant connoître que mon vouloir est, triuer contre les œuvres, tant fort éloignées de raison. O douceur de ma pensée, tu reconois mal la peine que i'endure en mon cœur, qui ne souhaite autre bien, que porter vne partie de ton affliction. Certainement, ma Dame, vous deuries tenir & ensuire la nature du Lion: lequel donne vne partie de ce qu'il prent. Et fassât ainsi, votre beauté seroit departie à celui qui en desire la ioyssance, & compagné de bone volonté, la demande. Je vous assure, ma Déesse auoir plus de crainte de votre colere, procedant à l'ocasion de votre peine, que ie m'ay du Roy qui ha domination sur ceux qui habitent au fons du dernier Centre, où la claire lumiere ha entré, pour chasser les obscures tenebres. Et tout ainsi que Palimur ou Caron disent, que toutes choses mettent ce Roy en crainte, d'autant à cette heure tréblemment de terre, & soudainement apres tréble, que la clarté du Soleil s'acq'entree en son Royaume. En semblable perplexité: ma Dame, ie suis par toy conduit & ay peur que ta fureur entre dās mō estomac pour deloger le penser hautain qui s'y est enfermé. O Amour, ie ne crains de toy autre chose, fors qu'entre par
toy

toy priué de vie , laquelle ie tiédrai
pour bien employee, si elle me veut
atandonner, pour donner plaisir &
contentemét à la Deesse de beauté
pour l'honneur de laquelle ie feray
à celui qui se voudra interroguer
de ma peine, vne telle réponce.

*Ie n'atens point remission,
Rien ne me peut aparter aise,
Car tant peu la perfection
Dessins ma grande passion
Que de soy-mesme elle s'apaise*

*Ie doy bien souffrir telle peine
Encore que mil' erreurs m'apporte,
Car la recompense est trop pleine
Remettant passion tant forte
En moy de si petite sorte.*

O Amants ie vous prie vouloir
croire, que mon langage est fo-
de en raison. Et vous assurez que
ce que ie dy procede du merite
de celle à qui ie suis tant fort af-
fectionné, que personne n'a pou-
voir de se parangoner à moy: & en-
core moins egaller à ma gloire. Car
ie sens en moy torment & ioye,
deux choses grandemét extrêmes.
Ha! fauteur de soy Cupidon tu m'
has voulu priuer & bannir de la
veue de ma mieux aimée & plus
que fauorité Dame, pour te mon-
trer totalement ennemy cōtre moy,
qui me retirera au mont Tarsin, ou
ie me plaindray de ce qu'à ton oca-
sion le repos s'est de moy absenté.

Et ce faisant ie presteraý obeissance
au commandement de ma Dame, &
voulant accomplir mon desir, & sa
volunté: Formeray ma plainte en
cette maniere.

*Si à mes plus haultains cris
Vous faistes la sourde oreille,
Et outre ce, si ne puis
De ma plainte non pareille
Te mouuoir (comme has appris)
Amour qui est enchanteur,
Deceus se pourra bien voir
Et seras, pour me donloir,
Aux laqs d'Amour le trompeur
Loing de vous, en son pouuoir.*

PAssant mes ennuis, ma Dame,
en la sorte que ie vous dy, j'aurai
ocasión plus grãde de faire p lainte cō-
tre Amour, & votre beauté, laquel-
lene fut si tost par moy aperceüe
que ie fu abandonné de repos.
Que di-je? iamais ce peruers Cupi-
don n'ha vře enuirs moi de l'honné-
tété avec laquelle il est en courume
caresser ses autres subiets: Car com-
munement voyant deux captifs, il
en blesse vn, & lance sa fleche dorée
contre l'autre, pour luy dōner aucu-
ne recōpence: Avec laquelle il puiř
se plus facilement porter sa passion.
Mais encore que ma Dame ait été
atainte de faiette dorée: Si ne laisse
elle à tormenter mon cœur: En sor-
te qu'àcompagné d'incrudulité ie
prendray l'auantage de parler con-
tre l'aueugle amy de Siches.

Amour:

*Amour croire ie ne puis
Que d'une mesme fuyette
Tu as peu rendre subiette
Celle, a qui prisonnier suis
Indigne, mais il te haitte:
Elle qui, comme par droit,
Tient mon ame à sa merci,
Luy ôtera tout souci:
(Quand l'ocasion viendrait)
A mon triste cuer aussi.*

Si est ainsi, bié, heureux me pourray appeller, aiant aquis la grace d'estre receu par ma Dame. Mais craignant les bastonnades que fortune m'ha fait autrefois sentir ie ne pense paruenir à si grande felicité. Ce bon cheualier n'eut plus tost donné fin à sa complainte qu'il tomba pâmé entre les bras de Gariage son escuyer, lequel se print à plaindre fort hautement. Et apres qu'il eut soupiré l'infortune succedée à son maitre quelque espace de temps. Ce parfait amoureux commença à se resentir & faisant sortir hors du creux de son estomac, surpris en abondance, les larmes à l'entour de ses yeux, acompagné de son Ecuier sortit du Château. Et s'estre rendu sur le bord de l'eau qui passoit à l'entour de cette enchantée maison, se meit dans vne Barque cachée & couuerte de certains rameaux ou en soupirant commença à se plaindre disant ainsi: O Amour, qui t'ha prouoqué à déployer ta fureur contre moy, me priuant non tant seulement de ma Dame: ains me reduisant en telle extremité, que ie ne

cherche aucun remede pour garder ma vie voiât la mer indignée cōtre moy. O serpens maritimes, & vous furieux poissons, sortez, sortez hardiment pour vous rassasier de celuy que le cruel amour ha voulu prouer d'heureuse fortune. A peine la complainte eut été acheuée qu'un bruit s'éleua tant fort grād sur la mer que les furieuses vagues sembloient communiquer avec le Ciel tant fort les vés cōtrarians les vns aux autres rédoient enflée la furieuse & braue mer. De laquelle sortit vn furieux Daulphin, qui ayant saisi le peu fortuné Amoureux fait retour dās leau faisant si grand bruit, qu'avec l'aide de maints autres qui le suiuint, la barque & l'écuyer furent mis en terre. Et eut ce bon seruiteur cōmodité d'aller faire sçauoir la perte de Luzidaro à sa dame Medusine, que ie veux abandonner pour faire retour au Daulphin, Lequel tenant saisi le ferme amoureux se print à monter, en sorte que tout à vn coup l'amant se trouua dās vn riche Palais, decoré de maintes histoires fort atiques, tenāt acolée au lieu du Dauphin vne fort belle dame & l'auoir reconeüe, à voix basse & tremblante, commença à luy dire: O Astelasia dame du sçauoir qui t'ha incitée me faire quitter le chemin de moy tant souhaitte? Le se prie souffrir que aille chercher celle qui entendra mes cōplaintes encoré que ie n'aye ocasiō me douloir d'elle. Ce dit, tomba sans aucun sentiment entre les bras de

la sage tant renommée laquelle eut pitié de luy. Et n'ayant mis en oubli le bon vouloir qu'autrefois auoit porté à Brutalant assée de la facherie que reçoit celuy de qui on ne reconnoit l'amitié: meit hors de sa manche vne fiole pleine d'eau fort odoriferante, & en auoir mis dans sa bouche quelque quantité, arrousa la face du loyal amant, qui reuint à soy sans pouuoir dire vn seul mot. Au moyen dequoy la sage Achelasia le feit sortir hors du palais: Et passant par vne porte qui sembloit estre de Cristal, par vn degré qui paroissoit laspe naturel monterent en vne tour, où chatoïent plusieurs oyseaux, & au milieu d'icelle trouuerent vn echafaut sur lequel aperceumes le corps & la face d'un homme. La figure duquel nous sembla plus qu'humaine: Car regardant en bas montrant semblable seuerité en la face que fait Cupidon, étoit vetue d'une robe ceinte: Sur laquelle paroïssoient fleches, l'arc & la trouffe: & à l'entour vn rouleau incarnat, sur lequel étoit escrit le nom de Cupidon. La robe étoit de couleur grisée: faisant démonstration du contentement qui l'accompagnoit. Vn peu plus haut vîmes vne autre figure vetue d'une robe de toille d'or rouge. Sur laquelle aperceumes en lettres grecques le nom de Repos, qui ha pouuoir se faire obeir à Cupidon. Quand la sage eut réduit l'Amant en ce lieu, elle ne tarda à sortir sans y laisser aucune aparce

de porte ne autre singularité, fors les deux portraites de Cupidon et de Repos. L'amoureux loyal se voyant abandonné de la sage qui l'auoit nourri conneut fort bien qu'il étoit d'as le château du mōt Tarfin. Apres qu'il eut eu connoissance des portrais qui se presentoient deuant ses yeux, accompagné d'assée de forte grande l'aprocha de Repos: & formant sa complainte contre Cupidon, se print à dire. Je me puis nōmer le plus heureux & riche de tous les humains, puis que sans auoir enduré grand trauail, ay troué ce que tant i'auoy desiré. Parquoy seigneur dōne moy congé & tu entendras ma passion & par mesme moyen la plainte que veux faire contre celuy qui est à tes piez cōme ne pouuant aller au contraire de ton commencement. L'amoureux prince n'eut plustost dōné fin à son langage que voix fort douloureuses furent entendues dessous la place où étoit posé Cupidon: contre qui Repos feit signe à Luzindaro former sa complainte, ce qu'il feit: et en soupirant commença à parler en cette maniere: Seigneur ie me plains en premier lieu de ce fauueur de foy amour. Enuers qui ie me suis montré si loyal & obeissant qu'il ne s'est trouué persōne en son seruice & en sa maison, ayant pouuoir s'égaller à moy qui ay satisfait à la premiere loy: quant a ce point, qui est l'une des cinq qu'il ha ordonnees: lesquelles i'ay toutes acōplies; en-

cote

core qu'homme viuant n'ait peu passer la troisieme, excepté le grād Macias, qui eut l'heur de paruenir a la quatrieme. Et pour cette raison ce desloyal Amour me souffrit aymer la plus belle Dame qui ayt encore esté formée par Nature. Et me feit si heureux qu'auoy licence & congé, me trouuer en lieu ou m'étoit permis contempler sa diuine beauté. Mais pour cette faueur ie ne delaisse me plaindre contre luy m'ayant oté ce qu'il m'auoit donné que ie supplie a votre grandeur me vouloir faire rendre. Secondement ie dy, qu'il est tenu obseruer acomplir, & garder l'ordonnance par luy instituee & faite: & requiers votre excellence, vouloir entendre qu'il ha fait publier en sa court plusieurs loix & Editz: Entre lesquelz il met par article, que celuy qui aimera fermement sera fauorisé de sa Dame: Mais il ha contreuenue a cette ordonnance ce que luy feray confesser par sa propre bouche. Car il scait bien que i'ay aimé parfaittemēt ma Dame, comme ie prouueray par Patience & Esperance. Lesquelles assurement par serment, ce que ie dy ettre veritable. Pour raison dequoy en recompence de mes trauaux, ie demande qu'il soit tenu acomplir l'ordonnance qu'il ha faite publier, veu qu'a sa persuation, ma Dame m'ha totalement comandé que i'eusse a sortir de sa chambre, sans plus me trouuer deuant sa face. Finablement puissant seigneur, ie me plains d'un

Edit, publié par le commandement de ce fauteur de foy, & trompeur: Lequel ordonna que tout vray amant employast sa vie en tristesse & ennuy, pour complaire à sa Dame, chose certainement par laquelle ie suis contre luy animé d'auantage: Car voulant obeir à ses loix, et desirant paruenir en grace enuers ma Dame commençay à soupirer, à larmoyer, et me doulour. Et tant plus que ie continuoies mon dueil, plus mon cueur receuoit de ioye & plaisir: Pour avec lequel viure ie vous prie, seigneur, commander pour le repos de moy, que par tous les Royaumes & Cours, subiettes à ce folâtre dieu Cupidon, plain de legereté & inconstance, soit obserué & gardé, ce que par son commandement ha été publié, & que luy mesme y soit tenu pour seruir d'exemple à la posterité. Aiant acheué sa complainte, s'arretta montrant en la couleur de son visage la peine ou son cueur estoit. Apres que repos eut fort bien écouté le pledoyé du prince, Luzindaro, l'aiāt fait assoir, luy dit & assura que iustice luy seroit faicte. Et faisāt appeler Chasteté & Esperance ses familiers & compagnes, leur donna charge d'aller querir promptemēt la Dame: pour laquelle ce vertueux cheualier viuoit en peine. Les deux vertueuses seurs voulant obeir à Repos, se mirent en chemin pour s'aller rendre au château, ou residoit l'infante Medusine: laquelle estoit merueilleuse-

ment triste à cause de la perte de son bon amy. Car la condition des femmes est d'estre piteuses, & ne faire semblant d'aimer ceux à qui elles portent bonne volonté, chose certainement qui auint à cette princesse, apres que l'Ecuyer luy eut fait entendre l'infortune succedée au prince Luzindaro son maitre: Regrettant lequel cette ieune princesse commença à soupirer. Et faisant sortir de ses yeux, plus luisans qu'Ecarboucle, larmes, se print à dire: O trompeur amour qui prens plaisir à faire mal! i'aperçoy bien que tu has corrompu en moy la chasteté, qui est le don, lequel toutes femmes doiuent plus estimer & recommander. O Luzindaro mon seigneur et amy, ie te prie ne trouuer mauuaise ma rude répoce: & croire que la mort de mon pere & la crainte d'honrir mon lignage, m'ont rendue ainsi superbe enuers toy, que ie veuz retenir & retiens pour loyal amy: Te faisant entendre, que suis du nombre de ceux qui se sont plains contre la Déesse fortune: De laquelle ie me plains à présent, veu qu'elle m'auoit maintenu long réps en repos, iouissât de la presence de mon seigneur: Mais enuieuse de mon heur & felicité, me prouqua, en sorte que prins ta hardiesse d'effendre ma presence à celuy par qui ie fin-ray ma vie: T'aperçoy bien que le sage ha parle veritablement, quand il ha dit que fortune étoit la plus grande ennemye de rai-

son & constance. Certainement elle est si forte, que rempart aucun ne peut empescher que son dessein soit accompli: comme la perte de mon amy me fayt connoitre maintenant. O deloyale & traitresse fortune, les anciens exposans ton nom, ont écrit à la verité disans que tu es vne chose promte (entré toutes les autres) non pensée qui nous viennent à succeder: Ont dit & iugé ta force estre grande en prosperité & aduersité: Car iouissans de ta faueur, sommes conduis à la fin desirée: & étas en ta male grace sommes aflagés. Si est ce que leur opinion est que tu rens exemps & hors de peine ceux qui te sont plus agreables. J'ay opinion que le sage proferant tant vertueuse sentence, auoit eu connoissance de mon infortune: Car cette Déesse ha puissâce hausser ceux qui sont reputez mortz. Et au contraire conuertir les superbes triomphes en obseques & douloureuses plaintes. Pour raison dequoy on dit communement, que la fortune est plus tost gouuernante de nostre vie que le sçauoir. Certainement, mon seigneur & amy, tu has été par semblable malheur ataint: Car étant réduit en ce château, ou pour mon amitié tu viuois en triomphe & prosperité, cette traitresse fortune (côme seule) inuquée, notée, pensée, louée, reprise, honorée, outragée, reputée, aueugle, vagabonde, inconstante, incertaine, variable & fauorisant les indignes, t'ha fait

paie-

paiement tout au contraire du service qu'auoy par toy receu, de quoy ie suis tellemēt fāchée, qu'après ta mort ie ne souhaite plus à nūte. Et me semble que raison m'induit à ce faire, pour me rendre conforme à la renommée infante Tisbée, qui se priua de vie, regrettant la perte de son amy Pyramus. Et le semblable feirent plusieurs autres, auxquelles n'est aucunemēt redoublé mon seigneur, Luidindar duquel j'ay été autant parfaitement aimée, qu'elles de leurs amis. Acheuē qu'elle eut sa cōplainte, print son chemin en la chambre de son amy, & auoir fait louer son Ecuier, sortit hors du château aisément. Car les enchantemens perdirent leur force, aussi tost que le pere de Medusine eut rendu l'esprit. L'ecuyer montra à la Dame la barque, ou son maitre faisoit sa plainte alors que le Dauphin que le faisoit. La Dame entendant le discours de l'Ecuyer, se ietta promptement dans le vaisseau, qui ne tarda estre assailli par *Eolus*, & poussé promptement par ses ministres en haute mer. Ce qu'aperceuant l'Ecuyer épouuante au possible, & soupirant fort hautement, comença à dire, j'ay fait pauvre garde de ce que mon seigneur m'auoit tant recommandé. Tu me fais bien connoître Amour ta grande puissance. O renommée Damoiselle qui as été enfermée si long tēps: tu n'as eū crainte d'abandonner ce plaisāt château, & exposer ta vie à la mercy

de la braue & furieuse mer, pour suiure ton amy. Certainemēt *Marcius*, *Atilius*, *Scipion*, *Marcel*, le Roy *Perceus*, *Clodius*, ne le fameux *Marcus Pompilius*, qui se sont trauallez, laisser perperuelle memdire d'eux à la posterité, ne se peuent parangonner à toy: Car leurs faitz procedoient pour la defense de leurs torres, & pour se faire estimer aux hommes, ou au contraire (Dame, si redoublée) ce que tu fais, est pour ne te montrer ingrāte entiers ton chair amy (le plus loyal qui soit encores) attendans la liberté duquel, j'accompagné de regret indubitable, veux aller garder la place ou ses deux loyaux Amans ont fait sejour plusieurs années: Ce dit, feit retour au château, & auoir fermé la porte, s'alla rendre en la chambre de la gracieuse *Medusine*. Laquelle état sus la mer aperceut venant d'ist à elle vn grād fou: duquel commencerent à sortir tonnerres, & éclairs: & voiant que la flamme commençoit fort à l'approcher, perturbée au possible: ioinnant les mains contre le ciel, se print à dire. Je te supplie souverain Dieu me veuloir faire entendre si mon offence à merité que mon corps soit consummé par feu. O traitre fortune, ne pense point que la mort me rende frayeur: Car, tu aperceuras, & connoistras en moy, encore plus d'ameur & assurance que n'has aperceu autrefois en *Marcus Atilius Regulus*, étant pri-

sonnier des Cartaginois, en Cera- sur vn rouleau (lequel estoit de par-
ues, errant à la mercy de septante Ti- chemin) le nom d'Esperance. L'au-
rās de Lacedemone, en Carindeno, tre Dame estoit vetue de veloux
étant réduit au vouldoir du Roy Dal blās sur lequel se mōtroient maints
rius, ne Anthedore, prisonnier de rameaux de Palme en broderie. Et
Lissimachus. Si les dessus nommez en la main portoit vne palme, si grā
ont meprisē la mort pour agrandir de quelle luy couuroit tout le chef.
leur renommée, pensēs qu'ouuer- Et sur icelle on lisoit le nom de
rain Iupiter qu'Atropos la cruelle Chasteté. Esperance qui estoit plus
me sceust empescher satisfaire au legere que sa compagne, gaigna le
devoir d'amitié, auquel ie suis ob- dōdāt. Et entre réduite auprès de la
ligée en uers mon Seigneur Luzzi- princesse Medusine, dist: Excellēte
daro. Vlant d'vn tel lāgage, se print & vertueuse Dame, nous Chasteté
à ramer pour se allet rendre au pres & Esperance messageres du souue-
du feu, qui ne tarda à approcher d'el- rain Repos auons prins la hardiesse
le, acompagné d'vn tonnerre tant par son commandemēt nous venir
fort epouuentable, que la Dameb presenter à toy: Et te sommer pré-
surprinse de fraieur tomba du hayb dre ton chemin au lieu ou il fait
de foy: Et cē pendant la flamme fut residence, afin que Cupidon qui
etrainte, sans qu'on aperceust en ce te fait appeller en iugement soit
lieu que la barque ou estoit la Dame par ta reponse condamné à reparer
laquelle ne fut plus tost letée, qu' l'offence par luy commise contre le
elle se trouua dans vn verger, ceint renommē & vaillant chevalier Lu-
& environné de fleurs odoriferāts zindaro prince d'Aethiopie. Tan-
ou elle entendit chanter si douce- dis qu'Esperāce & Chasteté parloient
ment, qu'amour qui ne cessoit d'em la sage Aethelasia arriva acompa-
braiser son cœur, d'auantage l'incita gnée de plusieurs damoiselles & a-
regarder à ietter la veue d'vn côté perceuāt que la Dame du prince Lu-
& d'autre. Et ainsi que cette prin- zindaro ne disoit mot, se mit au de-
cesse visitoit ce plaisant verger, elle uant d'elle, vlant d'vn tel lāgage: Je
veid sortir deux damoiselles, riche- vous declare Esperance que dans
ment equipées, acompagnées de plu- vne heure Medusine se rendra en la
sieurs & diuers instrumens. La pre- court de Repos votre seigneur.
miere portoit vne robe de veloux Esperance luy dist que Chasteté et
verd: & sur les decopures des man- elle estoient en volenté l'acompa-
ches estoient posez plusieurs cueurs gner: Au moyē de quoy la princesse
d'or emaillez de verd: Et sur la fut acostée & mise au milieu de ces
poite et extremite d'vne gaulle qu' deux vertus. Et suivie des autres Da-
elle portoit en la main, paroissoit moiselles, qui faisoient deuoir iouër

&c

& sonner de plusieurs & diuers instrumens, sortirēt du verger, & mōterent en vn Palais: les murailles duquel sembloient être couuertes d'or. En vn lieu fort aminēt & haut étoit assis, & figuré le Dieu Bachus: Alentour de sa chaire sortoiāt grappes d'or merueilleusement belles & plaisantes à voir: Deux belles Damoiselles etans ioignant le siege de Bachus, voians entrer la troupe, commencerent à chanter si armonieusement, que les autres Nymphes & Deesses eussent quitte toute la richesse de l'auare Midas pour ouyr triomphe tant excellent. La sage voiant que Medusine étoit ravie luy mit en la main vne chandelle de cire rouge. Puis commanda à ses damoiselles qu'elles eussent à dépouiller l'infante, à quoy elles obeirent incontinent, & apres sa fille de chambre aporta autres acoutremens. Premièrement la sage feit venir à Medusine vne chemise ouyrée d'or, et toute semée de perles, parmy lesquelles étoient posées Diamans en quantité. Apres la vasquine de veloux noir luy fut baillée, & la cote de veloux blanc passémentée en lieu de bord, de maintes Iacintes & Emeraudes. La robe étoit de veloux incarnat brodee de Saphir, ceintz & enuironnez de grosses perles: Sur le deuant de cet acoutrement, étoit figuré la face d'un cheualier merueilleusement triste aiant à l'entour arbrisseaux de fin or ainsi qu'on souloit décorer les antiques

Deesses: Parmy les taillades des manches sortoit la chemise, & ce qui se montroit, hors d'une chacune decoupe, étoit lié avec passément d'argent. Vn Carcan de grād pris luy fut mis au col. Et la ceinture qu'on luy donna étoit de la mesme façon, acōpagnée de chapelertz riches au possible: car s'étoient fins Diamans taillez en forme de clochettes. Ses blōs cheveux furent couuers d'une coefe d'or enrichie d'orfauerie. Finalement on mit sur le frōt de cette princesse vne Topaze de grāde valeur: Puis la sage luy otā la bougie de la main: Au moyen dequoy cette Damoiselle qui étoit retournée en sa premiere connoissance, cōmença à hausser la veue: Puis tomba sur le bord d'un ruisseau: La vertu duquel étoit assez suffisante, pour sustenter & alimenter vn corps priué de vie. Mais elle fut remise en son entier tout incōtinēt. Puis six Damoiselles qui marchoiēt dauant elle, ne tarderent de la rendre en la salle, ou le souverain Repos étoit assis: auquel Esperance se print à dire en cette sorte: Puisstā & souverain seigneur nous te presentons la sans perche beauc Medusine, afin que l'infidel le Cupidon & elle soient contrains reparer le tort par eux fait, au peu fortuné Luzindaro. Repos desirant ouir les parties commanda que la compagnie fust assise. Puis enuoya querir le parfait Amant: lequel ne fut si tost aperceu la Dame qu'il se mit à genoux, luy disant. O souveraine

raine princesse de beauté ie suis grā
 dement redevable à celle qui t'ha
 conduit en ce lieu. ou i'ay pouuoir
 donner contentement & plaisir à
 mes yeux, auant mourir. O dieu des
 Amans, si iusques à present ay vſé de
 complainte contre ta puissance &
 grandeur, raison m'incite mainte-
 nāt à te demāder pardon, puis qu'à
 ton ocasion i'ay la iouissance du plus
 grand bien qui m'eust ſceu auenir.
 Ocueur d'Amant loyal, que n'aban-
 donnes tū la forteresse en laquelle
 tu es enclos, ſans recevoir aucune
 lumiere: Ie te prie vouloir sortir
 pour avec repos iouir de celle qui
 en beauté ne peut estre ſecondée
 par femme viuante: Car Helene, Po-
 licene, Theodore, Lucreſſe, Hiper-
 mneſtra, Ariane, Eſtratonica, ne cel-
 le autāt renommée en beauté cōme
 en cruauté Athalanta, ſemblable-
 ment la cruelle Sylla, ne ſe peuuent
 aucunement égaler à ta ſinguliere
 beauté. O diuine plus que humaine
 Dame, ie te ſuplie auoir pitié de
 moy, ſans attendre la cruelle ſentēce
 de ta fureur, & le peu de faueur
 que le déloyal Cupidon eſt encou-
 tumé d'vſer enuers moy. Ce dit,
 cheut aux pieds de ſa Dame, qui l'ay-
 ant connu, tomba ſemblablement
 auprès de luy, faiſant couler larmes
 le long de ſes lours, en ſorte qu'el-
 les forcèrent le parfait amant à fai-
 re ſemblable: Mais te pendant qu'il
 ſ'amuſoit à ſoupirer, la Dame com-
 mença à dire: O Amour qui es cau-
 ſe de me faire decouurir le cruel

que ie ſeuſtre pour celui qui main-
 tient ma vie en torment, et apres
 qu'elle ſe fut miſe ſur piez, reſtāt les
 yeux cōtre le ſouuerain repos, diſt:
 O excellent & puiſſant ſeigneur,
 puis que par toy i'ay été condamnē
 en ce lieu, fais moy iouir du cōten-
 tement qu'on fait ceux qui autre-
 fois ont cōparu deuāt ton excellen-
 ce, & donē fin à la peine qu'as ordō-
 née à Cupidon, à la requettē de
 monſeigneur Luzindaro: T'asſeu-
 rant que ie luy pardōne, & promets
 que Luzindaro fera le ſemblable.
 Le prince æthiopien qui étoit pā-
 mé, s'eueilla en ſurſaut montrāt en
 ſon viſage la douleur qui étoit lo-
 gée au profond de ſon cueur: Et
 voulant parler à l'encontre d'A-
 mour, Meduſine, ſa Dame, luy ſeit
 entendre ce qu'elle auoit promis
 en ſon nom: Au moyen dequoy le
 parfait Amant n'entreprint de paſ-
 ſer plus outre: ains voulāt captiuer
 le cueur de ſa Dame, ſe print à luy
 dire: Ma déeſſe, ie pardōne (à vōtre
 faueur) à Cupidon: Et ſupplie au
 ſouuerain Repos, le vouloir remet-
 tre en la meſme puiſſance qu'il ſou-
 loit être Repos, voulant complai-
 re à ce ieune Prince, apointa tout
 incōtinent ſa requette ſoubs cōditi-
 on que l'infāte Meduſine ne feroit
 refus de lui octroier vn don: à quoy
 elle ſ'accōrda. Et tādīs les inſtrumēts
 cōmencerēt à ſonner: Et durāt leur
 armonie, fut aperceu en vn coing
 de la ſalle vn char triomphāt, ceint
 et enuironné de fleurs: Deuant le-
 quel

lequel marchoiēt maintes Dames & Damoiselles, toutes ataintes sur le coté fenestre par saiettes dorees : & dans le chariot gisoient Cheualiers blesez en la mesme façon. Repos voiant le char arreté au deuant de son Throsne avec voix haute, se print à dire. le té commande Cupidon, leuer & sortir promptement pour estre recompense du bien qu'has fait à ces deux Amaas à ma requette. A la vois de Repos, Cupidon se leua promptement: Et acompagné de Plaisir indicible, viét d'as vn charoit portant l'Arc doré. Et la riche Trouffe, dans laquelle etoiēt deux saiettes, fort propres. Quand ce puissaut dieu des Amans, se fut rendu ioignant le siege de Repos, toutes les Dames & Cheualiers, se mirent en danoir les saluer, avec reuerance fort grande: Mais sans faire semblant aucun de l'honneur qu'on luy presentoit, commença à monter son Arc furieux: puis auoir posé vne de ses fleches (dorees sur la corde) decocha impetueusement contre la belle Medusine: Laquelle n'eut este atainte, que le parfait amant Luzindaro, fut traité en la mesme façon: Si qu'ilz furent tellement embrasez, qu'auoir prins en la main l'vn l'autre, s'alerent mettre à geoux aux piez de Repos, supplians (veu qu'il les auoit assemblez en ce lieu) vouloir auoir pitié de leur langue, & trouuer moyen que leurs cueurs veinsent à iouir du plaisir, par eux si longuement souhaitté.

Repos montraot semblant de ioye, feit reponce, que son plaisir estoit satisfaitte à leur volonté. Et ietant voeil sur Medusine, luy pria s'aquiter du don acordé. Apres que cette vertueuse princeffe, l'eut asseuré d'obeir à son ordonnance. Repos luy commanda accepter pour mary Luzindaro prince d'Ethiopie. Puis ne tarda de les epouser, avec grande solennité: car les instrumens commencerent à sonner dans cette sale, si hautement que ceux qui parloiet en ce lieu ne se pouuoient aucunement entendre. Apres que la cerimonie eut esté achuée, la grād Sage saisit par les mains les deux parfaitz Amans, & acompagnée de ses damoiselles sortirēt de la sale: laquelle disparut incōtinēt, non sans faire grand bruit al'entour. Car c'estoit le lieu, ou la sage Magicienne tenoit ses liures. Apres que cette noble compagnie fut sortie, les damoiselles firent dresser table, & courir pour souper. En la sale du dieu Bacchus, fut le seruice continué, avec grande magnificence, & aussi tost qu'on les eut deferuis, la Sage fait faire vn lit de fleurs, ou les deux amāts, à la lumière de deux torches, donnerent la carriere aux travaux soufers, & cueillirent la ioyssance par eux si long temps desirée. Sur le point du iour, Aetelasia ne faillit les venir trouuer dans le lit, ou elle cōmença à leur dire. Vous auez deia veu princes tresexcellens, ce qui vous est succédé, & encore que, par

moy ſçauoir, aues esté aſſemblez en
 cette place ie vous prie ne vous aſ-
 ſeur peſer iour loquemēt du plai-
 ſir ou etes apreſent: Car quād la blā-
 che colombe aura perdu ſa force, le
 grand Phenix comencera a ſe nour-
 rir & ſubſtanter de cendre, iuſques
 à ce qu'il ſe ſoit tourné rendre en la
 compagnie de la Blanche colombe:
 laquelle le ſera attendant. Ie vo^o de-
 clare, que ce que ie vo^o pronostique
 maintenant auendra: Parquoy con-
 noiſſant qu'il nous eſt impoſſible
 toujours demeurer en vn meſme
 etat, et que voz royaumes ſont poſ-
 ſedez par etrangers, ie ſuis en vo-
 lunté (pour obuier que votre vie ne
 ſoit acompagnée de bataille, diuor-
 ces & querelles) vous conduire au
 chateau de plaſir, ou la belle prin-
 ceſſe Meduſine ha demeuré enchā-
 tée ſi loquemēt, acompagnés quel
 que temps de Luzindaro: a qui ie
 ſay entendre qu'il eſt mon parent,
 filz d'vne belle damoiſelle, & du
 Roy d'Aethiopie, pour l'hōneur du-
 quel ie l'ay nourri le plus honora-
 blement u'il m'ha été poſſible Et
 ay fondé amitié ſi grande en luy,
 que i'en veux auoir ſolicitude,
 auſſi grande, comme de mon filz.
 Quand la Sage eut donne fin a ſon
 langage: les deux amants deſirans
 faire honneur l'vn à l'autre, ſe
 tiendrent quelque eſpace de tēps,
 ſans faire aucun reponce à la Sa-
 ge: Mais à la fin l'Amoureux loyal
 ſe print à dire: ma Dame, l'honneur
 que i'ay receu par votre moyen ne

ſe peut celer: car vous etes cauſe
 que i'ay en mon pouuoir ma Dame
 Meduſine, qui etoit le ſeul bien ou
 mon cueur aſpiroit: & ſuis tres aiſe
 etre ſorty du Roy d'Aethiopie,
 pour ne etre iuge indigne ſeruiteur
 de ma Dame: au uolonté de laquelle
 (quād aux royaumes qui nous apar-
 tiennent) ie me veux totalement cō-
 former. L'infante Meduſine repon-
 dit (veu que leurs Royaumes etoiēt
 rombez en mains etranges) qu'elle
 deliberoit viure en la cōpagnie de
 ſon ſeigneur Luzindaro au chateau
 de Plaſir, ou leurs cueurs auoient
 été premierement naurez, par le
 grand dieu Cupidon. La ſage Aethi-
 oſia, trouuant bon ſon auis, ſeit dō-
 ner ordre, que aucūe choſe ne leur
 manquast, qui fut commode & ne-
 ceſſaire à leur voyage: Et ce pendāt
 que la compagnie diſnoit, ſeit equi-
 per fort richement douze haque-
 nées: la plus belle deſquelles fut re-
 ſeruée, pour la gracieuſe Meduſine
 Apres que le parfait amant Luzin-
 daro, eut fait harnacher vn genet
 d'Eſpagne pour luy, tous enſemble
 ſortirent en campagne: ou Lucinda-
 ro print volonte donner carriere à
 ſon detrier: Le maniant avec tant
 bonne grace, qu'un chacun pre-
 noit plaſir de le voir. Le Prince
 n'eut plus toſt arreſté ſon detrier,
 qu'il ſala rendre, ioignāt ſa Dame,
 ſans l'abandonner, iuſques à ce qu'ilz
 ſe furent renduz ſur le bord de
 la mer: ou deux nauires les atten-
 doient, couuertes de fleurs: Dans
 les-

lesquelles s'embarquerent, avec grand bruit d'instrumens, & commencerent à faire voile, prenant la cote plus droite pour se rendre au château de Plaisir. Mais ilz n'eurent longuement nauigé, que les vents gouvernez par la sage Athelasia, commencerent à les tourmenter: en sorte que les deux Amants, tenans leur corps perdus, commencerent à prier Dieu vouloir auoir leurs ames en recommandation. La crainte ne estoit si facheuse à Luzindaro qu'à Medusine, laquelle estoit entre les bras de son amy, sans aucun sentiment. Or ainsi que la tourmente les rendoit perturbés, ils aperceurent approcher vne grosse Nef: laquelle se print à canonner contre leurs Nauires. Ce que aperceuant les Damoiselles de la sage, qui estoient en vn vaisseau à part, ne tarderēt à singler, & s'estre mises deuant la Nef ou estoient les deux Amants commencerent à recevoir les boulets, & en vn instant faillirēt armées dans vn Esquif, attaché à la grosse nef: puis commencerent à charger furieusement vingt cheualiers que, ceux de la nef y auoient fait descendre. L'excellent cheualier Luzindaro, fut reduit en admiration, aperceuant tant brauement cōbatter ses Damoiselles contre les cheualiers, & regardant l'entour de soy, ne aperceut la Sage; Ains trouua au lieu d'elle vn fort bel harnois: Duquel ne fut pareilleux s'armer, & auoir consolé la

Dame, fallā jecter au lieu ou les cheualiers combatoient, les chargeans si rudement qu'il les força rentrer dans la nef ou il les suiuir: mais ainsi qu'il vouloit passer outre vn grand cheualier armé, d'vnes armes Indiennes, semées de petits Pans d'argēt, luy donna vne atainte sur le heaume, si grande qu'il luy feit mettre les genoux en terre: sur laquelle il ne seiourna longuemēt. Ains auoir reprins son escu qui estoit tombe, se ioignit au grand Cheualier, & combatit fort longuemēt avec luy, sans pouuoir empirer ses armes. Et voyant que les liennes estoient teintes du sang des playes que le grand Cheualier luy auoit faittes: embrasé de ire, saisit son epée avec les deux mains, pour en dōner au Cheualier: lequel voyant venir le coup, ota son armet. Au moyen dequoy Luzindaro s'aretta, pour autant que cetoit la Sage qui pour faire cōnoître la proesse de celui que elle auoit nourry à la Dame, s'estoit deguisée, & les armes au poing, auoit brusquement assaillly le prince d'Ethiopie. Lequel aiant parfaite connoissance de la Magiciēne, craignant l'auoir irritée, se ietta à ses piez, luy disant: Je vous supplie, ma Dame, vouloir cesser à nous rendre frayeur. L'ay voulu experimenter (repondit la Sage) votre valeur, puis l'auoir saisi par la main, allerēt trouuer Medusine, qui aperceuant les harnois de son amy, couuert de sang, tomba pâmée entre les bras,

Luzindaro, receut aucunement passion tant grande, pour voir la mieux aimée en peine qu'il ne tarda luy tenir compagnie. Ce que voyant, la Sage commanda à ses damoiselles les porter dans la nef: leur donnât vne liqueur, pour ietter sur leurs faces, aiant telle vertu que promptement les deux amants, commencerent à se resentir & connoitre. Et tandis la Sage s'aprocha du bord de la nef, lisant vn petit liure, & tenât alumée vne bougie de cyre rouge: laquelle n'eut plus tost ietté en vn des vaisseaux ou les cheualiers armez ettoient venus; que luy & les autres commencerent à bruller. Et apres qu'ilz eurent etez consummez, vn tonnerre fut entendu, tant fort epouuantable, que les deux Amants trefsaillans de frayeur, s'eueillerent, & se trouuerent ioignant le port du chateau de plaisir, acôpaignez de la sage & de ses damoiselles, avec lesquelles prindrent terre & s'acheminèrent au chateau. Al'entrée duquel, trouuerent douze escaliers d'albastre, tant fort blancs qu'ilz rendoient eblouiz ceux qui s'arretoient longuement pour les regarder. Les portes estoient decorees de maintes figures antiques, & entre le chapiteau & frise d'icelles paroïssoit la vie & historie de ces deux loyaux Amants, qui furent ebahis quand ilz apereçurent la cour: car ilz virent qu'elle estoit enuironnée de deux cents piliers de laspe merueilleusement beaux. Et au milieu d'i-

celle estoit posée vne fontaine: leau de la quelle sortoit par douze canals, ioignant la fontaine, quantité d'oyseaux branchez sur deux Cyprès faisoient deuoir de iargonner, en sorte que leur musique estoit agreable au possible aux deux amants lesquelles prenans plaisir contempler chose tant rare & singuliere, aperceurent sortir en fort riche equipage: L'ecuyer Gariage qui se mit à genoux, pour baiser les mains des deux loyaux & parfaits amants. De quoy ilz receurent contentement fort grand, acompagnes duquel, entrerent au Palais, ou voyans les tables ordonnees & couuertes, s'assirent. Et apres leur dessert, entrerent dix Damoiselles, d'entre lesquelles, quatre qui portoient instrumens armonieux, se prindrent à sonner: & les six a baler si proprement, & avec telle grace que les deux Amants plains de loyaute, ne se pouuoient assez contenter de les regarder. Vous auertissant qu'ilz se maintindrent en cette resbouisance iusques au souper: Apres lequel les mesmes damoiselles feirent retour au bal. Et quand la sage conneut que l'heure pour s'aller coucher aprochoit, prenant le deux par faitz Amants par la main les accompagna en leur chambre, ou ces deux sans per en loyaute passerent la nuit. Et apres que le dieu Phebus eut acheué son char, & monté sur ses indôptes cheuaux, le lendemain au matin pour donner aux humains la

la commodité de voir sa face . La sage Acthelasia entra en leur chambre : & les trouuans prests à sortir , commença à les embrasser fort humainement , leur declarant que son vouloir étoit de se retirer en son château (qui estoit sur le mont Tarsin) chose certainemēt qui leur fut bien peu agreable : mais pour la crainte de la rendre offensée , n'osèrent faire aucun semblant ; ains la prierent treshumblement les venir visiter quelquefois , & enchanter leur château , en sorte que personne n'eust puissance d'y entrer pour les offencer . Aquoy la sage ne fait refus , & le tourna fermer & rendre en la mesme sorte qu'auoit fait le pere de la princesse Medusine , alors qu'il la rendit dedans , craignāt que le prince Garinaldo filz du Roy d'Albanie (à qui elle portoit amytié) n'entreprint sans aucun respect d'branler le pudique & chaste vouloir de la princesse Medusine sa fille . Apres que la sage Actelasia (dame du mont Tarsin) eut satisfait au vouloir de ces deux princes amoureux , elle pria Gariages se mettre en equipage pour l'accompagner , & qu'il ne voulut acorder sans le cōgé de son seigneur & de sa Dame : lesquels luy commanderent s'en aller avec sa Dame Actelasia : laquelle feist monter Gariage sur le cheual de Luzindaro , & auoir enchanté toutes ces Damoselles afin qu'elle demeurerassent en ce lieu , pour seruir l'infante : Tira hors du sein vne petite ta-

ble d'arain , sur laquelle mit en escrit .
 AV TEMPS QVE LES DEUX
 SIGNES VIENDRONT A MOVRIR
 LEVR NID SERA CONSUMME PAR LA SAGE ACTHELASIA , SANS IAMAIS PLUS
 TOURNER PAROITRE . Apres que ces lettres ecrites en lāgue Tuscane , eurent été acheuées , elle posā ce petit tableau au plus haut de la Tour , afin qu'on eut la commodité de les voir . Puis tourna acoler Luzindaro & Medusine : à leur veuē mōra en l'air , & disparut en sorte qu'ōques puis ne fut veue par les deux Amants , qui se rrouuans seuls (comme tousiours auoient souhaitté) desmeurerent au plaisir ou la sage (preuoiant que leur vie ne seroit lōgüe) les auoit voulu laisser . Sur le point que fortune inconstante , auoit logé ces parfaits Amāts au plus haut de sa Roë , les trois Déesses infernales les cours desquelles excède le vent en vitesse , commencerēt à se facher . Et receuans ennuy de filer , conclurent couper le fil , par lequel la vie estoit gardée à la sans per en beauté Medusine : Sur le chef de laquelle fut aperceue vn iour qu'elle se reioüissoit avec son amy dans vn verger , vne Aigle noire , criant fort hautement , dequoy la princesse fut reduite en grande fraieur . Ce qui ne fut beaucoup agreable au prince Luzindaro son amy : lequel saisit yn arc Turquois , & tira vne fleche contre l'Aigle , qui ne laissa à continuer son cry douloureux , & donnant indioe

de grande passion : Au moyen de-
 quoi il print la Dame entre ses bras,
 & avec elle sortit du verger : Puis
 l'auoir tendue au château tant fort
 afoiblie qu'elle n'auoit aucune puis-
 sance . L'aigle s'en alla laissant ces
 deux Amants en grande tristesse la-
 quelle leur feit compagnie toute la
 iournée, sur la fin de la quelle, la
 gracieuse Medusine ne se trouuant
 en la disposition quelle auoit acou-
 tumé, se feit mettre dās son lit, ou
 elle cōmença à se plaindre, en cette
 façon: O peruerse fortune : ie m'e-
 tonne voyant executer ta furie &
 malice, contre ceux qu'as fauorisé
 quelque temps. Et mesmement les
 voyans reduits en plaisir & conten-
 tement: vñt d'vn tel langage, ar-
 rousoit sa plaisante face de larmes,
 & regardant son parfait amy, qui a-
 uec oeil de pitié la contemploit,
 se print à l'appeler, puis luy saisis-
 sant son gracieux visage avec ses blā-
 ches & delicates mains, dist: Ha Sei-
 gneur & amy. i'ay merueilleusement
 grand regret vous laisser en ce lieu
 solitaire, ou ma langue commence
 à perdre sa force, & mes cinq sens
 à se troubler à cause de la passion
 que mon cœ ur endure, pensant à la
 separation qui sera faite de nous
 deux. Luzindaro & elle se tindrent
 acolez l'espace de deux grandes
 heures, non sans verser quantité
 de larmes, qui ne purent garder
 Medusine, voyant Luzindaro tri-
 ster de ietter soupirs & sanglos : a-
 pres lesquels increpant la mort, vñt

d'vn tel propos: O cruelle Atropos
 plaine de trahison, i'aperçoi bien,
 & cognoy seurement, que tu me
 vœux priuer de rout le repos, plai-
 sir, contentement & consolation,
 qui me souloient acompagner. Ha
 Amour si tous ceux qui te suiuent
 auoient totalement connoissance
 de toy: ie croy quilz mettroyēt pei-
 ne ne se asubiettir à tes loix, tant
 fort rigoreuses & diferentes aux
 promesses que tu es en coutume,
 presenter au commencement à ceux
 qui te font hommage, comme à
 leur seigneur souuerain . O qu'a
 bon droit on peut dite veritēble-
 ment, que ie n'ay sens, loy, ne dili-
 gence, pour fuyr cette tienne sen-
 tence prononcée, lors que les mi-
 serables mortelz se viennent ren-
 ger, & assubiettir sous ta puissan-
 ce. Ce dit, tourna rentrer en sa cho-
 lère, & continuant son exclamati-
 on contre la mort, luy dit : O cru-
 elle traitresse, redoubtée & crainte
 de tous les humains, i'aperçoy bien
 que personne viuante ne peut fuyr
 ton ordonnance & rigoureuse loy:
 sous laquelle toute creature née
 est obligée, & par force, contrainte
 de mourir vñe fois: Dequoy ie n'ay
 regret, fors qu'en mourant ie pers
 ma gloire, & mon plaisir : & le re-
 pos de mon seigneur & fauorit a-
 my Luzindaro, viennent à mourir:
 O mirouer de mes reuiuantz yeux,
 ie crains plus votre peine & tra-
 uail, que ie ne fay ma prompte fin:
 laquelle ie sens aprocher, sans rece-
 uoir

uoir autre consolation, fors penser au dit & sentence du Sage, disant que la mort nous est necessaire, pour raison dequoy il la me faut souffrir avec constance & fermeté. Or voyant qu'il m'est impossible d'eviter le coup de son dard, rigoureux & mortel. Je vous prie mon seigneur & amy, estre constant & vous cōsoler: car encore que mon corps: meure, mon ame sera tousiours envelopée de votre amitié: comme imprimée insculpée & gravée en votre cœur. Acheué qu'elle eut son propos, commença à perdre connoissance, ce que voyant son parfait amy, il ne disera la mettre entre ses bras: & approuchant sa face de la sienne, dist. O heureuse fin, par laquelle toute perfectiō de beauté absentera le mode, & me laissera sans aucun cōfort & apuy! O souverains dieux! pourquoy vous estes vous bādez: cōtre moy pour me faire souffrir! Hélas, ma Dame, parlez à moy, avant qu'abādōner ce val plain de tristesse & amertume: Tournez vers moy vous réplādissanz yeux: & parles à celui, le cœur duquel se souloit mirer en votre beauté. Ce dit, tōba pâmé sur le list de sa dame. Puis s'estre resenti, & recogneu du tout, aperceut qu'en pleurāt, Medusine le regardoit: & luy disoit avec voix basse & foible: Je vous prie mon seigneur & amy, vser de la magnanimité accoustumée, sans vous cōsumer en tristesse: Car il vous cōviēt mōtrer icy votre force, & pource que l'esprit a-

bandonnera mon corps dans deux heures: il vous plaira auoir souvenāce de moy, qui vous donne charge faire mettre mon corps en lieu ou il puisse sentir aucun repos. Ce que ne devez refuser, veu qu'aues reçu plaisir & contentement avec luy en ce val de misere. O souverain lupiter, o Apolidon, o Iactuan, venez tous trois en ma compagnie, & laissez cōsolé aucunemēt votre seruāt & mon seigneur. Finissant son oraison, tōba être les bras de son mieux aimé. Et ioignāt sa bouche à la sienne, jettant vn grād soupir rēdit l'esprit, & le corps demeura sur les bras du peu fortuné cheualier Luzindaro, qui la voiant totalemēt eteinte, cōmença à faire tōber quantité de larmes sur la palle face de la belle Dame. Regrettant laquelle, cōmença dire. O Amour, i'ay fort grande occasion de me plaindre de toy, qui sans auoir respect à ma fidelité, m'as oté ce que i'aimoy le plus en cette vie miserable. Ha? ha? ma dame? vous aures raison de former complainte à lē cōtre de moy, voyāt que ie retarde par trop, de vous suiure, ie vous prie ma dame & parfaite amie me vouloir pardōuer & pōrre, que bien tost ie iray voir votre gloire excellāte. Et afin q'adiouties foy à ce que i'ay en pēsée, vous supplie vouloir attendre que le sacrifice que ie veux presenter de votre corps à la Déesse Venus soit acomply. Et puis apres i'acōpliray promptemēt ce que le deuoir de notre grande & pat-

parfaicte amitié me commande vser enuers vous . Apres que ce loyal & vertueux Amant eut donné fin à sa complainte, comme homme éloigné de toute gloire, mit le corps de sa Dame sur le cheuet du lit, & le couurit avec vn drap d'or : puis s'achemina au verger: dans lequel il auoit aperceu l'aigle , ou il trouua grand nombre d'oyseaux , qui avec leurs becs rôpoient toutes les fleurs des arbres, & les faisoient tomber en terre: chose certainement qui le rendit aucunement consolé. Et pronostiquant que son dessein pouroit estre accompli, s'amusa quelque réps à cuillir les fleurs: Puis les auoir assemblées au dessoubz des arbres, aperceut que les oyseaux les prendrent, & avec elles sortirent par la porte du verger: dans lequel se tourna montrer à luy. l'Aigle qui auoit anoncé la mort de sa Dame, pesant en laquelle dist: O maudite messagere qui m'has predit ma future ruine: Me serois tu tant fauorable de m'apporter nouuelles, que mon esprit, abandonnant ce corps, peust aller trouuer celle, sans laquelle, ie ne puis aucunement viure en repos. Continuant son exclamation, aperceut que le royal Oyseau fonda assez pres de luy, & sans faire sejour, tourna monter en l'air, criant fort hautement, signifiant la tristesse: laquelle acompagnoit ce peu fortuné Amant, qui priit volunté s'approcher du lieu, ou l'Aigle se estoit laissé fondre. Et s'y estre rendu

decouurit vne grande flamme de feu, laquelle il print à cause qu'elle estoit posée dans vn vase: Puis acompagné de ioye indicible, sortit du verger & print son chemin en la chambre de sa Dame, parmy laquelle aperceut les fleurs que les oyseaux auoient abatues: dequoy il receut merueilleusement grand plaisir. Et pensant que son repos seroit plus grand apres qu'il auroit fait le sacrifice: print le corps de sa Dame entre ses bras, puis l'auoir ieté au milieu des roses & fleurs on entendit parmy le Palais, plaintes fort grandes: lesquelles furent continuées asses longuement. Mais pour autant que l'infortuné Amoureux n'aperceut personne, il mit le vase embrasé au milieu des fleurs: lequel auoit telle propriété que les flammes commencerent à sortir, aussi hautes cōme si elles eussent procédé d'un gros monceau de bois bien sec, & eurent telle force qu'en bien peu de temps le corps de la princesse Medusine fut totalement consummé & reduit en cendre: Laquelle fut cuillie par Luzindaro & mise dans vn grand coffre d'or. Faisant promesse ne s'alimenter & nourrir d'autre chose iusques à la mort. Attendant laquelle, il se maintiendrait, donnant repos à son cœur affligé, avec la precieuse relique qui estoit demeurée du corps de sa Dame. Quand l'heure qu'il deuoit manger eut sonné: on feit couvrir pour luy, tout ainsi qu'on auoit acoutumé:

mé: Mais il ne voulut toucher aucune chose: ains ouurit son cofre, & avec vne cuilliere de fin diamét, print de la poudre, faite des cendres du corps de l'infâte Medusine la Dame: & auant que la mettre en la bouche, se print à dire. O reliquaire ou gist tout mon bien & felicité, donne moy licence prendre subltance tant precieuse, afin de pouuoir durer aucun temps, & porter plus aisement la passion grande, qui me fait compagnie: Ce disant, le parfait Amant mit les genoux en terre au deuant du cofre, & soupirant, mit en sa bouche la precieuse poudre: Puis ferma le cofre, & faisant deferuir veid entrer six Damoiselles, accoutrees de noir: Lesquelles portâs Harpes en leurs mains, s'aproucherent du loyal Amant, qui estoit assis sur le lit de sa Dame à l'entour duquel, commencerent à chanter & sonner, rendâs harmonie si fort grande, que elles endormirent l'Amoureux affligé. Et ne cessèrent de le maintenir en cest estat, iusques à ce qu'on tourna d' dresser les tables pour le faire souper. Mais quand il veint à tourner ouurir le cofre doré, iettât sangloz, & faisant sortir de son Estomach soupirs abondamment, se print à dire: Le voy approcher la fin de mon bien, sans eloigner ma ioye: & aperçoy donner fin à ma gloire. O souueraine Dame, la force me defaut afin que ie aille iouir du lieu excellent, ou a present faites residence. Ainsi que ce foible

Amoureux prenoit la poudre acoutumée, les Damoiselles tournerent entrer sur la mesme heure qu'elles estoient en coutume de Venir tous les iours, Puis commencerent vne chanson, tant fort piteuse, que Luzindaro demeura sans aucun sentimēt, iusques à l'Aube laquelle feit demōtrāce d'un si triste presage que vn chacun eust cogneu ce que il deuoit succeder cette iournée. Quand l'heure qu'on deuoit faire mēger le prince Ethiopien fut venue. Les Damoiselles cesserēt à sonner de leurs harpes: Au moyen de quoy le parfait amoureux reuint à soy, tant foible qu'à peine pouuoit il parler. Et regardant le tresor, ou tout son bien estoit enfermé: aperceuant le peu de poudre qui demouroit, receut aussi grande passion & tristesse que feit le Roy Priam, quand il aperceut la cité de Troye embrasée, & fut reduit en telle affliction, qu'il se laissa tomber du haut de soy: Tandis que la terre soutenoit son corps, tormenté, tonnoires & eclairs, commencerent à se faire entēdre: faisant si grand bruyt, que ce bon cheualier commença d'ouurir ses yeux: & perturbé à cause du furieux assaut de la mort: aiant les leures vertes, & la face blême, commença à soupirer, & en larmoyant se print à dire: O bien heureux & fortuné Luzindaro, puis que tu vois approcher le temps qu'il te sera permis iouir du plaisir, ou à present est reduitte ta Dame: Si est ce que

L ic ne

ie ne cesseray iamais à me plaindre. cōtre le deloyal Amour, & croyray fermement ce que le renommé Macias pronōca vn peu deuāt la mort: disant que Cupidon luy auoit mal recompensé le temps qu'il auoit employé à le seruir si longuement, & en receut facherie tant grande qu'il en mourut: Comme moy qui me voyant priué de ma Dame, à la persūasion du trompeur & deloyal Amour, enuieux de ma gloire & felicité: Dy & assure qu'eussé ete heureux, n'auoir iamais aymé ne eu cōnoissance des gloires & afflictions qu'amour fait sentir à ceux qui volūtairement prennent plaisir de se rédre entre les bras de volupté, laquelle m'ha par trop suiui & acompagné. Aa, ha, parfait Amant? qui te fait ainsi oblir de parler faucemēt contre ta Dame, disant t'auoir été grandement profitable, si par cas fortuit tu ne luy eusses onques porté bon vouloir: Pardonne moy mon souuerain bien: car la forte passion ou ie suis reduit pour me voir de vous eloigné, ha été cause me faire tomber en si grand oubly: Mais desirant, ma Dame, vous faire connoitre que n'ay autre soucy qu'a regretter la perte que i'ay faite de votre beauté, & que i'aspire m'aprocher de vous, pour auoir iouissance de la gloire & felicité, ou etes reduitte, ie veux acheuer le reste de voz precieuses reliques, & par mesme moy en donner fin à ma vie Ce dit, print toute la poudre qui etoit demeurée

dans le cofre Et ainsi qu'il la pousoit dans son gosier, rendit l'esprit, soupirant tant fort hautement qu'un cœur de pierre eust été emeu de pitié: Si par cas fortuit il se fust rencontré en ce lieu: ou firent entrée fort promptement par les fenestres plusieurs noirs oyseaux, qui faisans grand dueil, & portās en leurs becs fioles embrasées, les laisserent tomber en la sale, & parmy le château: Puis sortirent par le Donion, crians fort hautemāt, & declarās la pitoiable fin: à laquelle le plus loyal des amoureux, auoit été conduit par les trois sœurs fatales. Et apres que l'ame eut abandonné ce monde miserable, le corps de ce parfait Amant fut consummé en sorte qu'il ne parut autre chose en ce lieu, fors qu'un Perron d'albastre, decoré de maintes couleurs fort plaisantes à voir. Et à l'entour on aperceuoit, cōtre Amour maintes lettres, qui recitoiēt le peu d'estime que on doit faire de ceux qui suiuent les fauces brisées de ce petit aueugle Cupidon. Soubs le chapiteau du Perron d'albastre fut aperceue vne table de cuire: sur laquelle estoient grauées aucunes lettres latines, qui disoiēt.

ICY GIST LE SANS PER EN
FORTVNE, AMANT, LVZINDARO
PRINCE D'ETHIOPIE: LEQUEL
AVANT SA MORT PRONONCA
LES VERS CY DESSOVBZ ECRITZ,
AINSI QUE MACIAS LES HA
CHANTES.

*Le sens est vaincu de son doux amer
Mais il ne plaist tousiours de mesme
sorte,
S'ainsi qu'a moy, à vous vn mal a-
porte.*

Euez Amants à cet Amour aimer.

*Euez peril ou tristesse est posée,
Prenez plaisir, ennuy abandonnez,
Vostre seruice à vn autre adonnez
Bref hors d'amour mettez votre pêsée.
Car s'il rendoit iustement compassée
Sa courte ioye, à son cruel torment,
Lors ne pourroit se plaindre aucun Amât,
Nul (non aimé) n'auroit l'ame offensée.*

A Pres que ce nouueau spectacle se fut montré, six Damoiselles: douées de beauté singuliere, ne tarderent à se venir rendre au pié du Perron: Et ayans leurs blons cheueux epars & étaduz sur leurs epaulles, commencerent à chanter tant fort doucement que toute personne humaine, eust été prouoquée à faire dueil, entédant leur musique: laquelle exposoit la sentence des vers dans lesquels estoient recitées les peines des deux Amants, & les propheties de la grand sage Aethelasia. La principale des six Damoiselles, qui excedoit les autres en beauté, monta sur vn degté qui estoit ioignant le Perron, puis commença à crier fort hautemét: & à sa voix arriuerent maintes personnes: auxquelles elle commença à dire: Vous auez aperceu parfaitz Amâts, la fin de ceux que vous auez en si grande

estime pour auoir eu la iouissance de leur amitié, laissant à part laquelle ie vous declare auoir été icy enuoyée, par celuy qui ha pouuoyr vous commander, afin de vous amōnester qu'à la faueur de ces deux Amants, vous priez Dieu vouloir auoir pitié de leurs ames, afin qu'elles puissent auoir la iouissance du souverain Ciel, lequel leur estoit apretté en recompense de leur loyauté Vous voulans rendre conformes à laquelle, aimez fermement & tenez foy & loyauté, afin qu'après le depart de ce monde, vous puissiez iouir de la gloire qui vous est aprettée au throsne ou sied le puissant Cupidon, mon seigneur, à qui ie vous recommande, afin qu'il aye pitié de vous autres & de moy, qui par luy ay été atainte & blessée outre mesure. Ce dit, les autres cinq Damoiselles commencerent à sonner de leurs instruments: Et au chant de leur Musique, les personnes qui estoient assemblées à l'entour du Perron, tomberent en terre sans aucun sentiment. Et quand la sixiesme Damoiselle les eut appellées par trois fois, leurs corps disparurent, en sorte que depuis ilz ne furent veuz en ce lieu, ou les Dames qui estoient demeurées donnerent sepulture au corps affligé & nous laisserent exemple, afin de perdre volonté de suiure la vanité d'Amour: & nous etudier, & prendre peine à contempler & penser au torment qu'ha souffert celuy, qui pour

nous oter de perpetuelle seruitude
& captiuité, ha voulu etandre son
corps sur l'Arbre de la Croix . Le
fardeau de laquelle il nous faut por
ter si nous voulons paruenir au lieu
de repos. La porte duquel, sera ou-

uerte à ceux qui s'eloigneront de
cette pestilance & vo lup-
tueuse amytiè plei
ne de poisson,

FIN.

A ANVERS,

Chez Ian waeſberghe sur le Chemisiere nostre Dame,
sur le merche de Toile , à l'escu de Flandres.

M. D. LXI.



1894

1894

mo

834.4 "15" His = 4

10/01

BIBLIOTECA DE CATALUNYA



1001736558



BIBLIOTECA CENTRAL

3 on 8-II-

15

R. 188.2

Digitized by Google

